

精校

張

氏

醫

通

本經  
逢源  
卷一二

上海  
錦章書局  
出版

本經逢原小引

醫之有本經也猶匠氏之有繩墨也有繩墨而後有規矩有規矩而後能變通變通生乎智巧又必本諸繩墨也原夫炎帝本經繩墨之創始也大觀證類規矩之成則也瀕湖綱目成則中之集大成未能達乎變通也譬諸大匠能與人規矩不能與人智巧能以智巧與人達乎變通之道者黃帝靈素之文也能以炎黃之道隨機應用不為繩墨所拘者漢長沙一人而已長沙以天縱之能一脈相承炎黃之道信手皆繩墨也未聞炎黃而外別有繩墨也嘗思醫林學術非不代有名人求其端本澄源宗乎本經主治者玉函金匱而外未之聞也長沙已往唐逸士千金方獨得其髓其立方之峻有過於長沙者後世未由宗之以故集本草者咸以上古逆順反激之用概置不錄專事坦夷以適時宜其間鎖鑰固無足論即瀕湖之博洽古今者尚爾舍本逐末僅以本經主治冠列諸首以為存羊之意惟仲淳繆子開鑿經義迥出諸方而於委宛難明處則旁引別錄等說疏作經言朱紫之混能無戾乎昔三餘齋子有本經註疏一冊三十五年前於念義先生齋頭曾一寓目惜乎未經刊布不可復覩因不自揣聊陳鄙見略疏本經之大義并係諸家治法庶使學人左右逢原不逾炎黃繩墨足以為上工也上工十全六不能盡起向骨而生之吾願天下醫師慎勿妄恃己長以希苟得之利天下蒼生確遵有病不治常得中醫之戒跳出時師圈續何繩墨之可限哉

康熙乙亥春王石頑張璐書於雋永堂時年七十有九

本經逢原目錄

卷一

水部

諸水

火部

諸火

土部

諸土

金部

金

鉛

鐵落

石部

玉

銀硃

雌黃

無名異

慈石

綠青

礞石

蛇黃附蛇含石

赤銅

鉛粉

鐵砂

雲母

水銀

石膏粗理黃石

石鍾乳附孔公學

代精石

扁青

花蕊石

霹靂碇

銅青

鉛丹

鐵精

白石英

輕粉

滑石

石灰

禹餘糧

石膽

河沙

自然銅

蜜陀僧

鐵繡

紫石英

靈砂

石脂

浮石

空青

礞石

石燕

古文錢

錫

丹砂

雄黃

爐甘石

陽起石

曾青

砒石

石蟹

鹵石部

食鹽

戎鹽即青監

鹵礆

凝水石

玄精石

朴硝

玄明粉

風化硝

硝石

硝砂

蓬砂

石硫黃

礬石

綠礬

山草部

甘草

黃耆

人參

沙參

桔梗

黃精

葳蕤

知母

肉苁蓉

天麻

白朮

蒼朮

狗脊

貫衆

巴戟天

遠志

淫羊藿

仙茅

玄參

地榆

丹參

紫參

紫草

白頭翁

白及

三七

黃連

胡黃連

黃芩

秦艸

柴胡

銀柴胡

前胡

防風

獨活

羌活

升麻

苦參

白鮮皮

延胡索

貝母

山慈姑

白茅根

草龍膽

細辛

杜衡

白微

白前

卷二  
芳草部

當歸

芍藥

撫芎

蛇牀

蒿本

白芷

白芍藥

赤芍藥

牡丹皮

木香

甘松香

山柰

高良薑

草豆蔻

草果

白豆蔻

縮砂蜜

益智子

藜蘆

藜蘆

肉豆蔻

補骨脂

薑黃

鬱金

蓬莪茂

荆三稜

香附

茉莉

排草

藿香

薰香

蘭香

澤蘭

馬蘭

香薷

爵牀

荆芥

紫蘇

蘇子

水蘇

薄荷

隲草部

菊

艾

茵陳蒿

青蒿

茺蔚

微銜

夏枯草

劉寄奴

旋覆花

青箱子

紅藍花

臙脂

大薊小薊

續斷

漏蘆

芋根黃麻

胡蘆巴

惡貫

蒼耳

天名精

鶴虱

稀莖

箬

蘆根

甘蔗

蘘荷

麻黃

木賊

石龍尾

燈心

生地黃

乾地黃

熟地黃

牛膝

紫苑

麥門冬

萱草

淡竹葉

冬葵子

蜀葵花

秋葵子

龍葵

酸漿

敗醬草

款冬花

鼠麴草

決明子

地膚子

瞿麥

玉不留行

葶藶

車前子

馬鞭草

光明草

鯉腸草

連翹

陸英

藍實小青

青黛

蓼子

扁蓄

白蒺藜

沙苑蒺藜

穀精草

海金沙

地椒

半邊蓮

地丁

見腫消

毒草部

大黃

商陸

狼毒

狼牙

防葵

蘭茹

大戟

澤漆

甘遂

續隨子

菴藋子

蓖麻子

常山

蜀漆

藜蘆

附子

川烏

天雄

側子

草烏

射罔

白附子

天南星

半夏

蚤休

鬼臼

射干

玉簪根

鳳仙子

曼陀羅花

羊躑躅

芫花

莨菪

莽草

茵芋

鈎吻

蔓草部

兔絲子

五味子

覆盆子

使君子

木鼈子

馬兜鈴

青木香

預知子

牽牛

紫葳

施花

薔薇薔實

月季花

栝蒌實

栝蒌根

土瓜根

葛根

天門冬

百部

何首烏

草薺

土茯苓

白斂

山豆根

黃藥子

白藥子

威靈仙

茜草

防己

木通

通草

鈎藤

木蓮

紫葛

葎草

忍冬

清風藤

藤黃

水草部

澤瀉

羊蹄根

石菖蒲

蒲黃

苦草

水萍

葍

海藻

昆布

石草部

石斛

骨碎補

石葦

景天

石胡荽

地錦

苔草部

陟釐

石菜

卷柏

馬勃

倒掛草

苔

卷三

穀部

諸米

諸麥

諸豆

胡麻

亞麻

麻子仁

薏苡仁

嬰粟殼

阿芙蓉

蒸餅

神麴酒麴

飴糖

醋

酒

菜部

韭

薤

葱

蒜

薑薑

白芥子

蕪菁

萊菔

生薑

乾薑

胡荽

懷香

靳菜

菠薐

薤菜

同蒿

芥蕒子

菹子

馬齒莧

繭白草根

蒲公英

落葵

葢菜

蕨

黃獨

薯蕷

百合

茄

苦瓠

冬瓜子

越瓜

胡瓜

南瓜

絲瓜

苦瓜

紫菜

石花菜

木耳

桑耳

香蕈麻姑

土萆

果部

李根白皮

杏仁

梅

桃仁

栗

棗

梨

木瓜

山楂

柰

林檎

柿蒂

安石榴

橘皮

青皮

橘核

橘葉

柑

橙

柚

柑櫟

金橘

枇杷葉

楊梅

櫻桃

銀杏

胡桃

長生果

瑣瑣葡萄

橡實

榭皮

荔枝

龍眼

橄欖

榧子

松子

檳榔

大腹子

大腹皮

馬檳榔

無花果

枳椇

西瓜

瓜子仁

甜瓜蒂

甜瓜子

葡萄

甘蔗

沙糖

石蜜

蓮藕

蓮實

石蓮子

蓮鬚

蓮房

荷葉

芡實

芡實

烏芋

慈姑

味部

蜀椒

秦椒

椒目

豬椒根

胡椒

畢澄茄

吳茱萸

食茱萸

茗

香木部

柏子仁

柏葉節油

松脂

松節

杉

肉桂

桂心

牡桂

筒桂

桂枝

辛夷

沈香蜜香

丁香丁皮

旃檀

紫檀



降真香

烏藥

茴香

楓香脂

薰陸香

沒藥

麒麟竭

安息香

蘇合香

龍腦香

樟腦

阿魏

蘆薈

喬木部

黃檗小檗

厚朴

杜仲

椿樗根皮

乾漆

梓白皮

梧葉皮

桐實

海桐皮

川棟子

槐實

槐花

秦皮

合歡皮

皂莢

皂角刺

肥皂莢

無患子

沒石子

訶梨勒

柳華

檉柳

水楊

榆根白皮

蕪荑

蘇方木

樺木皮

機櫚

烏柏根

巴豆

大楓子

相思子

灌木部

桑根白皮

桑椹

桑葉

桑枝

柘根白皮

楮實

枳殼

枳實

枸橘

梔子

酸棗仁

白棘

蕤仁

山茱萸

金櫻子

郁李仁

鼠李子

女貞實

枸骨

衛矛

南燭

五加皮

枸杞

地骨皮

沒疏

石南

牡荊

蔓荊子

紫荊皮

木槿花

芙蓉

山茶

蜜蒙

木棉

柞木

黃楊

放杖木

接骨木

萬木部

茯苓 茯神 琥珀 猪苓 雷丸

桑寄生 松蘿

苞木部

竹葉 竹茹 竹瀝 笋 竹黃

震燒木

藏器部

錦 裱褙 裏脚布 鑿柄 弓弩弦

敗蒲扇蒲席 漆器 燈盞油 炊單布 敗鼓皮

卷四

蟲部

蜂蜜 蜜蠟 露蜂房 蝟蝻 蟲白蠟

紫釧 五倍子 桑螵蛸 雀糞 原蠶蛾

白殭蠶 蠶繭 蠶退 靈沙 九香蟲

雪蠶 蜻蛉 栲難 芫青 蟹螯

葛上亭長 地膽 蜘蛛 壁錢 蠍

水蛭 蛆 狗虱 蟻螯 桑蠶蟲

桃蠹蟲 蚱蟬 蟬脫 蛻螂 天牛

蟻火 螢火 衣魚 鼠婦 塵蟲

蜚蠊即虱 蟾蜍 蟾酥 蝦蟇 蛙

蚪蚪 蜈蚣 蚯蚓 蝸牛

龍蛇部

龍骨

龍齒

龍角

龍甲

鯨鯉甲

石龍子

守宮

蛤蚧

蛇蛻

蚰蛇膽

白花蛇

烏蛇

蝮蛇

魚部

鯉魚

鱈魚

青魚

連魚

闊口魚

鱖魚

白魚

石首魚白鮫

鰾魚

勒魚

鮪魚

嘉魚

鰱魚

鯽魚

石斑魚

鮓殘魚

海粉

燕窩

鱸魚

鰻魚

鱧魚

鰻鱺

鯪魚

甲魚

鱖魚

鱖魚

黃頰魚

江鱗

河豚

江豚

比目魚

鮫魚

烏賊骨

鮑魚

海馬

蝦

介部

龜版膽汁

玳瑁

鼈甲

龜甲

蟹

蟹

牡蠣

蚌

真珠

石決明

文蛤

蛤蚧

蛭

魁蛤殼即瓦

車螯

貝子

石蚶

淡菜

海贏甲前

田贏

寄居蟲

郎君子

禽部

鶴頂

鶴骨

鶴鵝

鵝鵝

鵝

雁

鴨

鳧

雞

雉



水部

諸水 古人服藥必擇水火故凡湯液多用新汲并華水取天真之氣浮於水面也宜文火煎成候溫緩緩服之金匱云凡煮藥飲汁以解毒者雖云救急不可熱飲諸毒病得熱更甚宜冷飲之昆白台熱解毒及至熱藥味苦難遵此例一切調補藥即宜溫飲苦寒祛火藥則宜熱飲熱因寒用之法也○仲景黃連解毒湯曰糯米揚子湯通取其流利不助腎邪也○杓揚百通名百勞水取其激揚以除陳積也成無已曰仲景治傷寒痰熱在裏身黃麻黃連軀赤小豆湯煎用潦水取其味薄不助濕熱也○以新汲水煎沸如麻名麻沸湯取其輕浮以散結熱也○以水空煎候熱極煮藥名清漿水取其下趨不至上涌也○服涌吐藥用盞水取其味濁引疾上竄以吐諸痰飲宿食酸苦涌泄為陰也○煎蕩滌邪穢藥用東流水本經云東流水為雲母石所畏鍊雲母用之○煎利水藥用急流水取性走也○煎水逆嘔吐藥用逆流水取其上涌痰涎也○煎陽盛陰衰目不得眼藥用千里流水取其性之疾瀉也○煎中暑神昏藥及食楓樹菌笑不止用地漿水急搗搗陰地作坎置水撓澀者是也取救垂絕之陰也○煎中暑亡汗藥及霍亂泄利不止用酸漿水糯米曬成熟乳餅者或水磨作內煎真粉之酸水亦可取收斂脫之陽也○黃露雨水洗瘡疥滅斑痕○白露雨水洗肌面滅顏色○秋露質清止瘧除煩○臘雪氣瘴助陽攝火治天行時氣瘟疫解丹毒○雹水性暴動風發癩○夏水陰凝發疔成痞○柏葉菖蒲上露並能明目○韭菜上露去白癩風○靈膏花上露能損人目○浸藍水解毒殺蟲誤吞水蛭腹面黃者噉此水蟲下即安○瓶中養花水有毒陽人臘梅者尤甚○鹵水鹹苦大毒凡蝮蠱疥癬及毒蟲生子入肉者塗之即化但瘡有血者不可塗之六畜食一合當時死人亦然○生熟湯入監微鹹霍亂者飲一二升吐盡痰食即愈○方諸水大蚌水也向月取之得至陰之精華故能明目止渴除煩湯火瘡敷之有效○上池水竹籬頭上水也長桑君飲扁鵲能洞鑑臧府見垣一方人○東阿井水煎烏驢皮膠治逆上之痰血○青州范公泉造白丸子利膈化痰二者皆濟水之分流也○至若古塚廢井澤中停水山巖泉水有澗及諸水經宿面有五色者皆有毒非但不可服食煎藥即洗滌亦忌之

諸火 北方炊食都用煤火以地屬坎足勝其氣且助命門真火人食煤火長氣於陰所以膂力強壯南人食之多發瘧毒受其毒者以薑汁解之然煤火處置大缸水於旁則毒從水解○南方炊食都用薪火人食薪長氣於陽氣多輕浮不實不似北方之稟氣剛勁也○凡煎補藥文火緩煎瀉藥武火急煎煎膏用桑柴火最良抱朴子云一切神仙藥不得桑柴不服然不若煎收並用文火則不傷藥性○上古炊食都用燧火是為陽火今皆擊石取火則陰火也用以炊食猶之可也若點艾炷尤非所宜灸宜取太陽真火否則真麻油燈艾莖點於炷上則艾瘡至愈不痛○神針火治寒濕痺附骨陰疽凡在筋骨隱痛者針之火氣直達病所○燔針即燒針病在經筋所發諸痺用之其效最捷經云治在燔針劫刺以知為度以痛為愈馬矢煨煨風痺藥取其性緩通行經絡也○葦薪火炊瀉陽藥取其輕揚不損藥力二者皆內經法也○燈火焯小兒諸驚及頭風腦痛風痺緩急以油能解風毒火能通經絡也○燈花治小兒邪熱在心夜啼不止以二三顆燈心湯調抹乳吮之○燭燼治疔腫同胡麻針砂等分為末和醋敷之治九漏與陰乾馬齒莧等分為末和臘豬脂敷之取烏柏之餘力以化歹肉也○至於烟草之火方書不錄惟朝鮮誌見之始自閩人吸以祛瘴向後北人藉以辟寒今則遍行寰宇豈知毒草之氣熏灼藏府遊行經絡能無壯火散氣之慮乎近日目科內障丸中間有用之獲效者取其辛溫散冷積之翳也不可與水片同吸以火齊火多發烟毒不可以藤點吸恐其有蛇虺之毒也吸烟之後慎不得飲火酒能引火氣熏灼藏府也又久受烟毒而肺胃不清者以砂糖湯解之烟筒中脂污衣上滌之不去惟嚼西瓜仁揉之即淨其滌除痰垢之力可知世以瓜子仁生痰不亦謬乎

諸土 脾土喜燥惡濕故取東壁太陽所照之土引真火生發之氣補土而勝濕則吐瀉自止用以制藥皆為脾胃之引導耳昔人以東壁土調水治小兒嗜食泥土之病取土入蟲口而祛之下行也○道塗中熱土治夏月暈死取溫以散熱也若沃以冷水虛陽立鏗死不救矣○白堊土苦溫無毒本經主女子寒熱癢癢月閉精聚取土之間氣以祛婦人間廁之積也千金治婦人帶下等疾者以土能勝濕而白則蒸入氣分也惟邯鄲者為勝○黃土甘平無毒

乃中央正色不占穢漬故色不黑治泄利冷熱赤白腹內絞痛下血解諸藥毒閉口椒毒野薑毒○蚯蚓泥治小兒陰囊熱腫取寒能解毒也熱病穢語狂亂無燥結可攻者蚯蚓泥涼水調服○蛻螂轉丸土治反胃吐利霍亂瀉淋絞汁飲之醋調塗項上癭瘤○土蜂窩上細土主頭風腫毒及蜂螫傷醋和傅之○胡燕窩上主風瘙癢疹及惡刺瘡浸淫瘡並水和傅之小品治濕瘍疥瘡疥治蠟蟻尿瘡千金治瘰癧丹毒○鼠壤土通腎氣解毒邪取其搜風達竅也○蟻垤土下胞衣死胎炒熱搗心下自出○燒尸場上土治好屨多夢置枕中并塗關元及臍○螺螄泥主反胃吐食取螺螄一斗水浸取泥晒乾每服一錢火酒調服○犬屎泥治妊娠傷寒塗腹保胎○井底泥治妊娠熱病塗胸臍丹田護子并治湯火燒瘡○伏龍肝乃竈心赤土本經云味辛微溫主婦人崩中吐血千金名釜月下土言正對釜臍處也然必日用炊飯者良若煮羹者味鹹不堪入藥止放逆吐血消癭腫毒氣蓋以失血過多中氣必損故取微溫調和血脈也消癭腫毒氣者辛散寒堅也日華子主催生者取溫中而鎮重下墜也其胎漏不止產後下利並宜煮水澄清去滓代水煎約取量藏和營血也千金方治中風口喎狂不識人並用攪水澄服又久利不止橫生逆產胞衣不下皆醋調塗臍腹效小兒重舌和苦酒塗之殺背酒調厚敷乾即易平乃止杖瘡腫痛香油調塗炙瘡腫痛煮水熱淋皆孫真人法也外台治一切癭腫和蒜泥貼乾再易之○百草霜燒百草之煤也止血散瘀上下諸血症主之又陽毒發斑取溫以解毒散火也○釜臍墨治陽毒發狂黑奴丸中用之千金治卒中惡卒心稱舌卒腫大等患又下死胎方用百草霜二錢伏龍肝五錢為細末酒調童便服二錢少頃再服三服即下○梁上塵一名烏龍尾始妊娠胎動橫生逆產及金瘡鼻衄疔腫惡瘡小兒赤丹取其輕浮以散久積之氣也○清烟墨灰止吐衄血逆上行或生藕汁或萊菔汁或鮮地黃自然汁磨服即止然酒燒灰出火毒用之但勿用乾地黃和水搗磨柏葉汁甘蔗汁或成非所宜往往止截後有瘀積之患飛絲入目及一切塵物入目磨濃墨點之自出或燈心蘸墨汁頻搗之○砂鍋取年久炊食者研細水飛治黃腫積塊酒服五錢潞州者佳○孩兒茶一名烏冬泥性澀收斂止血收澀為金瘡止痛生肌之要藥○白磁器研細水飛傅癭腫可代針砭又點目去翳○奠坑底泥治背瘡疔腫惡毒陰乾為末新水調敷其痛立止○坑底同蟬蛻全蠍末作餅香油煎滾溫服以滓傅疔四圍其疔自出

金生金辛平有毒金箔無毒發明金能製水故可療惊癩風熱肝膽之病然須為箔度無重墜傷中之患紫雪方用赤金葉子煎水取制肝降痰逆也若成塊錠金及首飾之類非特無味且有油膩良非所宜○銀箔功用與金不殊但入氣分不入血分稍為不同肘後方治癰腫五石湯用之

赤銅 苦平微毒 發明 賊風反折以赤銅五觔燒紅內二斗酒中百遍服五合日三服以效為度赤銅落乃打銅落下之屑與自然銅同類故亦能接骨蝦赤醋沃七次同五倍等則浸鬚黑潤裁器曰赤銅能鐸人骨及六畜有損細研酒灌直入骨損處六畜死後取骨視之猶有鐸痕可驗

銅青 酸苦平小毒 發明 銅青藉醋結成能入肝膽二經以醋醃搗喉中則吐風痰為散療喉痹牙疳醋調搗腋下列胡臭薑汁調點爛沿風眼去相殺蟲所治皆厥陰之病

自然銅 辛平小毒火煨醋淬七次置地七日日出火毒水飛用銅非煨不可入藥新煨者火毒燥烈慎勿用之 發明 自然銅出銅坑中性稟堅剛散火止痛功專接骨骨接之後即宜理氣活血庶無悍烈傷中走散真氣之患

古文錢 辛平小毒 發明 古錢以生薑汁塗刮青點目去障消癢散赤腫一點即愈但初點熱淚莖莖面然終無損惟作瘡者與肝腎虛而內障生花者不可用也婦人逆產五淋者汁用之使毒初起與胡桃肉同嚼食二三枚即消使毒屬肝金伐木也

鉛一名錫 甘寒無毒凡用取未經銀冶新鉛銕淨去滓再銕成液同硫黃煨如燭起以醋洒之候成黑灰研之不黏滯為度如煨不透服之令人頭痛以陰降太速陽火無依故也 發明 鉛稟北方冬水之性陰極之精內通於腎故

局方黑錫丹宣明補真丹皆用之得承交感即能治一切陰陽混淆上感下虛氣升不降噎膈反胃嘔吐眩暈諸疾又槌成薄片置燒酒中半月許結成白霜取其酒徐徐飲之降陰火最捷但性帶陰毒恐傷心腎不可多服鉛性入肉故女子以之絰耳孔即自穿

鉛粉胡粉一名 辛寒無毒 本經治伏尸毒螫殺三蟲 發明 韶粉與黃丹同類內有豆粉蛤粉而無硝鹽但入氣分功專止痛生肌亦可入膏藥代黃丹用本經治伏尸毒螫殺三蟲者取鉛性之重以鎮攝其邪金匱甘草粉蜜湯治蛇病吐涎心痛專取胡粉殺虫甘草安胃蜜以誘虫口也陶孔景云尸虫彌良



鉛丹一名黃丹 辛微寒無毒。本經治吐逆胃反惊癩癩疾除熱下氣。發明 鉛丹體重性沈味兼鹽礬而走血分。

能墜痰止瘧。本經言止吐逆胃反治惊癩癩疾除熱下氣取其性重以鎮逆滿也。仲景柴胡龍骨牡蠣湯用之取其入膽以祛痰積也。但內無積滯誤服不能無傷胃奪食之患。傳倉長肉墜痰殺蟲皆鉛之本性耳。目暴赤痛鉛丹蜜調貼太陽穴立效。

蜜陀僧 鹹辛平小毒。發明 此感鉛銀硝石之氣而成其性重墜直入下焦故能墜痰截瘧療瘡腫治惊氣入心包絡痞不能言語者用蜜陀僧末一匕茶清調服即愈。惊則氣亂取重以去怯而平肝也。但入口則漾漾欲吐以陰毒之性能傷胃氣也。聖惠方臭敏亦馳蜜陀僧細研人乳調夜則塗之。丹方治背瘡初起以醋煨七次桐油調圍患處即消。同枯礬治汗癩體氣合五倍子染髮鬚同鷹屎白滅癩痕。水磨服解砒霜硫黃毒。

錫 辛寒微毒。發明 錫為砒母故新造錫器不可盛酒越宿制瓶藏藥須舊錫雜鉛乃佳。昔人過飲燒酒皆迷欲絕或令以錫器貯沸湯蓋取氣水飲之即甦。此與炊單布治湯氣重灼無異。同氣相感之力也。

鐵落 辛寒有毒即燒鐵亦沸砧上燥下之屑也。鐵銹內煨亦醋沃七次用。本經主風熱惡瘡瘍疽疔疥氣在皮膚中。發明 素問云有病怒狂者治以生鉄落為飲漬汁煎藥取其性沈下氣最疾不可過服過服令人凜凜惡寒以其專削陽氣也。本經主風熱惡瘡等疾皆肝心火熱所致。辛寒能除二經之熱也。蘇恭以之炒熟投酒中療賊風瘧病借酒以行皮膚中氣也。

鐵砂 酸辛無毒作鉄家磨鉢細末也。發明 針砂寒降善治濕熱脾勞黃病於鉄銹內煨通紅醋沃置陰處待半月結塊生黃化盡鉄性用為消脾胃堅積黃腫之專藥。丹溪溫中丸用之。又以製過鉄砂一兩入乾漆灰半錢香附三錢合平胃散五錢蒸餅為丸湯酒任下。治療與溫中丸不殊。

鐵精 平微溫小毒。本經明目化銅。發明 鉄之精華也。出銀龜中紫色輕如塵者佳。取至陰沈重之性得純陽火鍊而輕浮上升故可以療惊悸定風癩破胃脘積血作痛。本經主明目取其鎮攝虛火之義以其得火氣之多也。但胃氣寒寒人服之往往有奪食發呃之虞。以純陰鎮攝太過而傷犯陽和之氣也。

鐵繡鉄名 辛寒無毒。發明 陶華云鉄繡水和藥服性沈重最能墜熱開結。又能平肝消腫治惡瘡疥癬。和

本經逢源 卷一  
塗之婦人產後陰挺不收和水片研水傳之蠅螬蜈蚣咬和蒜塗之

石部

玉 平淡無毒 發明 玉滅癩痕日日磨擦久則自退研細水飛去目翳珊瑚瑪瑙寶石玻璃水晶為屑水飛皆能磨翳不獨玉屑為然也

雲母 甘平無毒凡用選白者摩薄片取雨水或流水漬去砂土更以秋露漬數十日同露煮七日夜磨令極細摻指無復光明者乃可用之或同監入重布袋按之沃令監味盡懸當風處自然成粉孔景曰鍊之用礬則柔爛忘羊血者以其能解諸藥之性也與胡蒜尤為切禁犯之必腹滿作瀉黑者有毒傷人本經主身皮死肌中風寒熱如在車船上除邪氣安五藏益精明日久服輕身延年 發明 雲母生泰山山谷色白者良本經言雲母甘平詳其性升亦應有甘溫助陽之力故能辟一切陰邪不正之氣主身皮死肌以其能辟除陰毒也其治中風寒熱如在車船上以其能鎮攝虛陽也局方雲母膏治一切瘧毒仲景方治壯瘧多寒千金方治久利帶下小便淋疾及一切惡瘡深師方治痰飲頭痛何德揚治婦人難產溫酒調服三錢入口即下金刃傷敷之亡血最速且無腐爛之虞陰疽腸癰亦多用之皆取助陽之力也久服能使身輕尸解孫真人恒服之但石藥性偏助陽凡陰虛火炎者慎勿誤與曰石英 甘溫無毒出泰山以六稜瑩白如水晶者為真林北海先生本草綱目必讀但收紫而不及白世鮮真者可知本經治消渴陰痿不足效逆胸膈間久寒益氣除風溫痺 發明 白石英入手太陰足陽明氣分肺癰潰久痿痹不起者宜之本經主消渴陰痿不足諸病功專溫肺無疑但石性慄悍不可久服仲景金匱風引湯以令碎如米粒不欲其滓入胃也千金五石等方俱煨過水飛入丸而五石丸專以鍾乳為君合紫白石英赤石脂石膏專溫藏氣而石膏清胃以解諸石之悍且既經煨過水飛不慮其滓之留中蘊熱也

紫石英 甘溫無毒出泰山以五稜明淨深紫大塊者良浙產者塊小亦可入藥經火則毒生研極細水飛三次用時珍云煨赤醋淬七次水飛用非 本經主心腹欬逆邪氣補不足女子風寒在子宮絕孕十年無子 發明 紫石英入手足少陰厥陰血分上能鎮心定惊悸安魂魄攝逆氣重以去怯也下能益肝填補下焦散陰火止消渴溫以暖血也女子經阻色淡不孕者宜之本經治女子風寒在子宮絕孕十年者服之能孕非持峻補也散濁陰留結

之驗也。若血熱紫黑者，禁用。為其性溫也。千金云：婦人欲求美色者，勿服紫石英。令人色黑。非溫血之謂乎。故婦人絕孕，由於陰虛火旺，不能攝精者，禁用。

丹砂砂礞 甘微寒毒。研細水飛用。入火則烈。毒能殺人。急以生羊血童便金汁等解之。本經主身體五藏百病。

養精神。安魂魄。益氣明目。殺精魅邪惡鬼。久服通神明。不老。能化為汞。發明 丹砂體陽性陰。外顯丹色。內含真

汞。不熱而寒。離中有坎。也不苦而甘。火中有土也。嬰兒姪女。交會於中。鎮心安神。是其本性。用則水飛。以免墮鎮。不

宜見火。恐性飛騰。本經治身體五藏百病。安定神明。則精氣自固。火不妄炎。則金木得平。而魂魄自定。五藏皆安。精

華上發。而氣益目。明陽明神物。故應辟除不祥。消散陰惡。殺厲之氣。仲淳繆子經疏之言也。同遠志龍骨。則養心氣。同

當歸丹參。則養心血。以人參茯神濃煎。調入丹砂。治離魂病。以丹砂末一錢。和生雞子黃三錢。攪勻。頓服。治妊娠胎

動不安。胎死即出。未死即安。又以丹砂一兩。為末。取飛淨三錢。於一時頃。分三次酒服。治子死腹中立。出慎勿經火。若

經伏火。及一切烹煉。則毒等於砒礪。惟養正丹。則同鉛汞。硫黃煨之。以汞善走。而火毒不致蘊發也。

銀硃 辛溫有毒。忌一切血。發明 水銀和硫黃煨煉成硃。轉姪為嬰。故專殺蟲治瘡。以毒攻毒而已。今食品往

往用之。良非所宜。觀其同蟹殼燒之。則臭盡絕跡。和棗肉薰之。則瘡加頓枯。其性悍烈可知。

水銀一名承 辛寒有毒。水銀陰毒重者。不可入人腹。古法治誤食水銀。令其人卧於椒上。則椒內皆含水銀。今有誤食

水銀。腹中重墜。用豬脂二觔。切作小塊。焙熟。入生蜜。拌食得下。亦一法也。本經主疥癩。加瘍白禿。殺皮膚中蟲。墮胎

除熱。殺金銀銅錫毒。鎔化還復為丹。發明 水銀乃至陰之精。質重者而性流利。得監礬為輕粉。加硫黃為銀硃。煬

成罐。同硫黃打火。升鍊。則為靈砂。同硝皂等。則為升降靈藥。性之飛騰靈變。無似之者。此應變之兵。在用者得其肯

脊。而執其樞要焉。本經主疥瘍白禿。皮膚中蟲。及墮胎除熱。傳男子陰。則陰消無氣。以至陰之精。能消陽氣。故不利

男子陰器也。和劑局方之靈砂丹。專取硫黃以製承。養正丹。兼取伏火丹砂。以製鉛。深得交通陰陽。既濟水火之妙用。

非尋常草木可以例推也。千金治白癩風癢。外台治蟲癬疥瘡。梅師治痔瘡作毒。肘後治一切惡瘡。藏器有云。水銀入

耳。能蝕人腦。令人百節攣縮。但以金銀著耳邊。即出頭瘡。切不可用。恐入經絡。必緩筋骨。百藥不治。

輕粉賦粉 辛燥有毒。發明 水銀加監礬鍊為輕粉。化純陰為燥烈。而陰毒之性猶存。故能通大腸。傳小兒疳

疽癰癩殺瘡疥癬蟲風瘙瘡癢但以陰性暴悍善咬淫穢微瘡食之竄入筋骨莫之能出久久發為結毒致成廢人然必仍用水銀昇鍊入三白丹引拔毒之藥同氣相求以搜逐之痛風醉仙丹通天再造散用以搜滌毒邪從齒縫出錢氏利惊丸白餅子皆用之取痰積從大便出真瞑眩之音推也

靈砂 甘溫無毒 按胡演丹藥祕訣云昇靈砂法用新錫安道爐上蜜指鍋底文火下燒入硫黃二兩鎔化投水銀八兩以鉄匙急攪作青砂頭如有焰起噴醋解之待永不見星取出細研盛入水火鼎內監泥固能濟下以自然火升之乾水十二盞為度取出如束針紋者成矣庚辛玉冊云靈砂有三以一伏時周天火而成者謂之金鼎靈砂以九度抽添用周天火而成者謂之九轉靈砂以地數三十日炒鍊而成者謂之老火靈砂並宜桑反林醋煮伏過用之於硃砂中鍊出者謂之真汞尤為神效 發明 時珍曰此以至陽釣至陰脫陰反陽故曰靈砂為扶危拯急之靈丹虛陽上逆痰涎壅盛頭眩吐逆喘不得卧寤不得寐霍亂反胃心腹冷痛尤為鎮墜虛火之專藥但不可久服凡胃虛嘔吐傷暑霍亂心肺熱鬱禁用

雄黃 辛苦溫微毒武都者良入香油熬化或米醋入蘿蔔汁煮乾用生則有毒傷人 本經主寒熱鼠瘻惡瘡疽痔元肌殺精物惡鬼邪氣百蟲毒勝五兵 發明 雄黃生山之陽純陽之精入足陽明經得陽氣之正能破陰邪殺百蟲辟百邪故本經所主皆陰邪濁惡之病勝五兵者功倍五毒之藥也其治惊癇痰涎及射工沙蟲毒與大蒜合搗塗之同硝石煮服立吐腹中毒蟲千金方治疔腫惡瘡先刺四邊及中心以雄黃末敷之聖惠方治傷寒狐惑以雄黃燒於瓶中薰其下部和劑局方酒癩丸同蠟尾巴豆治酒積痛利肘後以雄黃礬石甘草湯煮治陰腫如斗經驗方以雄黃白芷為末酒煎治破傷風腫家祕方以雄黃細研神麴糊丸空心酒下四五分日服無間專消瘡母急救良方以雄黃五錢麝香二錢為末作二服酒下治風狗咬傷外臺祕要雄黃敷藥前毒攝生妙用雄黃硫黃菜豆粉人乳調敷酒皸鼻赤不過二五次愈痘癘證治以雄黃一錢紫草三錢為末臘脂汁調先以銀簪挑破搽瘡疔萬氏方治壅瘍漫腫色不欣赤明雄黃細末三分雞子破殼調入飯上蒸熟食之重者不過三枚即消聖濟錄以雄黃豬膽汁調敷白充頭瘡○董黃治惡瘡疥癬殺蟲蝨和諸藥薰嗽千金方有效嗽薰法雄黃 辛平有毒 本經主惡瘡頭充加疔殺毒蟲蝨身癢邪氣諸毒 發明 雌黃出山之陰故單治瘡殺虫而不

能治驚癇痰疾本經治惡瘡頭禿痂疥與雌黃之治寒熱鼠癩迥乎陰陽之分矣其殺毒蟲蠱身癢較雄黃之殺精物惡鬼邪氣解毒辟惡之性則一而功用懸殊治狂痴勝金丹用之不過借為搜陰邪之嚮導耳別錄治鼻中瘰肉不宜久服令人腦漏

石膏 辛甘大寒無毒清胃熱燉用治中暍熱生用一種微硬有肌理名理石主治與粗理黃石相類 本經主中風寒熱心下逆氣驚喘口乾古佳不能息腹中堅痛除邪鬼產乳金瘡 發明 古人以石膏葛根並為解利陽明經藥蓋石膏性寒葛根性溫功用詭不可辨葛根乃陽明經解肌散寒之藥石膏為陽明經辛涼解熱之藥專治熱病暍病大渴引飲自汗頭痛渴瀉使閉齒浮面腫之熱證仲景白虎湯是也東垣云立夏前服白虎令人小便不禁降令太過也今人以此湯治冬月傷寒之陽明證服之未有得安者不特石膏之性寒且有知母引邪入犯少陰非越婢大青龍小續命中石膏佐麻黃化熱之比先哲有云凡病雖有壯熱而無煩渴者知不在陽明切勿誤與白虎本經治中風寒熱是熱極生風之象邪火上衝則心下有逆氣及驚喘陽明之邪熱甚則口乾古佳不能息邪熱結於腹中則堅痛邪熱不散則神昏譫語等乎邪鬼解肌散熱外泄則諸證自退矣即產乳金瘡亦是鬱熱蘊毒赤腫神昏故可用辛涼以解泄之非產乳金瘡可泛用也其金匱越婢湯治風水惡寒無大熱身腫自汗不渴以麻黃發越水氣使之從表而散石膏化導胃熱使之從胃而解如大青龍小續命等製又不當以此執泥也至於三黃石膏湯又以伊尹三黃河間解毒加入石膏麻黃香豉薑葱全以麻黃開發伏氣石膏化導鬱熱使之從外而解蓋三黃石膏之有麻黃越婢青龍續命之有石膏白虎之加桂枝加蒼朮加入參加竹葉麥門冬皆因勢利導之捷法千金五石丸等方用以解鍾乳紫石英之熱性耳別錄治時氣頭痛身熱三焦大熱皮膚熱腸胃中熱氣解肌發汗止消渴煩逆腹脹暴氣喘息咽熱者以諸病皆由足陽明胃經邪熱熾盛所致惟喘息略兼手太陰病此藥能散陽明之邪熱陽明邪熱下降則太陰肺氣自寧故卷主之○精理黃石破積聚去三蟲千金鍊石散醋帳水飛同白斂鹿角治石癘以火針針破敷之

滑石 甘寒無毒色青赤者有毒 本經主身熱洩瀉女子乳難癢閉利小便瀉胃中積聚寒熱益精氣 發明 滑石利數不獨利小便也上能散表下能利水道為瀉熱散濕通利六府力竅之專劑取甘淡之味以清肺胃之

氣下達膀胱也詳本經諸治皆清熱利竅之義河間益元散通治表裏上下諸熱解時氣則以葱豉湯下催生則以香油漿水調服暑傷心包則以本方加辰砂末一分使熱從手足太陽而泄也惟元氣下陷小便清利及精滑者勿服久病陰精不足內熱以致小水短少赤澀雖有泄瀉皆為切禁而本經又言益精氣者言邪熱去而精氣自復也赤石脂 甘酸辛溫無毒五色石脂並溫無毒 本經養心氣明目益精療腹痛腸澼下痢赤白小便利及瘰疽瘡痔女子崩中漏下產難胞衣不出 發明 赤石脂功專止血固下仲景桃花湯治下利便膿血者取石脂之重瀉入下焦血分而固脫乾薑之辛溫煖下焦氣分而補虛粳米之甘溫佐石脂而固腸胃也火熱暴注初痢有積熱者勿用本經養心氣明目益精是指精血脫泄而言用以固斂其脫則目明精益矣療腹痛腸澼等疾以其開泄無度日又不止故取瀉以固之也治產難胞衣不出乃指日久去血過多無力迸下故取重以鎮之也東垣所謂胞衣不出瀉劑可以下之設血氣壅滯而胞衣不出又非石脂所宜也其白者斂肺氣澀大腸金匱風升湯用之專取以杜虛風復入之路也青者入肝黃者入脾黑者入腎總取治崩利水之功各隨其色而用之

爐甘石 甘溫無毒 發明 爐甘石得金銀之氣而成專入陽明經而燥濕熱目病為要藥時珍常用爐甘石煨飛海螵蛸硼砂等分為細末點諸目病皆妙又煨過水飛丸如彈圓多攢管孔燒赤前黃連汁淬數次點眼皮濕爛及陰囊腫濕其功最捷

無名異 甘平無毒 本經主金瘡折傷內損止痛生肌肉 發明 無名異本經主折傷內損今人治打傷腫痛損傷接骨又試效方臨杖預用酒服三五錢則杖不甚傷蘇頌醋磨敷腫毒者亦取活血涼血之功耳

石鍾乳 甘溫無毒以甘草紫背天葵同煮一伏時杵粉入鉢細研水飛澄過再研萬遍磁器收之若不經煨煉服之令人淋 本經主欬逆上氣明目益精安五藏通百節利九竅下乳汁 發明 鍾乳乃山靈陽氣所鍾故瑩白

中空純陽通達專走陽明氣分若質實色滯必生陰壅不無蛇虻之毒誤餌傷人惟產乳源形如鵝翎管者最勝然性偏助陽陰虛之人慎毋輕服內經云石藥之氣悍服之令陽氣暴无形體壯盛味者得此自慶益肆淫決精氣暗

損石氣獨存孤陽愈熾久之榮衛不從發為淋濁及為癰疽是果乳石之過歟抑人之自取耶惟肺氣虛寒欬逆上氣哮喘痰清下虛脚弱陰痿不起大腸冷淋精泄不固等疾功效無出其右本經主欬逆上氣者取其性溫而鎮墜

之則氣得歸元而病自愈。五藏安則精自益。目自明。其通百節。利九竅。下乳汁者。皆取甘溫助陽。色白利竅之力也。昔人言鍾乳與白朮相反。而千金方每多並用。專取相反之性。激其非常之效。子嘗親試。未嘗有害。孔公孽。孔竅中通。附垂於石。如木之孽。即鍾乳之林。本經利九竅。下乳汁之功。與鍾乳無異。而殷孽。即孔公孽之根。又為瘡疽癰痔。溫散結氣之用。惜乎世鮮知者。

石灰 辛溫有毒。本經主瘍疽疥癬。熱氣惡瘡。癩疾。死肌墮眉。殺痔蟲。去黑子瘰肉。發明 石灰粟壯火之餘烈。故能辟除陰邪濕毒。觀本經所主。疽瘍疥癬。熱氣惡瘡。癩疾。死肌等。皆外治之用。去黑子者。火氣未散。性能灼物。故能去黑子瘰肉。及墮眉也。本經雖不言有毒。而內服之方。從無及此。其毒可知。寇氏治中風口喎。以石灰醋炒調塗。左塗右。右塗左。立便牽正。千金治身面疣。用苦酒浸石灰六七日。取汁頻頻滴之。自落。又治溺死之人。用化過細灰裏下部。以溱其水。即活。又治癰瘡不合。古塚中石灰厚。傳之集玄方。治面皸。疣。惡瘡。水煮滾化。礮灰。揀糯米半入灰中。經宿色變如晶。以鈇微撥動。點少許於上半日。汁出。剔去。藥不得著水。二日即愈。便簡方治疥。腮腫痛。醋調陳年石灰傳之。肘後方治湯火傷灼。年久石灰調油傳之。又治刃金瘡。石灰裏之。即痛定血止。但不可著水。著水即爛肉也。

浮石 一名海石 鹹平無毒。煨過水飛用。發明 海石乃水沫結成。色白體輕。故治上焦痰熱。止嗽。點目翳。傳瘰癧。功效最捷。又治諸淋。散積塊。皆取鹹能軟堅之意。消癭瘤。結核。疝氣。然惟實證宜之。虛者誤投。患亦最速。以其性專剋削。脾胃之氣也。南海有浮水之石。沈水之香。專取物類之相反。以治病氣之阻逆也。

陽起石 一名白起石 鹹溫無毒。色白。揉之綿不脫者。真質堅脆者。即偽。煨過燒酒。七次。杵過水飛用。本經主崩中漏下。破子藏中血。癥瘕。結氣。寒熱。腹痛。無子。陰痿不起。補不足。發明 陽起石乃雲母之根。右腎命門藥。下焦虛寒者。宜之。黑錫丹用此。正以補命門。陽氣不足也。本經治崩中漏下。陽衰不能統攝。陰血也。又言破子藏中血。癥瘕。結氣。是指陰邪畜積而言。用陽起石之鹹溫。散其所結。則子藏安和。孕自成矣。陰虛火旺者。忌用。以其性專助陽也。

慈石 一名慈石 辛鹹微寒。無毒。入藥煨過。醋泮七次。研細水飛用。本經主周痹。風濕。肢節中痛。不可持物。洗

洗酸消除大熱煩滿及耳聾。發明 慈石為鈇之母。腎與命門藥也。惟其慈故能引針。千金慈石丸治陰虛龍火上炎。耳鳴嘈嘈。腎虛腫神散。大蓋慈石入腎。鎮養真精。使神水不外移。硃入心。鎮養心血。使邪火不上侵。耳目皆受陰矣。本經主周痺風濕。肢節中痛。洗洗酸消。取辛以通痺而祛散之。重大一塊。同煨穿山甲末。綿裹塞耳中。口含生鈇一塊。覺耳中如風雨。數即通。

代赭石本經名須凡 苦甘平無毒。擊碎有乳形者真。火煨醋淬三次。研細水飛用。本經主鬼疰賊風毒。腹中毒邪。

女子赤沃漏下。發明 赭石之重以鎮逆氣入肝。與心包絡二經血分。本經治賊風毒。亦沃漏下。發明 赭

石之重以鎮逆氣入肝。與心包絡二經血分。本經治賊風毒。亦沃漏下。取其能收斂血氣也。仲景治傷寒吐下後

心下痞硬。噫氣不除。旋復代赭石湯。取重以降逆氣。滌痰涎也。觀本經所治皆屬實邪。即亦沃漏下。亦是肝心二

經瘀滯之患。其治難產胞衣不下。及大人小兒驚氣入腹。取重以鎮之也。陽虛陰痿。下部虛寒。忌之。以其沈降而乏

生發之功也。

禹餘糧本經名白餘糧與太餘糧功用皆同 甘平無毒。細研水淘澄之。勿令有砂土。本經主欬逆寒熱煩滿。下赤白血閉。癰疽大

熱。鍊餌服之。不飢輕身延年。發明 重可以去怯。禹餘糧之重。為鎮固之劑。手足陽明血分藥。其味甘故治欬逆

熱。煩滿之病。其性澀。故主赤白帶下。前後諸病。仲景治傷寒下利不止。心下痞。利在下焦。赤石脂禹餘糧丸主之。

寒重以鎮痞逆。瀉以固脫泄也。抱朴子云。禹餘糧丸日再服。三日後令人多氣力。負擔速行。身輕不飢。即本經輕身

取延年之謂。

空青 甘酸大寒無毒。本經主青盲且聾。明目利九竅。通血脈。養精神。益肝氣。久服輕身延年。發明 空青感

銅之精氣而結。故專入肝明目。本經主耳目九竅諸病。皆通血脈。養精神。益肝氣之力也。久服輕身延年者。銅性善

滌垢穢。垢穢去而氣血清純。毋伐天和矣。時珍曰。空青與綠青。皆生益州。及越雋山有銅處。東方甲乙是生肝膽。其

氣之清者。為肝血其精英。為膽汁。開竅於目。血者五藏之英。皆因而注之為神。膽汁充則目明。減則目昏。銅亦有陽

之氣所生。其氣之清者。為綠。猶肝血也。其精英為空青之英。皆因而注之為神。膽汁充則目明。減則目昏。銅亦有陽

真醫亦罕識。以故俗諺有天下有空青。人間無醫目之說。不知此雖貴品。銅官始興。涼州高平。饒信等處。亦皆有之。



出銅坎者。銅質隱隱內涵空綠。生金穴者。金星聚聚內涵空青。總取得肝膽之精靈。通空竅之風氣也。予嘗以此驗之。攷之。張果玉洞要訣云。空青似楊梅受赤金之精。甲乙陰靈之氣。近泉而生。故能含潤。然必新從坎中出者。則鑛破中有水。若出礦日久。則乾如珠矣。安有藏久不乾之理。近世必以中空涵漿者為真。若爾則當名空漿。不當名空青矣。但須驗其中空。內有青綠如珠者。即真空青。急不可得。綠青可以代用。活法在人。可執一乎。

曾青 音居其青層層而生。故石形如蛇蚶尿者真。 酸小寒無毒。本經主目痛。止淚。出風。痺利關節。通九竅。破癥。積聚。久服。輕身不老。

發明 曾青治目。義同空青。以其並出銅礦。與綠青同一根源。曾青則綠青之祖氣也。古方太乙神精丹之扁鵲治積聚留飲。有曾青丸。並見古今錄驗方。曾青二青。近世絕罕。千金云。當取崑崙綠代之。即綠青也。

綠青 俗名石綠。 微酸小毒。發明 痲在上宜吐。在下宜利之。綠青吐風痲眩。悶取二三錢。同龍腦少許。調勻。以生薄荷汁。合酒溫服。便臥。涎自口角流出。乃愈。不嘔吐。而功速。故著之。

扁青 俗名石青。 甘平無毒。本經主目痛。明目。折跌。癘腫。金瘡。不瘳。破積聚。解毒氣。利精神。發明 石青走肝。

磨堅積。故本經所主。皆肝經積聚之病。時珍用吐風痲。研細溫水灌下。即吐。肝虛易驚。多痲者。宜之。形如縮砂者。名魚目青。主治與扁青無異。

石膽 俗名石膽。 酸辛寒有毒。產秦州。嵩岳。及蒲州中條山。出銅處有之。能化五金。以之制汞。則與金無異。本經主目痛。金瘡。諸癩。瘰癧。女子陰蝕。痛。石淋寒熱。崩中下血。諸邪毒氣。發明 石膽酸辛氣寒。入少陽膽經。性寒。

收斂。味辛上行。能涌風熱。痰涎。發散風木相火。又能殺蟲。本經主目痛。金瘡。癩瘰。取酸辛以散風熱。痰垢也。治陰蝕。崩淋。寒熱。取酸寒以將濕熱。淫火也。又為咽齒。喉痺。乳蛾。諸邪毒氣。要藥。涌吐風痲。最快方。用米醋煮真鴨嘴。膽礬末醋調。探吐膠痰。即瘥。久治紫白癩。風膽礬。牡蠣粉。生研醋調。摩之。風犬咬傷。膽礬末水服。探吐。蜜調。傳之立愈。胃脫。蟲痛。茶清調。膽礬末吐之。走馬牙疳。紅棗去核。入膽礬煨。赤研末。敷之。追出痰涎。即愈。百虫入耳。膽礬和醋灌之。即出。千金方也。

礬石 辛熱有毒。久服令人筋攣。煨法以黃泥包炭火燒一日。一夕。乃可用之。惡羊血不入湯液。本經主寒熱。

鼠瘻。蝕死肌。風痺。腹中堅癖。邪氣。發明 時珍云。礬石與砒石相近。性亦相類。但砒石略帶黃暈。礬石全白。

石部

卷一

七

稍有分辨。而古方礬石與礬石常相渾書二字相似故誤耳。然礬石性寒無毒礬石性熱有毒不可審甄權陰隔間積氣。冷濕風痺癢癩積十年者。仲景云生用破人心肝。嚴冬以此置水中。則水不冰。其熱毒之性不減。礬石今藥肆中往往以充礬石。而礬石僅可破積攻痹。不能開痰散結。是以勝金丹截瘧丹服之不效者。良由誤用礬石之故。按王子敬靜息帖言礬石深是可疑。凡喜服寒食散者。輒發瘧毒。故云深可疑也。以其毒烈乾汞最速。故丹房目為仙藥。凡山中有礬石者。春不生草。冬不積雪。而鼠食則斃。蠶食則肥。物類之宜忌。有不可解者。其特生礬石。有蒼白紫桃花色。金星銀星等類。其毒不異。惟出金穴中者。名握雪礬石。雖溫無毒。與上迥為不同。

礬石

出信州故

苦辛大熱大毒。色白有黃暈者。名金腳礬。鍊過者曰礬霜。色紅者最劣。不堪入藥。畏菘豆芽茶。

冷水入藥醋煮用。或與芽茶同用。或與浸濕生菜豆仁同研以殺其毒。中其毒者以生羊血解之。冷水多灌亦解。若犯火酒必不可救。發明 礬霜瘡家常用。入口則吐利兼作。吐後大渴則與菘豆湯飲之。礬性大毒。誤

食必死。奈何以必死之藥治必不死之病。豈不殆哉。然狂癡之病。又所必需。勝金丹用之無不應者。枯痔散與天靈蓋同用。七日痔枯自落。取熱毒之性以枯朽肉。天靈蓋以透骨髓。散宿垢。長肌肉也。

礬石 辛鹹平無毒。色青者入肝力勝。色黃者善脾次之。硝石煨過。杵細水飛用。發明 青礬石厥陰之藥。其性下

行。治風木太過。扶制脾土。氣不運化。積滯生痰。壅塞膈上。變生風熱諸病。故宜此藥。重以下墜。泄之使木平氣下。而痰

積通利。諸證自除矣。今人以王隱君滾痰丸。通治諸痰怪證。不論虛實寒熱。概用。殊為未妥。不知痰因脾胃不能運化。積滯而生。膠固稠粘者。誠為合劑。設因陰虛火炎。煎熬津液。凝結成痰。如誤投之。則陰氣愈虛。陽火彌熾。痰氣未除。而脾胃先為之敗矣。况乎脾胃虛寒。食少便溏者。得之泄利不止。禍不旋踵。若小兒多變。慢脾風證。每致不救。可不

慎歟。

花乳石

一名花藥石

酸辛溫無毒。出陝華諸郡。色黃中有淡白點。以此得名。又代州山谷中有五色者。制法以花乳石

五兩。同礬黃二兩。入煬成罐內。監泥固濟。加頂火煨過。研細水飛用。發明 花乳石產礬黃山中。其性大溫。厥陰

血分藥也。葛可久治虛勞吐血。有花藥石散。以其性溫善散瘀結也。和劑局方治金刃箭傷打撲垂死。外有損處。以

煨過細末。搽傷處。血化黃水。再搽即活。如內有損血入臍府。煎童子小便入酒少許。調灌一錢。七立效。婦人產後惡

血衝心昏暈不省或胎死腹中胞衣不下致死但心胸溫暖者急以童便調灌一錢取下惡血即安若膈上有血化為黃水即時吐出或隨小便出甚效但陰虛火炎中無瘀積者誤用必殆

河沙 微寒無毒 發明 河沙得水土之氣故夏月發痲子通石淋主絞腸痧痛用沙炒熟冷水淬之澄清服數

又風濕頑痺不仁筋骨攣縮六月取河沙曝熟伏坐其中冷即易之取微汗忌風冷勞役不過數次愈其王田沙夏

月發痲疹良

石燕 甘寒無毒 發明 石燕出祈陽西北江畔砂灘上形似蚪而小堅重於石俗云因雷雨則自石穴中出隨

雨飛墮者妄也其性寒涼乃利竅行濕熱之物故能瘖眼目障翳磨水不時點之熱淋者汁飲之婦人難產兩十各

執一枚即下然不若磨汁飲之僅似有理

石蟹 甘寒無毒 發明 石蟹生南海近海州郡皆有之體質石也與蟹相似或言崖州榆林港內土極細最寒

蟹入不能運動片時成石亦妄言也其性鹹寒質堅能磨翳積故青盲目淫膚翳丁翳漆瘡皆水磨點塗佐生下胎

療熱極血暈熱水磨服

蛇黃 溫微毒 發明 蛇黃生蛇腹中如牛黃之類世人因其難得遂以蛇含石醋煨水飛代之取蛇之性竄

入肝也蛇含石入手足厥陰血分與代赭之性不甚相遠為小兒鎮攝驚癇之重劑脾風泄瀉者宜之

霹靂礮 即雷 溫無毒 發明 雷楔稟東南水火之氣治小兒驚癇磨汁服之作枕辟惡夢不祥鎮邪瘧刮屑

殺瘵蠱下蠱毒置箱篋不生蛀蟲佩之安神治驚邪之疾

### 鹵石部

食鹽 鹹寒無毒 本經主結熱喘逆胸中病令人吐 發明 鹹走腎走血腎病血病人無多食鹽以血得鹹則

凝也補腎藥用之不過借為引導耳乾霍亂及臭毒頭疼腹痛多用鹽水吐之本經所主結熱喘逆者以鹹能下氣

過鹹則引涎水聚於膈上而涌之也好食鹹者人多黑色耗血之驗也病水腫忌食以其走腎助邪水之逆滿也千

金治妊婦橫生逆產先露手足以鹽摩產婦腹并塗兜手足急以爪搔之即縮入而正產又殺蟲毒凡水蛭蚯蚓得

鹽即化為水毒蟲螫者以鹽擦之其毒即解鹽之味鹹性降下氣最速治下部蠱瘡吐胸中痰癖止心腹卒痛不

可多食。傷肺喜效。扁鵲云能除一切大風痛炒熱熨之。今人救朱魚。噎雷電暴雨欲死。但口微動者。速將鹽少許調水貯魚於中。時時微動。其水即活。鱗尾有損處。以鹽塗之。即生出。鹽為水之精。專得涵養之力也。今人食暴雨潦水。腹脹。以鹽湯探吐。即安。其解水毒可知。

戎鹽一名石鹽俗名青鹽與光明鹽同類 鹹寒無毒 本經主明目目痛益氣堅筋骨去毒蠱 發明 戎鹽稟至陰之氣凝結而成。不經煎鍊。生涯淡之陰功專走血入腎。治目中瘀赤昏澀。金匱茯苓戎鹽湯。治小便不通。取其補腎利膀胱也。又能固齒明目。治目痛。其益氣堅筋骨。一皆補腎之力。本經首主明目目痛。是熱淫於內。治以鹹寒。又言去毒蠱者。鹹能

更堅蠱毒邪氣。不能浮長矣。

鹵鹼一名石鹼 苦鹹微寒無毒 本經主大熱消渴狂煩除邪及下蠱毒柔肌膚 發明 鹹味鹹性走。故能消痰磨積。祛熱煩蠱毒。消渴屬實熱者。宜之肌膚粗者。以湯洗之。頑皮漸退。是即柔肌膚之謂也。○水鹼乃竈灰淋湯。冲銀黝脚所造。性能發麵。故麵舖中無不用之。病人食之多發浮腫。故方後每忌濕麵。觀其善滌衣垢。剋削可知。

凝水石水石 辛鹹寒無毒 近世真者絕不易得。故驗真偽。含之即化為水。否即是偽。石膏亦名寒水石。與此不同。本經主身熱腹中積聚邪氣。皮中如火燒煩滿。發明 寒水石生積監之下。得陰凝之氣而成。監之精也。治心腎積熱之上藥。本經治腹中積聚。鹹能軟堅也。身熱皮中如火燒。鹹能降火也。金匱風引湯。局方紫雪。皆用以治有餘之邪熱也。如無真者。戎鹽玄精石皆可代用。總取鹹寒降泄之用耳。

玄精石 辛鹹無毒。青白龜背者良。本經除風冷邪氣濕痹。益精氣 發明 玄精石稟太陰之精。與鹽同性。故其形皆六出。象老陰之數也。本經言味鹹氣溫。傳寫之誤。其氣寒而不溫。其味辛鹹。沈降同。硫黃硝石。治上盛下虛。收陽助陰。有扶危拯逆之功。來復丹用之。專取一陽來復之義。寒因寒用。深得本經諸治之奧。

朴硝 辛苦鹹寒有毒。黃者傷人。赤者殺人。入藥必取白者。以水煎化。澄去滓。入萊菔自然汁同煮。傾入盆中。經宿結成。如水。謂之盆硝。齊衛之硝。上生鋒芒。謂之芒硝。川晉之硝。上生六稜。謂之牙硝。取芒硝再三。以萊菔汁煉去鹹味。懸當風處。吹去水氣。輕白如粉。謂之風化硝。以芒硝牙硝同萊菔汁甘草煎過。鼎鑪昇煖。謂之玄明粉。本經主五藏

積熱胃脹。閉滯蓄結。飲食推陳致新。除邪氣。向籍簡在硝石條內。今正之詳治五藏等證皆能邪因積決非硝石所能 發明 熱淫於內。治以鹹寒。堅者以

積熱胃脹。閉滯蓄結。飲食推陳致新。除邪氣。

鹹乘之熱者以寒消之不出本經推陳致新之妙用仲景大陷胸湯調胃承氣湯皆用芒硝乘堅去實且帶微辛所以走而不守若熱結不致堅者不可輕用小兒赤遊風以硝傾湯中取布蘸濕拭之

玄明粉白龍粉 味甘微寒無毒 發明 玄明粉用芒硝煨過多遍佐以甘草緩其鹹寒之性用治膈上熱痰胃中實熱腸中宿垢非若芒硝之力峻傷血也然脾胃虛寒及陰虛火動者慎勿輕用以取虛虛之咎

風化硝 甘鹹寒無毒 發明 風化硝甘緩輕浮故治上焦心肺痰熱而不致於泄利者宜之并治經絡之痰濕但重著而非痰痛者用之有效指迷茯苓丸治痰濕流於肩背之陽位而隱隱作痛最為合劑然惟體肥氣實者為宜眼臉赤腫和人乳點之

硝石即礬 辛苦鹹溫有毒溶化投甘草結定取用本經主百病除寒熱邪氣逐六府積聚結固留癖能化七十二種石詳家本草皆錯簡在朴硝條內 發明 煨硝屬火其性上升能破積散堅治諸寒熱交錯之病升散三焦火鬱調和臧府虛寒除寒熱邪氣逐六府積熱不出本經主治也別錄言天地至神之物能化七十二種石抱朴子亦云能消柔五金化七十二石其錯簡可知與硫黃同用即配偶二炆均調陰陽有升降水火之功治冷熱緩急之病蓋硫黃性煖而利其性下行硝石性煖而散其性上行一升一降此制方之妙也

礬砂 鹹苦辛熱有毒醋煮乾刮下用番禹者良畏酸漿水忌羊血中其毒者生菜豆研汁送飲解之 發明 礬砂大熱乃鹵液所結東陰毒之氣含陽毒之精破積攻堅無出其右故能治噎膈反胃積塊肉癥其性能柔金銀故錐藥用之所言化人心為血者甚言其迅利也外用治惡肉除疔贅去鼻中瘰肉最捷但不可過用用過急以甘草湯洗之觀金銀有偽投礬砂罐中悉能消去况人腹中有久積死胎豈不腐潰但其性毒烈苟有生機慎勿輕試

蓬砂一名礬砂 甘微鹹無毒甘草湯煮化微火炒鬆用 發明 蓬砂味甘微鹹氣溫色白而質輕能去胸膈上焦之實熱素問云熱淫於內治以鹹寒以甘緩之是也其性能柔五金而去垢膩故主痰嗽喉痺破癥結噎膈積聚骨鯁結核惡肉取其能柔物也含化噤津治喉中腫痛膈上痰熱取其能散腫也眼目障翳口齒諸病用之取其能滌垢也昔人治骨鯁百計不下取含噤汁脫然如失此較堅之微也

石硫黃 酸鹹大熱有毒以萊菔控空入硫黃蒸熟用或入豆腐中煮七次用或醋煨用或豬臟中制用各隨本方硫

是礬之液礬是鐵之精磁石是鐵之母故鐵砂磁石制入硫黃立成紫粉硫能乾汞見五金而黑得水銀則亦也  
本經主婦人陰蝕疽痔惡血堅筋骨除頭禿 發明 硫黃稟純陽之精賦大熱之性助命門相火不足寒鬱火邪  
胃腕結痛脚冷疼弱者宜之其性雖熱而能疎利大腸與燥濕之性不同但久服傷陰多致便血傷寒陰毒爪甲純  
青火焰散屢奏神功陰水腹脹水道不通金液丹服之即效本經治陰蝕疽痔乃熱因熱用以散陰中蘊積之垢  
熱但熱邪亢盛者禁用又言堅筋骨者取以治下部之寒濕若濕熱痿痺良非所宜人身陰常不足陽常有餘苟  
非真病虛寒胡可服此毒熱類按有久服硫黃人斬縮小之例石頑親見李堯占服此數年臨斃縮小如七八歲  
童子狀正內經所謂熱則骨消筋緩是也

礬石 酸澀微寒無毒明如鵬砂起橫橋者名馬齒礬最勝生用煨用各隨本方生者多食破人心肺 本經主  
寒熱洩利白沃陰蝕惡瘡目痛堅骨齒 發明 白礬專收濕熱固虛脫故本經主寒熱泄利蓋指利久不止虛  
脫滑泄因發寒熱而言其治白沃陰蝕惡瘡專取滌垢之用以洗之則治目痛漱之則堅骨齒引景曰經云堅  
骨齒誠為可疑以其性專入骨多用則損齒少用則堅齒齒乃骨之餘也為末去鼻中瘰肉其治氣分之痰濕癰  
腫最捷侯氏黑散用之使藥積腹中以助悠久之功故蠟礬丸以之為君有人遍身生瘡如蛇頭服此而愈蠟權  
生含嚙津治急喉痺皆取其去穢之功也若濕熱方熾積滯正多誤用收澇為害不淺岐伯言久服傷人骨凡陰  
虛咽痛誤認喉風陰冷腹痛誤認臭毒而用礬石必殆

綠礬 一名礬 酸寒無毒 發明 皂礬專除垢膩同蒼朮酒麴醋丸治心腹中滿或黃腫如土色甚效蓋礬色綠

味酸燒之則亦用以破血分之瘀積其效最速金匱治女勞黑瘰硝石礬石丸專取皂礬以破瘀積之血綠其未  
經註明嘗有誤用白礬瀉收殊時此理又婦人白沃經水不利子臧堅癖中有乾血白物用礬紅杏仁蜜丸納陰  
中曰一易之

### 山草部

甘草 一名老 甘平無毒反海藻大戟甘遂芫花補中散表免用瀉火解毒生用中心黑者有毒勿用 本經主五藏  
六府寒熱邪氣堅筋骨長肌肉倍氣力解金瘡腫毒 發明 甘草氣薄味厚升降陰陽大緩諸火生用則氣平調

脾胃虛熱大瀉心火解癰腫金瘡諸毒火之則氣溫補三焦元氣治藏府寒熱而散表邪去咽痛緩正氣養陰血長肌肉堅筋骨能和衝脈之逆緩帶脈之急凡心火乘脾腹中急痛腹皮急縮者宜倍用之其性能緩急而又協和諸藥故執藥用之緩其熱寒約用之緩其寒寒熱相兼者用之得其平本經治藏府寒熱邪氣總不出調和胃氣之義仲景附子理中用甘草恐僭上也調胃承氣用甘草恐速下也皆緩之之意小柴胡有黃芩之寒人參半夏之溫而用甘草則有調和之意炙甘草治傷寒脈結代心動悸渾是表裏津血不調故用甘草以和諸藥之性而復其脈深得攻補兼該之妙用惟土實脹滿者禁用而脾虛脹滿者必用益脾溫則健運也世俗不辨虛實一見脹滿便禁甘草何不思之甚耶凡中滿嘔吐諸濕腫滿酒客之病不喜其甘蕒戰慄寒與之相反亦迂緩不可救昏昧耳而胡洽治痰癖以十棗湯加甘草大戟乃痰在膈上欲令通泄以拔病根也古方有相惡相反並用非妙達精微者不知此理其稍去莖中痛節解癰疽毒條草生用解百藥毒凡毒遇土則化甘草為九土之精故能解諸毒也千金方云甘草解百藥毒如湯沃雪有中烏頭巴豆毒甘草入腹即定驗如反掌方稱大豆解百藥毒予每試之不效加甘草為甘豆湯其驗甚捷嶺南人解蠱凡飲食時先用炙甘草一寸嚼之若中毒隨即吐出

黃耆 甘溫無毒入益氣藥灸用入解表及托裏藥生用肥潤而軟者良堅細而枯者食之令人胸滿本經主癰疽久敗排膿止痛大風癰疾五痔鼠瘻補虛小兒百病發明黃耆甘溫氣薄味厚升少降多陰中陽也能補五藏諸虛入手足太陰手陽明少陽而治脈弦自汗瀉陰火去肺熱無汗則發有汗則止入肺而固表虛自汗入脾而托已潰癰瘍本經首言癰疽久敗排膿止痛火言大風癰疾五痔鼠瘻皆用生者以疏衛氣之熱性雖溫補而能通調血脈流行經絡可無礙於壅滯也其治氣虛盜汗自汗及皮膚痛是肌表之藥治咯血柔脾胃是中州之藥治傷寒尺脈不至補腎藏元氣不足及嬰兒易感風邪發熱自汗諸病皆用灸者以實衛氣之虛乃上中下內外三焦藥即本經補虛之謂如痘疹保元湯治脾肺虛熱當歸補血湯治血虛發熱皆為聖藥黃耆同人參則益氣同當歸則補血同白朮防風則運脾濕同防風防已則祛風濕同桂枝附子則治衛虛亡陽汗不止為膜理開闔之總司又黃耆性專實衛溫補下元而當歸補血湯曷不用地黃之屬反用此三倍於歸其義何居蓋陰血之虛而發熱明係陽從陰亢自必峻用陰中之陽藥為君兼當歸引入血分自然陽生陰長陰邪退聽而亢

熱除矣。若用純滋膩徒資膠滯。熱無由而散也。是須黃耆固護其營。不使重奪其汗。而陰自守執自除矣。昔人言無汗不得用黃耆。服之令人胸滿。此指表實形瘦色蒼胸中氣盛者而言。若衛氣虛衰之人。感寒雖用表藥。多不得作汗。須用黃耆建中之屬。始得汗解。不可拘於俗見而廢聖法也。唐許胤宗治柳太后病。風不能言。脈沉而口噤。乃造黃耆防風湯數斛。置於牀下。氣如烟霧。一夕便得語也。此義惟玉屏風散得之。黃耆性畏防風。然得防風。其功愈大。蓋相畏而相使者也。

人參古作 甘苦微溫無毒。產高麗者良。及藜蘆畏。鹵鹽陰虛火炎。救嗽喘逆者。青鹽製之。本經補五藏。安精神。

定魂魄。止驚悸。除邪氣。明目開心。益智久服。輕身延年。發明 人參甘溫。氣薄味厚。陽中微陰。能補肺中元氣。肺

氣旺。四藏之氣皆旺。精自生而形自盛。肺主諸氣。故也。古人血脫益氣。益血不自生。須得補陽氣之藥。乃生。陽生則

陰長。血乃旺耳。若單用補血藥。血無由而生也。素問言無陽則陰無以生。無陰則陽無以化。故補氣必用人參。補血

須兼用之。仲景言病人汗後身熱亡血。脈沉遲。下利身涼。脈微血虛。並加入參。蓋有形之血未能即生。希微之氣所當急

固。無形生有形也。丹溪言虛火可補。參者之屬。實火可瀉。芩連之屬。後世不察。概謂人參補火。謬矣。夫火與元氣。勢

不兩立。正氣勝則邪氣退。人參既補元氣。又補邪火。是反復之小人矣。又何與甘草茯苓白朮為四君子耶。凡人面

白面黃面青。蠶悴者。皆脾肺腎氣不足可用也。面赤面黑者。氣壯神強。不可用也。脈浮而孔濡。虛大遲緩無力。沈而

遲瀟。弦細微弱。結代。或右手關部無力。皆可用也。若強緊實滑數。洪盛長大無力。或右手獨見脈實。皆火鬱內實。

不可用也。潔古謂喘嗽勿用者。痰實氣壅之喘也。若腎虛氣短喘促者。必用也。仲景謂肺寒而嗽。勿用者。寒束熱邪。

壅滯在肺之嗽也。若自汗惡寒而嗽者。必用也。東垣謂久病鬱執在肺。勿用者。乃火鬱於內。宜發不宜補也。若肺虛

火旺。氣短自汗者。必用也。丹溪言諸病不可驟用者。乃邪氣方銳。宜散不宜補也。若裏虛吐利。及久病胃弱。虛痛喜

按者。必用也。節齋謂陰虛火旺。吐血勿用者。乃血虛火亢。能食脈強。服人參則陽愈旺。陰愈消。未有不引血大脫也。

若自汗。氣短。肢寒。脈虛者。必用也。古今治勞。莫過於葛可久。其獨參湯。保真湯。未嘗廢人參。而不用。惟痲疹初發。

身發熱。而斑點未形。傷寒始作。證未定。而熱邪方熾。不可用耳。喻嘉言曰。傷寒有宜用人參入藥者。發汗時元氣大

旺。外邪乘勢而出。若元氣素弱之人。約雖外行。氣從中餒。輕者平。不出。留連致因。重者隨元氣縮。心發熱。無休。



所以虛弱之人。必用人參入表藥中。使藥得力一涌而出。全非補養之意。卽和解藥中。有人參之大力。居間外邪。遇正。自不爭而退舍。亦非偏補一邊之意。而不知者。謂傷寒無補邪得補。猶燄斷不敢用。而市井愚夫。乃交口勸病人不宜服參。醫者又避嫌遠謗。一切可生之機。悉置不理。殊失本經除邪氣之旨矣。古今諸方。表汗用參。蘇飲敗毒散。和解用小柴胡。解熱用白虎。加人參湯。竹葉石膏湯。攻下用黃龍湯。領人參深入驅邪。卽熱退神清。從仲景至今。明賢方書。無不用人參。何為今日醫家。屏絕不用。以阿諛求容。全失一脈相傳之宗旨。殊不知誤用人參。殺人者。皆是與黃耆白朮乾薑當歸肉桂附子同行。溫補之誤。所致。不與羌獨柴前。芍藥枳桔等。同行。汗和之法。所致也。安得視人參為砒鴆刀刃。固執不通耶。又痘疹不宜輕用人參者。青乾柴黑陷。血熱毒盛也。若氣虛頂陷。色白皮薄。泄瀉漿清。必用也。故博愛心鑑。治痘以保元湯為要藥。人參得升麻補上焦之氣。瀉中州之火。得茯苓補下焦之氣。瀉腎中之火。東垣交泰丸。用人參皂莢。是惡而不惡也。治月閉用四物。加人參五靈脂。是畏而不畏也。痰在胸膈。以人參藜蘆同用。而取涌越。是激其怒性也。惟右手獨見脈實者。為肺經本有火。故不宜用。若右手虛大。而嗽者。雖有火邪。此為虛火上炎。腎水不足。乃刑金之火。非肺金之火。正當以人參救肺。但須用多。方始得力。若少用。必增脹滿。本經言安五藏。定魂魄。止驚悸。明目開心。益智者。以藏氣安和。心神寧定。當無驚悸昏昧之慮矣。其除邪氣者。以甘溫之力。協諸表藥。助胃祛邪。譬諸坐有君子。則小人無身之地矣。繆子經疏云。人參論其功能之廣。如本經所說。信非虛語。第其性亦有所不宜。世之錄其長者。或遺其短。摘其瑕者。或棄其瑜。是以或當用而後時。或非宜而罔投。或蒙其利。反見其害。二者之誤。其失則一。使良藥不見信於世。粗工互騰其口說。豈知人參本補五藏真陽之氣者也。若夫虛羸怯勞。役饑飽所傷。努力失血。以致陽氣短乏。陷入陰分。發熱倦怠。四肢無力。或中暑傷氣。氣無以動。或嘔吐泄瀉。霍亂轉筋。胃弱不食。脾虛不磨。或真陽衰少。腎氣乏絕。陽道不舉。或中風失音。產後氣喘。小兒慢驚。痘後氣虛。潰瘍長肉等證。投之靡不立效。惟不利於肺家。有熱。咳嗽。吐血。衄血。骨蒸勞瘵。陰虛動火之候。蓋肺者清肅之藏。真氣無虧。則寧謐清淨。以受生氣之熏蒸。而朝百脈。苟縱恣情。欲虧損真陰。火空則發。熱起於下。火燥乎上。則肺先受之火。乃肺之賊邪。邪氣勝則實實則肺熱鬱結。為痰嗽癢。而血熱妄行。溢出上竅。王好古所謂肺熱。還傷肺是也。若誤投之。鮮克免者。此皆實實之誤。於人參何咎哉。○產山西太行山者。名上黨人參。雖無甘

溫峻補之功。却有甘平清肺之力。亦不似沙參之性寒。專泄肺氣也。○參蘆能耗氣。專入吐劑。涌虛人腸上清飲宜之。鹽哮用參蘆。涌吐最妙。參蘆涌吐。參蘆下池。與當歸紫苑之頭止血。身和血尾破血之意。不殊。參鬚價廉。貧乏之人。往往用之。其治胃虛嘔逆。效嗽失血等證。亦能獲效。以其性專下行也。若治久痢滑精崩中下血之證。每致增劇。以其味苦降泄也。其虛世罕知用。惟江右人稱為竹節參。近日吾吳亦有用之者。其治瀉利膿血崩帶滑精等證。俱無妨礙。如氣虛火炎。喘嘔嗽血。誤用轉劇。昔人用以涌吐者。取其性升。而於補中寓瀉也。此義前人未發。因屢驗而筆之。

沙參 甘淡微寒。無毒。有南北二種。北者質堅性寒。南者體虛力微。反藜蘆。本經主血結驚氣。除寒熱。補中益肺。

氣發明。沙參專泄肺氣之熱。故喘嗽氣壅。小便赤澀。不利。金受火尅。陰虛失血。或喘效寒熱。及肺痿等疾。宜之本經主血結驚氣者。因驚氣入心。心包熱鬱而血結也。除寒熱者。鬱熱解而寒熱除也。補中益肺氣者。用以清理肺胃之虛熱。則津液復而正氣受益矣。潔古言肺寒用人參。肺熱用沙參。好古言沙參性寒。補五藏之陰。總未達輕泄泄熱之義也。衛生方治肺熱。效嗽沙參一味水煎服之。肘後方治卒然疝痛。自汗欲死。沙參為末。酒服立瘥。證治要訣治婦人白帶。沙參為末。米飲服之。蓋沙參專開肺氣。肺氣清。則木邪散而疝自除。帶自愈矣。時珍云。人參甘苦而溫。其體重實。專補脾胃元氣。因而益肺與腎。故內傷元氣者宜之。沙參甘淡而寒。其體輕虛。專治肺氣。因而益脾與腎。故金受火尅者宜之。此即本經補中益肺氣之謂。一補陽而生陰。一補陰而制陽。不可不辨。

桔梗 本經名 辛甘苦微溫無毒。甘者為薺。苦者為桔。梗咬之腥澆者為木梗。不堪入藥。本經主胸膈痛。如刀

刺。腹滿。腸鳴。幽幽驚恐。悸氣。發明 桔梗上升清肺氣。利咽喉。為肺部引經。又能開發皮膚。故與羌獨柴胡。窮蘇

輩同為解表藥。與甘草同為舟楫之劑。諸藥有此一味。不能下沉也。傷寒邪結胸臑。則痛如刀刺。邪在中焦。則腹滿

腸鳴。幽幽。辛甘升發。苦淡降泄。則邪解而氣和矣。其主驚恐。悸氣。吞心。脾氣鬱不舒。用以升散之也。朱肱用桔梗治

胸中痞滿。總不出本經。主治仲景治寒實結胸。同貝母。已豆。取其溫中消穀破積也。治肺癰。唾膿血。用桔梗甘草。取

排膿而清濁氣也。治少陰證。二三日咽痛。用甘草桔湯。取其調寒熱。通陰氣也。千金方治喉痺。毒氣。桔梗二兩。水煎

頓服。加甘草。連翹。荆防。名如聖湯。通治咽喉諸病。桔梗有甘苦二種。甘者曰薺。苦者曰木。金治強中為病。莖長與發不交

精出。取其能升解熱邪於上也。又乾效嗽。乃度火之邪。鬱在肺中。亦宜甘以潤之。痢疾腹痛。乃肺金之氣。鬱在大腸

不能起發為之切忌以其性能阻藥力於上不得下達也惟陰虛久嗽不宜用以其通陽泄氣也其蘆吐膈上風熱實痰生研末白湯調服二三錢探吐之

黃精 甘平無毒勿誤用鈎吻鈎吻即野葛葉頭尖有毛鈎子又名斷腸草誤用殺人黃精則莖紫花黃葉似竹葉也 發明 黃精為補中宮之勝品寬中益氣使五藏調和肌肉充盈骨髓堅強皆是補陰之功但陽衰陰盛人服之每致泄瀉痞滿不可不知

葶藶 本經名女萎又名玉竹 甘平無毒肥白者良入發散風熱藥生用入補藥蜜水拌飯上蒸熟用 本經主中風暴熱不能

動搖跌筋結肉諸不足久服去面黑野好顏色潤澤輕身不老 發明 葶藶甘潤性平滋肺益腎補而不壅善調

厥陰久襲之風故本經治中風暴熱等病皆取其養正祛邪之力也別錄主心腹結氣虛熱腰痛莖中寒目痛背爛

淡出甄權主內補不足去虛勞客熱頭痛不安千金治風溫自汗身重語言難出葶藶湯以之為君其源本諸麻黃升

麻湯深得仲景之真時珍用治虛勞寒熱痞瘧不足之證用代參薯不寒不燥大有殊功不止於去風熱溫毒而已

又主小便卒淋發熱口乾眼黑頭眩目赤澀痛其性雖潤而無傷犯脾胃奪食泄瀉之虞但其性之緩耳

知母 苦甘寒無毒肥白者良鹽酒炒用 本經主消渴熱中除邪氣肢體浮腫下水補不足益氣 發明 知母

沉降入足少陰氣分足陽明手足太陰能瀉有餘相火理消渴煩蒸仲景白虎湯酸棗湯皆用之下則潤腎燥而滋陰

上則清肺熱而除煩但外感表證未除瀉痢燥渴忌之脾胃虛熱人誤服令人作瀉減食故虛損大忌近世誤為滋

陰上劑勞瘵神丹因而天枉者多矣本經言除邪氣肢體浮腫是指濕熱水氣而言故下文云下水補不足益氣乃

濕熱相火有餘燦灼精氣之候故用此清熱養陰邪熱去則正氣復矣

肉蓯蓉 甘鹹微溫無毒酒洗去甲及腐切片焙用 本經主五勞七傷補中除莖中寒熱痛養五藏強陰益精氣

多子婦人癥瘕 發明 肉蓯蓉與瑣陽總是一類味厚性降命門相火不足者宜之峻補精血驟用反動大便滑

泄本經主勞傷補中者是火衰不能生土非中氣之本虛也治婦人癥瘕者鹹能更堅而走血分也又肉蓯蓉止洩

精遺瀝除莖中寒熱痛以其能下導虛火也鎖陽治腰膝軟弱以其能溫補精血也總皆滋益相火之驗老人燥結

宜煮粥食之但胃氣虛者服之令人嘔吐泄瀉強陽易興而精不固者忌之

天麻 本經名麻母一名定風草並名赤箭 辛平微温無毒。濕紙裏煨熟切片用。本經主殺鬼精物。蠱毒惡氣。久服益氣力。長陰肥

健。發明 天麻味辛濃厚。性升屬陽。為肝家氣分藥。故肝虛不足。風從內生者。天麻為窮以補之。諸風掉眩。眼黑

頭旋。風虛內作。非天麻不治。小兒驚痰風熱。服天麻即消。天麻乃定草。久服則遍身發出紅斑。是驅風之驗也。按天

麻性雖不燥。畢竟風劑。若血虛無風。火炎頭痛。口乾便閉者。不可妄投。本經言殺鬼精物。蠱毒惡氣者。以其能定風

鎮八方之邪氣也。久服益氣力。長陰肥健者。其性屬陽。陽生則陰長也。

白朮 一名山薑 甘温無毒。○雲朮肥大氣壅。台朮條細力薄。寧國狗頭朮皮赤稍大。然皆蒸灌而成。故其氣濁。不若於

潛野生者氣清。無壅滯之患。○入諸補氣藥。飯上蒸數次用。入脾胃久嗽。蜜水拌蒸。入脾胃痰濕藥。薑汁拌晒。入健

脾藥土炒。入瀉痢虛脫藥炒。存性用。入風痺痰濕利水破血藥。俱生用。然非於潛產者。不可生用也。本經主風寒

濕痺。死肌痲疽。止汗除熱。消食作煎。久服輕身。延年不饑。發明 白朮甘温味厚。陽中之陰。可升可降。入脾胃

二經。生用則有除濕益燥。消痰利水。治風寒濕痺。死肌痲疽。散腰膝間血。及衝脈為病。逆氣裏急之功。製熟則有和

中補氣。止渴生津。止汗除熱。進飲食安胎之效。本經主風寒濕痺。死肌痲疽者。正以風寒濕三者合而成痲。痺者拘

攣而痛是也。經曰地之濕氣感則害人皮肉筋骨。死肌者。濕毒侵肌肉也。痲者。風寒乘虛客於肝脾腎經所致也。疽

者。脾胃虛而濕熱瘀滯也。如上諸證。莫由風寒濕而成。朮有除此三者之功。故能祛其所致之疾也。止汗除濕。進食

者。濕熱盛則自汗。濕邪客則發熱。濕去則脾胃燥。燥則食自消。汗自止。熱自除矣。又王大風在身而風眩頭痛。目淚

出。消痰水逐皮膚間風水結腫。除心下急滿。及霍亂吐下不止。利腰膝間血。益津煖胃。消穀嗜食。得參冬大補中氣。

得枳橘健運飲食。本經言消食作煎。餌留其滓。以健運脾氣。食自化矣。仲景五苓散。祖素問澤朮麋銜湯。並用生者。

但彼兼麋銜以統血。則汗自止。此兼桂枝以通津。則渴自除。潔古枳朮丸。祖金匱枳實湯。彼用生者以健胃。則逆滿

自愈。此用熟者以助脾。則飲食自強。且以荷葉裹飲。為丸。取清震之氣。以鼓尅運之力也。蓋白朮得中宮冲和之氣。補

脾胃藥以之為君。脾土旺則清氣升而精微上。濁氣降而糟粕輸。仲景有云。白朮稟純陽之土氣。除邪之功。勝而益

陰之效。虧。故病屬陰。虛血少精不足。內熱骨蒸。口乾唇燥。欬嗽吐痰。吐血鼻衄。齒衄。便閉滯下者。法咸忌之。朮燥腎

而閉氣。肝腎有動氣者。勿服。劉涓子云。癰疽忌白朮。以其燥腎而閉氣。故反生膿。作痛也。凡藏皆屬陰。世人但知白

而閉氣。肝腎有動氣者。勿服。劉涓子云。癰疽忌白朮。以其燥腎而閉氣。故反生膿。作痛也。凡藏皆屬陰。世人但知白

而閉氣。肝腎有動氣者。勿服。劉涓子云。癰疽忌白朮。以其燥腎而閉氣。故反生膿。作痛也。凡藏皆屬陰。世人但知白

朮能健脾。寧知脾虛而無濕邪者用之。反燥脾家津液。是損脾陰也。何補之有。此最易誤。故特表而出之。

蒼朮

本經名

苦辛溫。無毒。產茅山者。味甘形瘦多毛。最良。吳郡諸山者。次之。楚中大塊。辛烈。氣燥者。為下。製用糯

米泔浸。刮去皮切片。同芝麻炒。或麻油炒通黃。去焦末。或去皮切片。蜜水拌飯上蒸用。又白露後。以泔水淨置屋上

晒露一月。謂之神朮。本經主風寒濕痺。死肌痲疽。發明 蒼朮辛烈。性溫而燥。可升可降。能徑入諸經。疎泄陽

明之濕。而安太陰。辟時行惡氣。因經泔浸炒。故能除上濕發汗。與白朮止汗則異。腹中窄狹者。須之。本經治風寒濕

痺。死肌痲疽等證。總取性專開腠。故能發汗而去風寒濕氣。祛濕而去死肌痲疽。下氣而消痰食。飲癖。又能總解諸

鬱。佐以香附快氣之藥。下氣最速。一升一降。則鬱散而氣平也。脾精不禁。淋濁不止。腰背痠疼。用以斂脾津。生於

穀氣也。同黃檗為二妙。治下部濕熱。疼痛。又蒼朮一味。麻油製過。為末。煮棗肉。為丸。治脇下飲澼。許叔微患飲澼三

十年。始因少年夜坐寫文。左向伏几。是以飲食多墜左邊。飲酒止從左下有聲。脇痛。食減。嗜雜飲。酒半杯。即止。十數

日。必嘔酸水。暑月。左半身絕無汗。服雄附。礬牽牛。遂戟等。皆無效。自揣必有癖囊。如水之有窠臼。不盈科不行。乃悉

屏諸藥。以前丸服三月。而疾除。暑月汗亦周身。燈下能書細字。皆蒼朮之力也。然惟素稟肥盛。多濕者為宜。若形瘦

多火者。禁用。○其神朮。已經露製。轉燥為清。用以發散上部。頭風痰濕證。故治時行頭痛。有神朮湯。此得制度之妙

也。

狗脊

本經名

苦平微溫。無毒。酒浸炒去毛用。本經主腰背強。闕機緩急。周痺寒濕。膝痛。頗利老人。發明 狗脊

為強筋骨要藥。故本經主腰背強。周痺寒濕等疾。頗利老人者。補益腎氣。而堅強筋骨也。其性味形類。與葶藶相似。而

功用亦不甚相遠。四寶丹用金毛狗脊去毛。鹽泥固濟。煨紅。蘇木。草薢。川烏。頭生用。等分為末。醋和丸。溫酒鹽湯下。二十

丸。治男婦毒風脚軟。腎氣虛弱。又病後足腫。煎洗効。

貫眾

別錄名

苦微寒有毒。本經主腹中邪熱。氣諸毒殺三蟲。發明 貫眾苦寒而降。辟時行疫癘。不正之氣

疫發之時。以此藥置水食之。則不得傳染。且能解毒。夾堅。治婦人血氣。本經治腹中邪熱。氣諸毒。以其性專散結。積

諸毒。而盡積。皆由濕熱所生。苦寒能除濕熱。故亦主之。王海藏治夏月。痘出不快。快斑散用之。云貫眾有毒。而能解

腹中邪熱。殺三蟲。病從內發者。多效。王彥百一選方。言食鯉魚羹。為肋骨所鯁。百藥不效。或令以貫眾煎。環汁連進。

一略而出。可見敦堅之功。不但治瘡治血而已。病人虛寒無實熱者勿服。

巴戟天 辛甘微溫無毒。酒浸去心焙用。川產者良。本經主大風邪氣。陰痿不起。強筋骨。安五藏。補中。增志。益氣。

發明 巴戟天。嚴冬不凋。腎經血分衝脈藥也。故守真地黃飲子用之。即水經治大風邪氣之謂。以其性補元陽。

而兼散邪。真元得補。邪安所留。是以可愈。大風邪氣也。主陰痿不起。強筋骨。安五藏。補中。增志。益氣者。脾胃二經得。

所養。而諸虛自瘳矣。又治脚氣。補血海。病人虛寒。加用之。有人嗜酒。患脚氣甚危。或教以巴戟半兩。糯米同炒。去未。

大黃一兩。炒為末。熟蜜丸。溫水下。七十九。仍禁酒。遂愈。惟陰虛相火熾盛者。禁用。

遠志 苗名 小草 辛苦溫無毒。甘草湯泡去骨。製過不可陳。久久則油氣。或人喉。本經主欬逆傷中。補不足。除邪氣。利。

九竅。益智。慧耳。目聰明。不忘。強志。倍力。久服。輕身不老。發明 遠志入足少陰腎經氣分。非心經藥也。專於強志。益。

精。主夢泄。益精。與志。皆腎所藏。腎氣充。九竅利。智慧生。耳目聰明。邪氣不能為害。腎氣不足。則志氣衰。不能上通於。

心。故迷惑善忘。不能閉摯。封藏。故精氣不固也。小便赤濁。用遠志。甘草。茯苓。神。益智。為丸。棗湯服。效。取其為陰火之嚮導。

也。昔人治喉痹。失音作痛。遠志。木。吹之。涎出。為度。取其通腎氣而開竅也。又治婦人血暈。失音。及一切癰疽。搗。鼻。治。

腦風。殺烏附毒。惟水虧相火旺者。禁服。以其善鼓龍雷之性也。本經言治欬逆傷中。詳遠志。性溫。助火。非欬逆所宜。

當是。嘔逆之誤。以其性稟純陽。能通諸竅。竅通。則耳目聰明。強志不忘。皆益腎氣之驗。別錄云。去心下膈氣。非嘔逆。

之類乎。一切陰虛火旺。便濁遺精。喉痺腫痛。慎用。苗名小草。亦能利竅。兼散少陰風氣之結也。

淫羊藿 一名仙 靈脾 辛溫無毒。羊脂或酒炒用。本經主陰痿絕傷。莖中痛。利小便。益氣力。強志。發明 淫羊藿手。

足陽明三焦命門藥也。辛以潤腎。溫以助陽。故本經治陰痿絕傷等證。真陽不足者宜之。堅筋骨。消癭。一切冷風。

勞氣。筋骨掣急。四肢不仁。補腰膝。強氣力。一味仙靈脾酒。為偏風不遂之要藥。惟陰虛走精。強陽不痿。禁服。

仙茅 辛溫有毒。忌犯銹器。酒浸焙乾用。發明 仙茅性熱。補三焦命門之藥。惟陽衰精冷。下元痿弱。老人失溺。

無子。男子稟賦素虛者宜之。若體壯相火熾盛者服之。反能動火。為巨測。按醫說云。一人中仙茅毒。舌脹出口。漸大。

與肩齊。以小刀斲之。隨破隨合。斲至百數。始有血一點出。曰可救矣。煮大黃芒硝與服。以藥搽之。應手消縮。此皆火。

盛性淫之人。過服之害也。然川產者少。偽充者不可不辨。

玄參一名黑參 苦微寒無毒反藜蘆 本經主腹中寒熱積聚女子產乳餘疾補腎氣令人明目 發明 黑參入足

少陰腎經主腎水受傷其陰失守孤陽無根凡而僭逆咽喉腫痛之專藥又治傷寒陽毒汗下不解發斑咽痛心下懊

懷煩不得眠心神顛倒欲絕者俱用玄參專清上焦氤氳之氣無根之火本經治腹中寒熱積聚女子產乳餘疾並可

清有形執滯故消瘰癧結核治目赤痛腫本經又云補氣令人明目不特暴赤腫痛總皆散結清火之驗也但其性

寒滑脾虛泄瀉者禁用 地榆 苦澇微寒無毒去梢酒拌炒黑用 本經主婦人乳產痙痛七傷帶下五漏止痛止汗除惡肉療金瘡

發明 地榆入足厥陰兼行手足陽明體沉而降善入下焦理血本經主乳產痙痛七傷帶下五漏者是指去血過

多肝風內生之象又云止汗止痛除惡肉療金瘡者以其能和血也若氣虛下陷而崩帶及久痢膿血瘵晦不鮮者

又為切禁性能傷胃誤服多致口噤不食又諸瘡痛者加地榆瘡者加黃芩以其能散血熱也燒灰香油調敷火燙

乃借火氣引散血中之毒且稍專行血不可混用 丹參 苦平微溫無毒酒炒用反藜蘆 本經主心腹邪氣腸鳴幽幽如走水寒熱疔聚破癥除癥止煩滿益氣

發明 丹參氣平而降心與血絡血分約也 本經治心腹邪氣腸鳴幽幽如走水等疾皆瘀血內滯而化為水之候止

煩滿益氣者瘀積去而煩滿愈正氣復也按四物湯治婦人病不問胎前產後經水多少皆可通用惟一味丹參散主

治與之相同蓋丹參能破宿血生新血安生胎落死胎止崩中帶下調經脈之神品然其性長於行血妊娠無故勿

服大便不實者忌之 紫參 即牡蠣又名重錫三四月間遍地生 苦辛寒無毒反藜蘆 本經主心腹積聚寒熱邪氣通九竅利大小便

發明 紫參入足厥陰兼入足太陽陽明血分故治諸血病及寒熱血痢癰腫積塊即本經治心腹積聚寒熱

邪氣之謂瘀血去則九竅利而二便通矣古方治婦人腸覃烏喙丸中用牡蠣即紫參也仲景治下痢肺痛用紫

參湯取其散積血也但市人罕識其真詳痢下肺痛皆胸中氣結之故每以紫芫代之雖氣味寒溫不同疎利之

性則一 紫草 甘鹹寒無毒色深紫而脆者良淡紫質堅者曰紫梗不入藥 本經主心腹邪氣五癰補中益氣利九竅

山草部

發明 紫草入心胞絡及肝經血分其功專於涼血活血利大小腸故痘疹欲出未出血熱毒盛大便閉澀色乾枯而毒不得越者宜之已出而紫黑便閉者亦可用蓋紫草涼血血涼則毒出世俗誤以為宣發之藥非也若已出而色紅活者不宜或白濁及大小便利者忌之本經言治心腹邪氣五癰者乃活血利竅之義發痘即活血利竅之大端也言補中益氣者營血和則中氣受益矣

白頭翁 一名野人 苦微寒無毒產齊魯苗長葉白者力優生柴胡中短小者力薄得酒良 本經主溫瘧狂獨寒熱

癥瘕積聚癰氣逐血止腹痛療金瘡 發明 白頭翁味苦微寒入手足陽明血分本經言苦溫者傳寫之誤也其

治溫瘧狂獨寒熱等瘧皆傷陽明熱邪固結之病結散則積血去而腹痛止矣別錄止臭衄引景止毒痢亦是熱毒

入傷血分之候仲景治熱痢下重有白頭翁湯蓋腎欲堅急食苦以堅之痢則下焦虛故以純苦之劑堅之男子陰

疝偏墜小兒頭禿臭衄及熱毒下痢紫血鮮血用此並効但胃虛大便完穀不化痢久下稀淡血水者勿服以其

苦寒降泄也

白及 苦辛平微寒無毒反烏附 本經主癰腫惡瘡敗疽傷陰死肌胃中邪氣賊風鬼擊非緩不收 發明 白

及性溫而收得秋金之氣故能入肺止血生肌治瘡本經主敗疽傷陰死肌皆熱壅血傷胃中邪氣亦邪熱也賊風

非緩皆血分有熱濕熱傷陰所致也其治吐血咯血為其性効也用此為末米飲服之即止試血法吐血盆內泮者

肺血沉者肝血半浮半沉者心血各隨所見以羊肺肝心煮熟蘆白及末每日食之其治金瘡及癰疽方多用之

三七 一名金不換 甘微苦溫無毒 廣產形如人參者是有歸者非 發明 時珍云此藥近時始出南人軍中用為刀箭瘡要藥

止血散血定痛為末搽之吐血衄血崩中下血血痢產後惡血不下並宜服之凡杖撲傷損瘀血淋漓者隨即嚼爛吞

之青腫者即消若受杖時先服一二錢則血不衝心杖後尤宜服之此陽明厥陰血分之藥故能治一切血病獨用

研服尤良取其專力也一種庭砌栽植者以苗搗敷腫毒即消亦取散血之意

黃連 苦寒無毒產川中者中空色正黃截開分瓣者為良雲南水連次之日本吳楚為下治心藏火生用治用膽

實火猪膽汁炒治肝膽虛火醋炒褐色治上焦火酒炒中焦火姜汁炒下焦火鹽水炒氣分鬱結肝火煎吳茱萸湯

炒血分塊中伏火同乾漆末炒食積火黃土拌炒○解附子巴豆輕粉毒忌猪心 本經主熱氣目痛皆從泣出明



目腸澀腹痛下痢婦人陰中腫痛 發明 黃連性寒味苦氣薄味厚降多升少入手少陰厥陰苦入心寒勝熱黃連大黃之苦寒以導心下之實熱去心竅之惡血仲景九種心下痞五等瀉心湯皆用之瀉心者其實瀉脾胃實則瀉其子也下痢胃口虛熱口噤者黃連人參煎湯時時呷之如吐再飲但得一呷下咽便好諸苦寒藥多瀉惟黃連苓朮性寒而燥能降火去濕止瀉痢故血痢以之為君今人但見腸虛泄微似有血不顧寒熱多少便用黃連由是多致危殆至於虛冷白痢及先瀉後痢之虛寒證誤用致死者多矣諸痛瘍瘡皆屬心火眼暴赤腫痛不可忍亦屬心火兼挾肝邪俱宜黃連當歸治痢及目為要藥故本經首言治熱氣目痛及腸澀腹痛之患取苦燥之性以清頭目堅腸胃祛濕熱也婦人陰中腫痛亦是濕熱為患尤宜以苦燥之古方治痢香連丸用黃連木香薑連散用乾薑黃連佐金丸用黃連吳茱萸治消渴用酒蒸黃連治口瘡用細辛黃連治下血用黃連胡蒔皆是寒因熱用熱因寒用而無偏勝之害然苦寒之劑中病即止豈可使庸殺之令常行而伐生發沖和之氣乎醫經有久服黃連苦參反熱之說此性雖寒其味至苦入胃則先歸於心久而不已心火偏勝則熱乃其理也近代庸流喜用黃連為清劑殊不知黃連瀉實火若虛火而妄投反傷中氣陰火愈逆上無制矣故陰虛煩熱脾虛泄瀉五更腎泄婦人產後血虛煩熱小兒痘疹氣虛作瀉及行漿後泄瀉並皆禁用

胡黃連 苦大寒無毒忌豬肉犯之令人漏精 發明 胡黃連苦寒而降大伐藏府骨髓邪熱除婦人胎蒸小兒疳積積氣之峻藥同烏梅止小兒血痢同雞肝治小兒疳眼同豬胰瘡楊梅瘡毒同乾薑治菓子積皆取伐肝腎熱邪也小兒腎氣本實故可當此若脾胃腎藏不足者服之奪人天元為害不淺惟微瘡用胡黃連當歸甘草豬胆水酒煎服二劑輒効以其直達下焦善搜淫火之毒也

黃芩 苦寒無毒中空者為枯芩入肺細實者為子芩入大腸並煮熟酒炒用 本經主諸熱瘧腸澀泄利逐水下血閉治惡瘡疽蝕火瘍 發明 黃芩苦燥而堅腸胃故濕熱黃瘧腸澀瀉痢為必用之藥其枯芩性升入手太陰經清肌表之熱條芩性降瀉肝膽大腸之火除胃中熱得酒炒上行主膈上諸熱得芍藥甘草治下痢膿血腹痛後重身熱佐黃連治諸瘡痛不可忍同黑參治喉間腥臭助白朮安胎蓋黃芩能清熱涼血白朮能補脾統血也此惟胎熱升動不寧者宜之胎寒下墜及食少便溏者慎毋混用丹溪言黃芩治三焦火仲景治傷寒少陽證用小柴胡

湯汗下不解胸滿心煩用柴胡湯桂薑湯溫病用黃芩湯太陽少陽合病用葛根黃芩黃連湯心下痞滿用瀉心湯寒格吐逆用乾薑黃芩黃連人參湯等方皆用黃芩以治表裏諸熱使邪從小腸而泄皆本經主諸熱之綱旨其黃連腸辟瀉痢之治取苦寒以去濕熱也逐水下血閉者火鬱血熱之所致大降則血行水下而閉自通矣昔人以柴胡去熱不及黃芩蓋柴胡專主少陽往來寒熱少陽為樞非柴胡不能宣通中外黃芩專主陽明蒸熱陽明居中非黃芩不能開泄蘊隆一主風木客邪一主濕土蘊蒸詎可混論芩雖苦寒畢竟治標之藥惟軀殼者宜之若陰虛伏熱虛陽發露可輕試乎其條實者兼行衝脈治熱血妄行古方有一味子芩丸治女人血熱經水暴下不止者最効若血虛發熱腎虛挾寒及妊娠胎寒下墜脈遲小弱皆不可用以其苦寒而伐生發之氣也

秦艽 苦平微溫無毒雷公云左文列為秦治濕病右文列為芩發脚氣今藥肆多右文者慎勿混用 本經主寒熱邪氣寒濕風痺肢節痛下水利小便 發明 秦艽陰中微陽可升可降入手足陽明以其去濕也兼入肝膽以其治風也故手足不遂黃痺酒毒及婦人帶疾煩之陽明有濕則身體痠痛肢節煩疼及學急不遂有熱則日晡潮熱用以祛風勝濕則愈凡痛有寒熱或浮腫者多挾客邪用以祛風利濕方為合劑故本經治寒熱邪氣寒濕風痺肢節痛等證若久痛虛羸血氣不能營養肢體而痛及下體虛寒痿痠枯瘦等病而小便清利者咸非秦艽所宜今庸師喜用秦艽且不辨左文右文凡遇痛證輒用之失其旨矣

柴胡

胡即此

苦平無毒入解表藥生用清肝炒熟用

本經主心腹腸胃中結氣飲食積聚寒熱邪氣推陳致新明目益精 發明 柴胡能引清陽之氣從左上升足少陽膽經之藥膽清淨之府無出無入禁汗吐下惟宜和解以其

其經居半表半裡本經治心腹腸胃結氣飲食積聚寒熱邪氣使清陽之氣上升而胃中留結宿滯亦解散矣仲景治傷寒寒熱往來胸膈耳聾婦人熱入血室皆為必用小兒五疳羸熱諸瘧寒熱咸宜用之痘疹見點後有寒熱或脇下疼痛於透表藥內用之不使熱留少陽經中則將來無咬牙之患虛勞寒熱多有可用者勞有五勞病在五藏若勞在肝膽心包絡有熱或少陽經寒熱則柴胡為必用之藥勞在脾胃有熱或陽氣下陷則柴胡乃引清氣退熱之藥惟勞在肺腎者不可用東垣補中益氣用之者乃引肝膽清陽之氣上行兼升達來者之力耳瘡疽用之者散諸經血結氣聚也今人以細者名小柴胡不知小柴胡乃湯名也若大柴胡湯而用銀州者可乎按柴胡為少陽經藥

病在太陽。服之太早。則引寇入門。病在陰經用之。則重傷其表。誤人不可勝數。其性升發。病人虛而氣升者忌之。嘔吐及陰火炎上者勿服。若陰虛骨蒸服之。助其虛陽上逆。勢必耗盡真陰而後已。奈何操司命之權者。多所未悟也。銀柴胡 甘微寒無毒。銀州者良。今延安府五原城所產者。長尺餘。肥白而軟。北地產者。如前胡而軟。今人謂之北柴胡。勿令犯火。犯火則不效。發明 銀柴胡行足陽明少陰。其性味與石膏不甚相遠。不獨清熱。兼能涼血。和劑局方治上下諸血。龍腦蘇丸中用之。凡入虛勞方中。惟銀州者為宜。若用北柴胡。升動虛陽。發熱喘嗽。愈無寧宇。可不辯而混用乎。按柴胡條下。本經推陳致新。明目益精。皆指銀夏者而言。非北柴胡所能也。

前胡 苦微寒無毒。甄權曰。甘辛平無毒。白色者良。去尾用。發明 前胡入手足太陰陽明少陽。其功長於下氣。

故能治痰熱喘嗽。痞膈諸疾。氣下則火降。痰亦降矣。為痰氣之要味。治傷寒寒熱及時氣內外俱熱。按二胡通為風藥。但柴胡主升。前胡主降。有不同耳。又按前胡治氣實風痰。凡陰虛火動之風痰。及不因外感而有痰者。禁用。

防風 甘辛溫無毒。又頭者令人煩喘。又尾者發人痲疾。本經主大風頭眩痛。惡風風邪。目盲無所見。風行周身。骨節疼痛。發明 防風浮而升陽也。入手太陽陽明少陽厥陰。兼通足太陽。治風去濕之仙藥也。以風能勝濕也。

其治大風頭眩痛。惡風風邪等病。其性上行。故治上盛風邪。瀉肺實喘滿。及周身痺痛。四肢掣急。目盲無所見。風眼冷淚。總不出本經主治也。防風治一身盡痛。乃卒伍卑賤之職。隨所引而至。風藥中潤劑也。若補脾胃。非此引用不能行。蓋於土中瀉木也。凡脊痛項強。不可回顧。腰似折。項似拔者。乃手足太陽證。正當用之。凡瘡在胸膈已上者。雖

無手足太陽證。亦嘗用防風。為能散結。去上部風熱也。經驗方治婦人風入胞門。崩中不止。獨聖散用一味。防風麩糊酒調丸服。然惟血色清稀。而脈浮弦者為宜。如血色膿赤。脈來數者。又屬一味子芩丸證。不可混也。惟肺虛有汗喘之。及氣升作嘔。火升作嗽。陰虛盜汗。陽虛自汗者。勿服。婦人產後血虛發瘧。嬰兒瀉後脾虛發搐。咸為切禁。

獨活 辛苦微溫無毒。香而密。黑者真。本經主風寒所擊。金瘡止痛。奔豚癰瘕。女子疝瘕。發明 獨活不搖風。而

治風浮萍不沉水。而治水因其所勝而製也。本經治金瘡。為風寒所擊而痛。及青豚癰瘕。女子疝瘕。皆邪風內賊之

候。獨活生益州。較羌活其氣稍細。升中有降。能通達周身。而散風勝濕。與細辛同用。治厥陰頭痛目眩。又足少陰經伏風頭痛。兩足濕痺。不能動止者。非此不治。甄權以獨活治諸風濕冷。奔喘逆氣。皮膚枯癢。手足攣痛。勞損風毒。

齒痛皆風濕相搏之病也。但氣血虛而遍身痛，及陰虛下體痿弱者，禁用南方無剛猛之風。一切虛風類中，咸非獨活所宜。

羌活 苦辛溫無毒，香而色紫者良。發明 羌活生於羌胡，雍州隴西、西川皆有之。治足太陽風濕相搏，一身盡痛，頭痛、肢節痛，目赤、膚癢，乃却亂反正之主帥。督脈為病，脊強而厥者，非此不能除。甄權以羌活治賊風失音不語，多癢、手足不遂、口面喎斜、癱痺血癱，皆風中血脈之病也。蘇恭曰：療風宜用獨活，兼水宜用羌活。風能勝濕，故羌活能治水濕。與芎藭同用，治太陽厥陰頭痛，發汗散表，透關利節，非時感冒之仙藥也。但內傷元氣、血虛頭痛，及遍身肢節痛，皆非所宜。昔人治勞力感寒，於補中益氣湯中用之，深得補中寓瀉之意。

升麻 甘苦平無毒，忌見火，解良芎藭。本經辟瘟瘴瘴氣，邪氣盡毒，入口皆吐出，中惡腹痛，時氣毒癘頭痛，寒熱風腫諸毒，喉痛口瘡。發明 升麻能引清氣右升，足陽明本約也。本經治疫瘴蠱毒，取性升上行也。治中惡腹痛，取開發胃氣也。治喉痛口瘡者，取升散少陽明火熱也。同葛根則發散陽明風邪。同柴胡則升提胃中清氣，引甘溫之藥上升，故元氣下陷者，用此於陰中升陽，以緩帶脈之縮急。凡胃虛傷冷，鬱遏陽氣於脾土，宜升麻葛根以升散其鬱火，故補脾胃藥，非此引用不効。脾痺非此不除。升麻葛根湯，乃陽明發散藥。若初病太陽便服之，發動其邪，必傳陽明，反成其害也。又升麻葛根能發痘，惟初發熱時可用。見點後忌服，為其氣升，發動熱毒於上，為害莫測。而疹疹尤為切禁。誤投喘滿立至。按升麻屬陽性升，力能扶助陽氣，捍禦陰邪。故於淋帶瀉痢脫肛方用之。取其升舉清陽於上也。古方治噤口痢，用醋炒升麻，引人參、蓮肉、扶胃進食，大有神效。凡上盛下虛，吐血衄血，數嗽多痰，陰虛火動，氣逆嘔吐，怔忡癲狂諸證，皆在所禁。

苦參 苦寒無毒，反藜蘆。本經主心腹結氣，癥瘕積聚黃瘰，溺有餘瀝，逐水除癰腫，補中明目止淚。發明 苦參黃檗之苦寒下降，皆能益腎。蓋取其苦燥濕，寒除熱也。熱生風濕，生蟲，故又能治風殺蟲。惟腎水燥而相火勝者宜之。若脾胃虛而飲食減少，肝腎虛而火衰精冷，及年高之人，不可用也。久服苦參，多致腰重，因其性降而不升也。觀本經主治，皆濕熱為患之病。詳補中當是補陰之藥，以其能除濕熱，濕熱去而陰自復，自目明矣。然惟濕熱者宜之。沈存中苦腰重，久坐不能行，此因病齒痛數年，用苦參搗齒，其氣味入齒，傷腎所致也。後施昭先亦用苦參搗

齒歲久亦病腰重。自後悉不用之。腰疾皆愈。或云苦參既能補陰明目。何久服反病腰重乎。殊不知苦寒之性直入心腎。內有濕熱者。足以當之。始得之。則有輔陰祛邪之力。清熱明目之功。濕熱既去。而又服之。必致苦寒傷腎。腰重脚弱。在所不免。理固然也。何疑之有。

白鮮皮一名白鮮

苦鹹寒無毒

本經主頭風黃痺。效逆淋瀝。女子陰中腫痛。濕痹死肌。不可屈伸。起止行步。發

明。白鮮皮氣寒。善行味苦。性燥。足太陽陽明經去風濕熱藥也。兼入手太陽陽明。為諸黃風癩要藥。本經所主。皆風濕熱邪。醴醴經中之病。千金治嬰兒風癩。熱則生風。胸中有痰。白羊鮮湯。取其善祛風熱也。世醫祇施之於瘡科淺矣。下部虛寒之人。雖有濕證。勿用。

延胡索胡麻

苦辛溫無毒

上部酒炒。中部醋炒。下部水炒。

發明

延胡索色黃入脾胃。能活血。鹹止痛。治小便

溺血。得五靈脂。同入肝經。散血破滯。炮灸論曰。心痛欲死。急覓延索。以其能散胃脘氣血滯痛也。蓋當歸芍藥調腹中血虛痛。延胡五靈治胸腹血滯痛。又延胡善行血中氣滯。氣中血滯。與當歸桂心治一身上下諸痛。及經癸不調。產後血病。往往獨行多功。雜他藥中。便緩按延胡走而不守。惟有瘀滯者宜之。若經事先期。虛而崩漏。產後血虛而暈。咸非所宜。

貝母

甘苦平微寒無毒。反烏頭川者。味甘最佳。西者味薄次之。象山者微苦又次之。一種大而苦者。僅能解毒。並

去心用。凡肺經藥。皆當去心。不獨貝母也。其獨顆無辨者。名丹龍睛。誤服令人筋不收持。本經主傷寒煩熱。淋瀝

邪氣。疝瘕。喉痺。乳難。金瘡。風癩。發明

貝母乃手太陰肺經氣分藥。兼入少陰心經。一名靈。郝風言。米其靈。善解

心胸鬱結之氣。故詩人以此寓馬。肺受心胞火乘。因而生痰。或為邪熱所干。喘嗽煩悶。非此莫治。詳本經主傷寒煩

熱者。甘寒能解煩熱也。淋瀝者。熱結二腸也。清心肺鬱熱。而淋瀝通矣。疝瘕者。足厥陰之邪干手厥陰也。經曰。診得

心脈搏滑急。為心疝。少腹當有形也。喉痺者。熱鬱結於上也。經云。一陰一陽結。謂之喉痺。心主三焦之脈。皆絡於喉

也。乳難者。鬱熱結於手足厥陰也。風癩者。金瘡。熱鬱生風。而成癩。總取解散鬱結。邪也。仲景治傷寒。寒實結胸。外無

熱證者。小陷胸湯。主之。白散亦可。二方一主熱痰內結。一主寒實內積。雖同一例。治不可混也。俗以半夏性燥。用貝

母代之。不知貝母寒潤。治肺家燥痰。痰因鬱結者宜之。半夏性燥。治脾胃濕痰。痰因濕滯者宜之。二者天淵。何可代用。

若虛勞咳嗽吐血咯血肺痿肺癰癰疽及諸鬱火證半夏乃禁忌皆貝母為嚮導也至於脾胃濕熱泛化為痰久則生火生痰上攻昏憤儻仆寒瀉諸證生死旦夕豈貝母可治乎浙產者治疝瘕喉痺乳難金瘡風癩一切癰瘍又同苦參當歸治妊娠小便難同青黛治人面惡瘡同連翹治項上結核皆取其開鬱散結化痰解毒之功也

山慈姑 金燈花根也九月開花朱色與紫不相見故又名無義草 甘微辛小毒 發明 山慈姑攻堅解毒治癰腫瘡癤癰結核等證紫金錠用

之亦是解諸毒耳丹方治面上癩痕用山慈姑末和輕粉礪砂末各少許先用輸水筆塗患處次搽上藥太乙膏蓋

日易一次俟疣瘡消盡後以鷹屎白蜜陀僧木蜜水調護數日勿見風日效惟眼胞上者不可治以其眇動不輟也

白茅根 地名 甘寒無毒與百脈根相類百脈根出巴西他處罕得 本經主勞傷虛羸補中益氣除痰血血閉寒熱

能利小便 發明 甘寒能降除伏熱利小便止渴治傷寒呃逆喘嗽主吐血便溺諸血治黃瘴水腫胃反上氣五

淋炎熱及痘瘡乾紫不起但嘔逆吐衄亦有因於寒者即非所宜本經主治勞傷虛羸者以甘寒能滋虛熱而無傷

犯胃氣之虞也言補中益氣胃熱去而中氣復是指客邪入傷中州漸成虛羸而言非勞傷本病所宜昔人攻本草

功用言白茅根與百脈根相類今庸州不行歲貢百脈根無從可得而止渴去熱之用白茅根裕也其葉花甘溫色

白輕虛力能上升入肺散熱止血屋上敗茅研傅斑瘡濕爛取其收濕之力也

草龍膽 苦澇大寒小毒去蘆或酒炒或甘草湯浸一宿用凡用勿空腹服令人小便不禁 本經主骨間寒熱驚

癇邪氣續絕傷定五藏殺盡毒 發明 草龍膽苦寒沉降主肝經邪熱下焦濕熱酒瘴黃腫目痛赤腫瘰肉小兒

肝氣去腸中小蠱益肝胆濕熱取苦寒以瀉之時珍曰相火寄在肝膽有瀉無補故瀉肝胆之熱正益肝膽之氣但

大苦大寒過傷胃中生發之氣反助火邪亦如久服黃連反從火化之義本經主骨間寒熱是指熱傷腎水而言熱

極生風則發驚搐重則變為痲病濕熱邪氣之中下二焦者非此不除以其專伐肝膽之邪也肝膽之邪去而五

藏安和經脈之絕傷續矣殺盡毒者去濕熱之患也凡胃氣虛人服之必嘔脾虛人服之必瀉雖有濕熱慎勿輕用

細辛 辛溫無毒產華陰及遼東者良反藜蘆 本經主欬逆頭痛腦痛百節拘攣風濕痺痛死肌明目利九竅

發明 細辛辛溫上升入手足厥陰少陰血分治督脈為病脊強而厥本經治欬逆頭痛腦痛善搜厥陰伏匿之邪

也獨活為使治少陰頭痛如神亦主諸陽頭痛諸風藥用之治風濕痺痛百節拘攣去死肌明目者取辛以散結而

開經脈竅隊之邪也味辛而熱溫少陰之經故仲景少陰證用麻黃附子細辛湯辛溫能散故凡風寒風濕頭痛口瘡喉痺齒諸證用之取其能散浮熱亦火鬱發之之義也辛能泄瀉肺故風寒效嗽上氣者宜之辛能補肝故膽氣不足則肝氣有餘驚癩眼目諸病宜之辛能潤燥故通少陰諸經及耳竅閉塞者宜之又主痰結濕火壅塞不利凡口舌生瘡者用細辛黃連末搽之凡血虛內熱火鬱頭痛發熱效嗽者戒用以其辛烈耗散真氣也細辛辛之極者用不過五分

杜衡

俗名馬蹄香

辛溫無毒

發明

杜衡香竈與細辛相似故藥肆以之代充細辛亦能散頭目風寒下氣消

痰行水破血但其氣濁不能搜滌少陰經中之寒稍遜細辛一籌耳

白微

苦鹹平無毒

本經主暴中風身熱肢滿忽忽不知人狂惑邪氣寒熱痰瘧溫瘧洗洗發作有時

發明

白微鹹平降泄抑陽扶陰為足陽明經本藥兼行足少陰手太陰本經主暴中風身熱肢滿是熱鬱生風痰隨火湧故令忽忽不知人狂惑邪氣寒熱痰瘧皆熱邪所致溫瘧乃冬時伏邪至春而發繆氏經疏言暑邪所傷秋必發為溫瘧恐非經旨別錄療傷中淋露者女子傷犯陰中營血而成淋露之疾用以除熱益陰則前證瘳矣下水氣利陰氣者總取益陰之功真陰益而邪水下性善降泄故久服利人金匱治婦人產中虛煩嘔逆安中益氣竹皮丸中用之千金治風溫發汗後身灼熱自汗身重多眠莫息必數語言難出萎蕤湯中用之又治婦人遺尿不拘胎前產後有白微芍藥湯取其有補陰之功而兼行手太陰以清膀胱之上原殊非虛寒不禁之比也古方多用治婦人者以別錄有療傷中淋露之功也凡胃虛少食泄瀉及喘效多汗陽氣外泄者禁用

白前

甘辛微溫無毒

發明

時珍曰白前入手太陰長於降氣肺氣壅實而有痰者宜之金匱治效嗽而脈沉

者用澤漆湯以中有白前也深師治久嗽上氣體腫短氣倚息不得卧常作水雞聲者用白前湯外臺治久嗽吐血用白前桔梗桑白皮甘草皆取其下氣耳若虛嗽常哽氣者不可用也白前較白微稍溫較細辛稍平專搜肺竅中風水非若白微之鹹寒專泄肺胃之燥熱亦不似細辛之辛竈能治腎肝之沉寒也





芳草部

當歸 甘辛溫無毒。蜀產者力剛可攻。秦產者力柔可補。凡治本病酒制。有痰薑汁制。白者為粉歸。性劣不入補劑。本經主效逆上氣溫瘧寒熱瀉瀧在皮膚中。婦人漏下絕子。諸惡瘡瘍金瘡煮汁飲之。發明 當歸氣味俱厚。可升可降。入手少陰足太陰厥陰血分。凡血受病及諸病夜甚。必須用之。本經主效逆上氣溫瘧寒熱洒洒。婦人漏下絕子。皆取辛溫潤血之功。產後惡血上衝亦必用之。別錄溫中止痛。甄權治下痢腹痛。女人瀝血腰痛。好古治衝脈為病。逆氣裏急滯脈為病。腹痛。腰溶溶若坐水中。其功專於破惡血養新血潤腸胃。榮筋骨澤皮膚。理癰疽排膿止痛。蓋血壅而不流則痛。當歸甘溫能和營血。辛溫能散內寒。使氣血各有所歸。入手少陰心主血也。入足太陰脾裏血也。入足厥陰肝藏血也。身能養血。尾能行血。同人參黃者則補氣而生血。同牽牛大黃則行氣而瀉血。同桂附吳萸則熱。同大黃芒硝則寒。血虛以人參赤脂為佐。血熱以生地條芩為佐。仲景治陽邪陷陰手足厥寒脈細欲絕。用當歸四逆湯於桂枝湯加當歸細辛通草。以通其血脈。即下痢脈大氣不歸附亦用此湯。以歸附之。凡血虛發熱者。宜當歸補血湯方用當歸三錢。黃耆一兩。作三服。心下刺痛者。一味當歸酒煎服。專主血分諸病。海藏言當歸血藥。何本經治效逆上氣。按當歸辛散乃血中氣藥。故效逆上氣。有陰虛陽無所附者。用血藥補陰。則血和而氣降矣。凡衝任督帶病皆不可少。惟泄瀉家痰飲家禁用。

芎藭綱目名 辛溫無毒。蜀產者味辛而甘為上。他處產者氣味辛烈為下。反藜蘆。葉名蘼蕪。本經主中風入腦。

頭痛寒痺筋變緩急。金瘡婦人血閉無子。發明 芎藭辛溫。上升入肝經行衝脈。血中理氣藥也。故本經治中風入腦頭痛等證。取其辛散血分諸邪也。好古言搜肝氣補肝血。潤肝燥補風虛。又治一切風氣血氣。及面上遊風目疾多淚。上行頭目。下行血海。故四物湯用之者。皆搜肝經之風。治少陽厥陰頭痛。及血虛頭痛之聖藥。助清陽之氣。去濕氣在頭頭痛必用之藥。血刺已通而痛不止。乃陰虧氣鬱。藥中加芎藭。氣行血調其痛立止。靈苑方驗胎法。以生芎藭末文湯服一錢。七腹中微動者為胎。千金方治子死腹中以芎藭末酒調方寸匙。須臾二三服立出。凡骨蒸

盜汗陰虛火炎咳嗽吐逆及氣弱之人不可服其性辛散令真氣走泄而陰愈虛也

撫芎 辛溫無毒產江左撫州中心有孔者是 發明 撫芎升散專於開鬱寬胸通行經絡鬱在中焦則胸膈痞

滿作痛須撫芎開提其氣以升之氣升則鬱自降故撫芎總解諸鬱直達三焦為通陰陽氣血之使然久服耗氣令人暴亡

蛇牀 苦辛溫無毒 本經主男子陰痿濕癢婦人陰中腫痛除痹氣利關節顏癩惡瘡 發明 蛇床辛香性溫

專入右腎命門少陽三焦氣分本經列之上品不獨助男子壯火且能散婦人鬱抑非妙達本經精義不能得從治

之法也但腎火易動陽強精不固者勿服

藁本 辛苦溫無毒香而燥者良臭而潤者勿用 本經主婦人疝瘕陰中寒腫痛腹中急除風頭痛長肌膚悅顏

色 發明 藁本性升屬陽為足太陽寒濕經中頭項顛頂痛及大寒犯腦連齒頰痛之專藥女人陰腫疝瘕督脈

為病脊強而厥亦多用之霧露之邪中於上焦須兼木香風客於胃泄瀉脾胃藥中宜加用之今人只知藁本為治

顛頂頭腦之藥而本經治婦人疝瘕腹中急陰中寒等證皆太陽經寒濕為病亦屬客邪內犯之候故用藁本去風

除濕則中外之疾皆痊豈特除風頭痛而已哉云長肌肉悅顏色者外用作面脂之類是也但頭痛挾內熱春夏溫

病熱病頭痛口渴及產後血虛火炎頭痛皆不可服

白芷 即都梁香 辛苦溫無毒 本經主女人漏下赤白血閉陰腫寒熱頭風侵目淚出長肌膚潤澤顏色可作面脂

發明 白芷辛香升發行手陽明性溫氣厚行足陽明芳香上達入手太陽為解利陽明風熱頭痛及寒熱頭風侵

目淚出之要藥其所主之病不離三經如寒熱頭風眉稜骨痛頭目齒痛三經之風熱也漏下赤白癰疽頭面皮膚

風痺燥癢三經之濕熱也風熱者辛以散之濕熱者溫以除之都梁丸治崩漏赤白深得本經之旨性善祛風女人

漏下赤白皆風入胞門所致辛香入脾故又能溫散血閉陰腫及寒熱頭風侵目淚出總取辛散利竅之功其長肌

膚潤澤顏色者則有排膿長肉之力所以外科用之痘疹起脹連皮腫者於解毒藥內用之預杜料來發瘡之患今

人用治腸癰有敗膿淋露不已腥穢殊甚遂致臍腹冷痛須此排膿膿盡乃以他藥補之燒烟辟蟲蛇為求新汲水

調頻灌解蛇毒內攻和肌攀麝香搽蛇傷潰爛但性溫而升味苦而散故嘔吐因於熱者漏下赤白因於火者勿用

調頻灌解蛇毒內攻和肌攀麝香搽蛇傷潰爛但性溫而升味苦而散故嘔吐因於熱者漏下赤白因於火者勿用

癰疽潰後亦宜漸減以其能耗胃氣也

白芍藥 酸苦平微寒無毒。入補脾藥酒炒。入止血藥醋炒。入和營藥及下痢後重血熱癰毒藥。並洗酒生用。入血虛水腫腹脹藥。桂酒制用。反藜蘆。本經主邪氣腹痛除血痺。利小便。益氣。發明 白芍藥酸寒。斂津液而護營血。收陰氣而瀉邪熱。蓋瀉肝之邪熱。所以補脾之陰。即本經主邪氣腹痛。益氣之謂。故仲景以為補營首藥。入肝脾血分。及陽維寒熱帶脈腹痛。補中下二焦。能於土中瀉水。為血痢必用之藥。然須兼桂用之。方得斂中寓散之義。建中湯之妙用。人所不知。蓋瀉痢皆太陰之病。建中專主太陰腹痛也。其治血痺。黃耆桂枝五物湯中用之。非深達本經妙理者不能也。又得多甘草治腹中急痛。同白朮補脾。同芍藥瀉肝。從人參補血。虛從黃連止瀉。痢同薑棗溫經散濕。在用者各得其宜耳。凡人陽氣虛衰。陰氣散漫。患腹脹滿急於補中。益氣藥中。加白芍藥一味。以收陰則陽虛不受陰制之脹。得陽藥便消矣。然氣虛內寒者。不可用古云減芍藥。以避中寒。誠不可忽。產後不可用。以其酸寒瀉肝。伐生發之氣也。小便不利者。禁用。以膀胱得酸收斂。愈秘也。而真武湯中。又用以利小便者。深得本經之旨。蓋真武湯本治少陰精傷。而證見虛寒。非太陽膀胱癱閉之候。以其能益陰滋血。培養津液。小便自行。非通利也。至於桂枝湯中。用以護營血。使邪不得內犯。建中湯中。用以培土藏而治陽邪內陷。腹痛此皆仲景用藥之微妙。端不外本經之義。其餘血痺。破堅積。治寒熱。疝瘕。止痛。利小便。皆指赤者而言。與白芍無預。因本經未分赤白。故一貫例之。赤芍藥 酸苦微寒無毒。酒洗用。本經除血痺。破堅積。寒熱疝瘕。止痛。利小便。發明 赤芍藥性專下氣。故止痛不減。當歸。蘇恭以為赤者。利小便。下氣。白者。止痛和血。端不出本經除血痺。破堅積。止痛。利小便之旨。其主寒熱疝瘕者。善行血中之滯也。故有瘀血留著。作痛者宜之。非若白者。酸寒收斂也。其治血痺。利小便之功。赤白皆得。應用要在配合之神。乃著奇勳耳。

牡丹皮 苦辛平無毒。酒洗去鹼土。曝乾勿見火。本經主寒熱中風。痲癩。驚癩。邪氣除。癢。堅。瘀。血。留。舍。腸。胃。五。藏。癢。癰。瘡。發明 牡丹皮入手少陰厥陰。治血中伏火。故相火勝腎。無汗骨蒸。為專藥。本經主寒熱中風。痲癩。驚癩。癰等證。以其味辛氣竅。能開發陷伏之邪。外散。惟自汗多者勿用。為能走泄津液也。痘疹初起。勿用。為其性專散血。不無根脚散闊之慮。王安道云。志不足者。足少陰病也。故仲景腎氣丸用之。後人惟知黃柏治相火。不知丹皮之功。

更勝也。又癥瘕瘀血留舍腸胃五藏及陰虛吐血衄血必用之藥。以能行瘀血而又能安好血有破積生新引血歸經之功。故犀角地黃湯用之。凡婦人血崩及經行過期不淨屬虛寒者禁用。又赤者利血白兼補氣亦如赤白芍藥之義。諸家言其性寒安有辛香而寒者乎。

木香 辛苦溫無毒。形如枯骨。味苦色淡黃者良。味鹹色黑勿用。生用理氣煨熟止瀉。本經主邪氣辟毒疫強志止淋露。發明 木香氣香味厚不獨沉而降蓋能理胃以下氣滯。乃三焦氣分之藥。兼入肺脾肝三經能升降諸氣。故上焦氣滯膈鬱宜之者。金鬱則泄之也。然雖入肺而肺燥氣上者良。非所宜。其中焦氣滯不運宜之者。脾胃喜芳香也。下焦氣滯後重宜之者。塞者通之也。若治中脘氣滯不運心腹疼痛以檳榔佐之使氣下則結痛下散矣。本經辟疫毒邪氣強志止淋露以其辛燥助陽善開陰經伏匿之邪。大明治心腹一切氣膀胱冷痛嘔逆反胃霍亂瀉痢健脾消食安胎甄權治九種心痛積年冷氣疔癩癥塊脹痛壅氣上衝煩悶癩瘡女人血氣刺痛不可忍。然香燥而偏於陽肺虛有熱血枯而燥及陰火衝上者勿服。

甘松香 甘溫無毒。發明 甘松芳香升竅能開脾鬱。少加脾胃藥中甚醒脾氣主惡氣卒心腹痛滿風疔齒蠱得白芷白附子良。脚氣膝腫煎湯淋洗效。

山柰 辛溫無毒。發明 山柰芳香入陽明煖胃辟瘴癘惡氣治心腹冷氣痛寒濕霍亂風蟲牙痛皆芳香止氣之力也。

高良薑 辛大溫無毒煨熟用。子名紅荳蔻。發明 良薑辛熱純陽上升入足陽明太陰二經。為客寒所犯則逆冷霍亂腹痛諸病生焉。辛溫暖脾胃而逐寒邪則胃中冷逆自除霍亂腹痛自愈甄權治腹內久冷氣痛去風冷痺弱。大明主轉筋瀉利反胃解酒毒消食蘇頌治惡心嘔清水皆取暖胃溫中散寒之功也。而寒疝小腹掣痛須同茴香用之。產後下焦虛寒瘀血不行小腹結痛者加用之。若胃火作嘔傷暑霍亂禁用。為其溫燥也。○紅荳蔻辛溫主水瀉霍亂心腹絞痛止嘔進食大補命門相火。故正元丹中用之。然能動火傷目致衄不宜久服。

草豆蔻 辛溫無毒。麩裏煨熟去麩用。發明 草豆蔻性溫入脾胃二經。東垣曰風寒客邪在胃口之去當心痰痛者宜之。丹溪曰草豆蔻性溫能散滯氣。若明知口食寒物胃脘作疼或濕鬱成病者用之神效。若熱鬱者不可。

用恐積溫成熱也然多用能助脾熱傷肺損目故陰虛血燥者忌之

草果亦名豆蔻 辛溫無毒去殼生用 發明 草果與草豆蔻總是一類其草果治病取其辛熱浮散能入太陰陽

明除寒燥濕開鬱化食利膈上痰解麩濕魚肉諸毒與知母同用治瘴瘧寒熱取其一陰一陽無偏勝之害蓋草果

治太陰獨勝之寒知母治陽明獨勝之火也然瘧亦有不由於嵐瘴氣而實邪不盛者忌服凡濕熱痰滯傷暑暴注

溲赤口乾者禁用

白豆蔻俗名豆蔻 辛溫無毒忌見火去淨隔膜不爾令人隔滿凡草果草豆蔻縮砂皆然不獨白豆蔻也 發明 白

豆蔻辛香上升入脾肺二經散肺中滯氣治脾虛痰疾嘔吐寒熱能消能磨流行三焦營衛一轉諸證自平古方治

胃冷積氣嘔逆及胃消穀下氣寬膈進食解酒毒皆相宜也若火升作嘔蘊熱作痛者勿服

縮砂密砂俗名砂仁 辛溫無毒 發明縮砂屬土醒脾調胃為脾胃肺腎大小腸膀胱七經之氣藥能引 諸藥歸宿

丹田治脾虛泄瀉宿食不消瀉劑白沫腹中虛痛寒飲脹痞噎膈嘔吐和中行氣止痛安胎用之悉效同熟地茯苓

納氣歸腎同檀香豆蔻下氣安肺得陳皮白朮和氣益脾惟新產婦忌之恐氣驟行動血也今人治血痢亦多用之

若積欲盡時良非所宜又血虛火炎欬嗽禁用妊婦氣滯者宜服若氣虛者多服反耗其氣多致難產南人性喜條

暢食品每多用之北人性喜潛藏藥中亦罕用者

益智子 辛溫無毒去殼鹽水炒用 發明 益智行陽退陰三焦命門氣弱者宜之脾主智此物能益脾胃理元

氣補腎虛滑精胃虛多唾女人崩漏治心氣不足夢泄夜多小便及冷氣腹痛於土中益火也集驗方縮泉丸治脾

氣不足方用益智子鹽炒去鹽與烏藥等分為末酒煮山藥粉為糊丸如梧子大空心鹽湯下七十九丸方治夜多

小便取二十四枚入鹽同煎服之有驗按益智功專補火如血燥有火濕熱暴注及因熱而遺濁色黃乾結者不可

誤用也

華菱 辛大溫無毒醋浸刮去皮子免傷肺上氣 發明 華菱辛熱浮散為頭疾鼻淵要藥取其能入陽明經散

浮熱也性能溫中下氣治霍亂水瀉心腹滿者宜之然辛熱耗散能動脾胃之火多用令人喘效目昏腸虛下重以

其走泄真氣也

藟葉俗名 辛溫無毒 發明 藟葉辛熱能下氣溫中破痰散結氣解瘴癘嶺南人以葉合檳榔食取其辛香能破瘴癘之氣也其子可以調羹故謂之醬藟葉之類也

肉豆蔻俗名 辛溫無毒糯米粉裹煨熟用勿犯鐵 發明 肉豆蔻辛香入手足陽明溫中補脾寬膨脹固大腸為小兒傷乳吐逆泄瀉之要藥二神丸合補骨脂治腎瀉蓋取補脾以治腎邪也按脾土性喜芳香故肉果與脾胃

最為相宜以其能下氣者脾胃得補則健運非若厚朴枳實之峻削也熱鬱暴注禁用以其辛溫性滯也

補骨脂俗名破故紙 苦辛大溫無毒鹽酒浸焙乾用與胡麻同炒良忌雲臺羊肉諸血 發明 補骨脂屬火

收斂神明能使心胞之火與命門之火相通使元陽堅固骨髓充實瀉以固脫也胡桃屬水潤燥養血血屬陰惡燥

故油以潤之佐補骨脂有水火相生之妙故局方青娥丸用之孫思邈言補腎不若補脾許學士言補脾不若補腎

腎氣虛弱則陽氣衰劣不能薰蒸脾胃令人痞滿少食譬如釜底無火雖終日不熟陽衰則飲食亦不能消化濟生

二神丸治脾腎虛寒泄瀉用補骨脂補腎肉豆蔻補脾如吳茱萸以平其肝加木香以順其氣使之斡旋若精傷溺

赤瀉痛者去木香易五味子腰膝痠疼腎冷精流者用之屢効凡陰虛有火夢泄瀉血大便閉結者勿施

薑黃 辛苦溫無毒藏器曰辛少苦多性熱不冷或云大寒誤矣有二種蜀川生者色黃質嫩有鬚折之中空有眼

切之分為兩片者為片子薑黃江廣生者質粗形扁如乾薑僅可染色不入湯藥今藥肆混市誤人徒有耗氣之患

而無治療之功也 發明 薑黃鬱金蓬朮三物形狀功用皆相近但鬱金入心專治心包之血薑黃入脾兼治血

中之氣蓬朮入肝兼治氣中之血為不同耳古方三痹湯用片子薑黃治風寒濕氣手臂痛戴元禮曰片子薑黃能

入手臂治痛其兼理血中之氣可知能治癥瘕癰瘡通經消腫毒功力烈於鬱金但血虛臂痛者服之病必增劇

鬱金 辛苦平無毒本草以為性寒誤矣安有辛者而寒之理蜀產者體圓尾銳如蟬腹狀發苗處有小孔皮黃而

帶黑通身粗皺如梧桐子紋每枚約重半錢折開質堅色黃中帶紫黑嗅之微香不烈者真若大小不等色黃皮起

細橫紋有鬚如線折之中空質柔內外皆黃其氣烈者即片子薑黃也體圓首尾相似通身橫紋發苗處無小孔折

開氣烈觸鼻者染色薑黃中之小者也蓬朮則大塊色青黑最大者為廣茂與此不類蘇恭不能分別乃為一物謬

矣 發明 鬱金辛香不烈先升後降入心及包絡治吐血衄血唾血血醒破惡血血淋尿血血婦人經脈逆行產後

敗血衝心及宿血心痛並宜醫全末加薑汁童便同服其血自清痰中帶血者加竹瀝又鼻血上行者加入四物湯  
一婦患失心風癩十年用鬱金四兩佐明礬一兩為丸硃砂為衣緩服五十丸心間如有物脫去再服而蘇以鬱金  
入心去惡血明礬化頑痰硃砂安神故也又能化癥瘕為水嶺南蠱毒為害初覺胸腹痛即用升膠或麝香吐之若  
膈下急痛以米湯鬱金末三錢服之調即瀉出惡物或合升麻鬱金服之不吐則下此年藥若為雷州司理鞠獄得  
此方活人甚多按以上諸治其功皆在破宿生新今世誤以為諸血聖藥病者不惜重費醫者藉為射利咸以薑黃  
代充為害非淺凡屬陰虛失血及陰火迫血上逆咸為切禁

蓬莪散蓬莪 苦辛溫無毒入肝經藥醋炒入心脾藥麩裏煨熟入四物湯調經羊血或雞血拌炒 發明 蓬莪

散入肝破血治婦人血氣結積痛瘦冷氣跌撲損痛下血及內損惡血通肝經聚血蓋此藥專破氣中之血也按  
蓬莪誠為磨積之藥但虛人得之積不去而真已竭更可慮也須得久充健運補中寓瀉乃得力耳

荆三稜 苦平無毒生荆楚地故名荆三稜真者絕少今世所用皆草三稜也醋炒用之 發明 三稜肝經氣分

藥也能破血中之氣散血結通肝經積血主寒癖結塊破產後惡血血結腹痛通月水隨胎以其力峻故難久服有  
人病癥瘕腹脹用三稜莪逆酒煨煎服下一黑物如魚而愈按潔古云三稜能瀉真氣虛者勿用東垣破積諸方皆  
與人參贊取如專用剋削脾胃愈虛不能運行其積亢逆益甚矣

香附即莎草根 辛微苦甘平無毒產金華光細者佳入血分補虛重便浸炒調氣鹽水浸炒行經絡酒浸炒消積聚醋

浸炒氣血不調胸膈不利則四者兼製肥膩多痰薑汁浸炒止痛漏血便製炒黑走表藥中則生用之 發明 香

附之氣平而不寒香而能竅乃足厥陰肝手少陽三焦氣分主藥兼入衝脈開鬱氣消痰食散風寒行血氣止諸痛

月候不調胎產崩漏多怒多憂者之要藥治兩脇氣妨心忪少氣是血中之氣藥也蓋血不自行隨氣而行氣逆而

鬱則血亦凝滯氣順則血亦隨之而和暢矣生則上行胸膈外達皮毛故能散風寒熟則下走肝腎外徹腰足故能

調血氣得參朮則益氣得歸地則調血得木香則流滯和中得沉香則升降諸氣得芍藥則解諸鬱得山梔

黃連則降火清熱得茯苓則安心腎得茴香補骨脂則引氣歸元得厚朴半夏則決壅消脹得紫蘇葱白則解散邪

氣得三稜莪散則消磨積塊得艾葉則治血氣凌子宮乃氣病之總司女科之主帥也惟經水先期而淡及失氣無

聲無臭者勿用血氣本虛更與利氣則行之愈速矣

茉莉花 辛熱無毒根熟有毒 發明 茉莉古花方罕用近世白刺藥中用之取其芳香散陳氣也其根性熱有大毒以酒磨一寸服即昏迷一日乃醒服二三寸二三日醒惟接骨脫臼用以傅之則不知痛也

排草香 辛溫無毒 發明 芳香之氣皆可辟臭去邪惡氣鬼魅邪精天行時氣並宜燒之水煮洗水腫浮氣與生薑芥子煎湯浴風瘡效

藿香 辛微溫無毒廣產者良但葉甚少土人每以排草葉偽充最難辨別須於莖上擇去色綠未經嫩壞者方效 發明 藿香入手足太陰芳香之氣助脾醒胃故能止嘔逆開胃進食溫中快氣去瘴氣止霍亂治心腹痛凡時行疫癘山嵐瘴癘用此醒脾健胃則邪氣自無容而愈矣但陰虛火旺胃虛作嘔內無留滯者不可用恐反傷正氣引邪入內江浙土產者代胃消食其莖能耗氣用者審之

薰香即零 甘平無毒廣產者良雲陽產者氣濁不堪入藥 發明 薰香辛散上達故心痛惡氣齒痛鼻塞皆用之單用治鼻中瘰肉鼻翳香以養鼻也多服作喘為能耗散真氣也

蘭香 辛溫無毒采部移此瀕湖綱目芳草部有蘭草采部有蘭香名曰羅勒種類不同因攷正之按蘭有三種一種曰蘭草其氣濃濁即今之省頭草也一種曰蘭香植之庭砌二十步內即聞香俗名香草以子能去目翳故又名

醫子草一種名羅勒莖葉較蘭香稍粗大形雖極類而氣輩濁以嫩時可食僅入菜部不堪入藥 本經利水道殺蟲毒辟不祥久服益氣輕身不老通神明 發明 蘭氣芳香能辟疫毒惡氣楚人以為佩又能辟汗濕之氣故

又名辟汗香入手足太陰陽明力能調中消食去惡氣治嘔嘔脾癰口中時時溢出甜水者非此不除按蘭性芳香辛溫專走氣道故能利水調肝和脾其功倍於藿香善調嘔逆散積久陳鬱之氣素問云五味入口藏於胃以行其津氣津液在脾令人口甘此肥美所發也其氣上溢轉為消渴治之以蘭除陳氣也東垣治消渴生津飲用蘭葉蓋

本於此又治牙疼口臭有神功丸亦用蘭香云如無以藿香代之近世有誤認幽蘭為蘭香者大可噴飯觀本經利

水殺蟲毒辟不祥之治豈幽蘭能之乎古方治癘風蘭香散去其散肺胃中之濕熱蟲毒也普濟方治反胃蘭香和甘蔗汁服之錢氏治小兒鼻疳亦爛蘭葉燒灰二錢銅綠半錢輕粉二字為末日傅三次即愈○子治目昏及塵物



入目以三五顆內目中少頃其子濕脹與物俱出又主暴得赤眼後生醫膜用蘭香子一粒入背內閉目少頃連膜俱出蓋此子得濕即脹故能染惹眵淚浮腫爾然目中不可著一塵而此可納三五顆亦不妨礙又小兒食肥甘口臭齒黑名曰崩破漸至齟爛名曰潰槽又或出血名曰息露重則為落名曰腐根用蘭香子末輕粉各一錢蜜陀僧煨赤醋研末半兩和勻每以少許傅齒及齦上內服甘露飲立效○時珍曰蘭香須三月棗葉生時種之乃生否則不生常以魚腥水冷泥水清泥水流之則香而茂不宜薰水者真則善其子大如棗而褐色不光七月收之種時防蟻濕則有脂浮脹須以枯炭末掩之

澤蘭 苦甘微溫無毒取葉酒洗用 本經主金瘡癰腫瘡膿 發明 澤蘭入足太陰厥陰血分專治產後血眩

流於腰股拘攣及痛破宿血消癥瘕除水腫身面四肢浮腫本經主金瘡癰腫瘡膿皆取散血之功為產科之要藥更以芎歸童便佐之功效勝於益母

馬蘭 辛平無毒亦莖者良 發明 馬蘭入陽明血分與澤蘭功用相近故能破宿生新丹方治婦人淋濁痔漏有破喉癰腫痛以馬蘭根葉搗汁入米醋滴鼻孔或灌喉中取痰自開絞腸痧腹痛以馬蘭細嚼嚙汁立安水腫溺瀉馬蘭一握黑豆小麥各一撮酒水煎服效蛇傷搗汁和醋擦之皆取散血解毒也

香薷 辛微溫無毒江西白花者良 發明 香薷辛溫先升後降故熱服能發散暑邪冷飲則解熱利小便治水甚捷世醫治暑病以香薷飲為首藥然暑有乘涼飲冷致陽氣為陰邪所遏遂病發熱惡寒頭痛煩躁口渴或吐或瀉或霍亂者宜用此發越陽氣散水和脾若飲食不節勞役作喪之人傷暑發熱大渴煩渴喘促者乃勞倦內傷之證必用清暑益氣如大熱大渴又宜人參白虎之類以瀉火益元更有汗出如雨吐瀉脫元四肢清冷脈微欲脫者又須大劑漿水散等方救之若用香薷飲是重虛其表頃刻脫亡矣今人不知緊用沉冷代茶若元氣虛人服之往往致病蓋香薷乃夏月解表之藥如冬月之用麻黃氣虛者豈可漫用深師香薷丸治通身水腫以香薷熬膏丸白朮末日三夜一服米飲下之效

爵牀 俗名赤眼 鹹寒無毒 本經主腰脊痛不得搖牀使仰艱難除熱可作湯浴 發明 爵牀善通血脈蘇恭言療血脈下氣枝瘡搗汁塗之立瘥觀本經諸品不出活血舒筋之用也

荆芥又名蘇 辛微溫無毒產後止血量便制黑用凡食河豚及一切無鱗魚與驢肉俱忌之食黃鱔魚後服之令人

吐血惟地漿可解與蟹同食動風 本經主寒熱鼠瘻癰生瘡破結聚氣下於血除濕疽 發明 荆芥穗入手

太陰足厥陰氣分其功長於祛經絡中之風熱觀本經所主皆是搜經中風熱痰血之病又能清頭目去瘀血破結

氣消蒼毒故風病血病瘡病產後為要藥治風兼治血者以其入風水之藏即是藏血之地故並主之華元化治產

後中風口噤發瘧及血暈不醒荆芥末三錢豆淋酒調服神效產後血暈熱重便調服而未虛自汗陰虛而赤者禁

用今人但遇風證緊用荆芥此流氣散之相沿耳

紫蘇 辛溫無毒葉紫者能帶血脉之邪最良 發明 蘇葉味辛入氣分色紫入血分升中有降同橘皮砂仁則

行氣安胎同藿香烏藥則快氣止痛同麻黃葛根則發汗解肌同芍藥當歸則和營散血同木瓜厚朴則散濕解暑

同桔梗枳殼則利膈寬中同杏仁薏苡子則消痰定喘然不宜久服泄人真氣單用煮汁解蟹毒若脾胃虛寒人過服

多致滯泄往往不覺也其梗能行氣安胎但力淺薄難於奏效亡血家大虛及妊婦產婦發散用莖最佳本乎天者

親上取其色含子氣且氣味皆薄而無過汗傷中之患也

蘇子 辛溫無毒粗而色深紫者真細而色淡者假 發明 諸香皆燥惟蘇子獨潤為虛勞咳嗽之專藥性能下

氣故胸膈不利者宜之與橘紅同為除喘定嗽消痰順氣之良劑但性主疎泄氣虛久嗽陰虛喘逆脾虛便滑者皆

不可用

水蘇蘇蘇一名雞蘇 辛溫無毒子名桂子 本經下氣殺穀除飲食辟口臭去邪毒辟惡氣 發明 水蘇即蘇之野生色

青者其氣芳香故本經所主一皆胃病專取芳香正氣之義局方用治血病者取以解散血中之氣也氣散則血亦

散矣

薄荷 辛平無毒蘇產者良去梗用 發明 薄荷辛涼上升入肝肺二經辛能發散專於消風散熱涼能清利故

治嗽嗽失音頭痛頭風眼目口齒諸病利咽喉去舌胎小兒驚熱及瘰癧瘡疥為要藥其性浮而上升為藥中春升之令能開鬱散氣故逍遙散用之然所用不過二三其辛香伐氣多服久服令人虛冷瘦弱人多服動消渴病陰虛發熱發嗽自汗者勿施

菊 黃者苦甘平。白者苦辛平。皆無毒。野生者名苦蕒。可搗塗癰腫疔毒。服之傷人腦。本經主諸風頭眩腫痛。目欲脫。淚出皮膚死肌。惡風濕痺。久服利血氣。輕身耐老延年。發明 菊得金水之精英。補水以制火。益金以平木。為去風熱之要藥。故本經專主頭目風熱諸病。取其味甘氣清。有補陰養目之功。蓋益金則肝木平。而風自息。補水則心火制。而熱自除矣。其治惡風濕痺者。以其能清利血脈之邪。而痺濕得以開泄也。又黃者入金水陰分。白者入金水陽分。紫者入婦人血分。觀金匱侯氏黑散。千金秦朮散。俱用菊花為君。時珍所謂治諸頭目。其旨深矣。近有一種從番舶來。六月開花。但有正黃而無間色。豈特黃州脫辦為異哉。

艾 苦辛溫無毒。蘄州者為勝。發明 艾性純陽。故可以取太陽真火。可以回垂絕元陽。服之則走肝脾腎三陰。而逐一切寒濕。轉肅殺之氣為融和。生用則性溫炒熟則大熱。用以灸火則透諸經。而治百病。蘇頌言其有毒。誤矣。夫用藥以治病。中病則止。若素有虛寒。痼冷。婦人濕鬱帶漏之病。以艾和歸附諸藥治之。夫何不可。艾附丸調經而溫子宮。策主心腹諸痛。膠艾湯治虛痢。及胎妊產後下血。雷火鍼同丁香麝香。實痺學痛。若老人臍腹畏冷。及寒濕脚氣。以熟艾入布兜。之。惟陰虛火旺。血燥生熱。及宿有失血病者。為禁。有人患風癢癭疹。不時熾發。以絹裹擦之。即消。亦取其辛散開發之力。

茵陳蒿 苦平微寒無毒。本經主風濕寒熱邪氣。熱結黃疸。發明 茵陳有二種。一種葉細如青蒿者。名綿茵。陳專於利水。為濕熱黃瘰要藥。一種生子如鈴者。名山茵陳。又名角蒿。其味辛苦小毒。專於殺蟲。治口齒瘡。絕勝。並入足太陽。本經主風濕寒熱。熱黃疸。結濕伏陽。明所生之病。皆指綿茵陳而言。仲景茵陳蒿湯。以之為君。治濕熱發黃。梔子柏皮湯。以之為佐。治燥熱發黃。如茵湯。則濕黃。早則燥黃。其麻黃連軹赤小豆湯。以之為使。治痰熱在裏。而身黃。此三分治方。陽黃也。其治陰黃。則有茵陳附子湯。各隨燥濕寒熱。而為主治。按茵陳專走氣分。而利濕熱。若畜血發黃。非此能治也。外臺治齒齩宣露。千金治口瘡。齒蝕。並用燒灰塗之。有汁吐去。一宿即效。而殺蟲方中。一味煎湯。內服外洗。皆用角蒿。專取逐濕化熱之功也。

青蒿 苦寒無毒。葉者真根。莖子葉不可並用。恐成痼疾。葉主濕熱。子治骨蒸。俱宜童便制用。本經主疥癩。痲

痒惡瘡殺毒留熱在骨節間明目 發明 青蒿亦有二種一種發於早春葉青如綿茵陳專瀉丙丁之火能利水道與綿茵陳之性不甚相遠一種盛於夏秋微黃如地膚子專司甲乙之令為少陽厥陰血分之藥故莖紫者為良其治骨蒸勞熱有殺蟲之功而不傷伐骨節中陽和之氣者以其得春升之令最早也此與角蒿之性大都相類又能明目善清在上之虛熱燒灰淋汁和石灰點治惡瘡息肉唇癩蘇恭生搗敷金瘡經驗方和桂心治寒瘧但性偏苦寒脾虛寒泄瀉者勿服

羌蔚俗名益母 辛甘微溫無毒忌犯鐵器其子微炒香蒸熟烈日曝燥杵去殼用 本經羌蔚子明目益精除水氣莖

治癘疹可作浴湯 發明 羌蔚入手少陰足厥陰血分活血行氣有補陰之功凡胎前產後所恃者血氣也胎前無滯產後無虛以其行中有補也然所謂補者是散其瘀而營血受陰非補養血氣之謂丹方以益母之嫩葉陰乾拌童便陳酒九蒸九曬八四物湯料為丸治產後諸證但功專行血故崩漏下血若脾胃不實大腸不固者勿用為其性下行也近世治番痧腹痛嘔逆用以濃煎少加生蜜放溫飲有效取其能散惡血也其子能明目功益精利水水虧而腫子收小者宜之若火盛腫子散大者切忌為其子散能助火邪也白花者名鑿菜嫩苗可食故謂之菜藏器主產後腹痛今人治白帶用一味為末服之大效

薇銜 苦澇溫無毒素問謂之麋銜唐本曰鹿銜千金曰鹿藥草言鹿有疾銜此草即麋也其葉大而面綠背紫者為真蘇恭言有大小二種俾昇言葉似羌蔚叢生有毛者吳風草也 本經主風濕痺歷節痛驚癩吐血悸氣賊風

鼠婁癰腫 發明 鹿銜本經專主風濕痺歷節痛素問同澤朮治酒風身熱懈惰汗出如浴惡風少氣之病亦取其能除癢者血脈之風濕也又治驚癰悸氣吐咯諸血以其能走胃與腎肝血分專理血中邪濕而無留滯之患近世治吐血咯血用之以其能溫補衝督之精血也陝人名為鹿胎草言鹿食此即能成胎其性溫補下元可知今吳興山中間亦產此每於初夏夏鹿引子銜食乃去洵為確真無疑採得曬乾一味浸酒最為有益但性專助陽力能走散陰精故藏器云婦人服之絕產無子良有見乎此也其子名延壽果味微澇而甘惟秦地有之不特有益於老人而嬰兒先天不足者尤為上藥惜乎南方罕得也

夏枯草 苦辛溫無毒 本經主寒熱瘰癧鼠婁頭瘡破癢散瘰結氣脚腫濕痺輕身 發明 夏枯草本經專治

寒熱瘰癧有補養厥血脈陰之功以辛能散結苦能除熱而癥結瘦氣散身言輕身者脚腫濕痺愈而無重著之患也佐以香附甘草治目珠疼夜甚者以其稟純陽之氣而散陰中結滯之熱也又能解內熱緩肝火從治之法并治痘後餘毒及肝熱目赤有效久服亦防傷胃以善走厥陰助肝木之氣耳

劉寄奴 苦溫無毒 發明 劉寄奴破血下脹又能止血故產後餘疾及金瘡血大小便血皆用之千金方治折傷瘀血用劉寄奴骨碎補延胡索水煎加童便服集簡方治大小便血劉寄奴末空心茶清調服衛生易簡方治血氣脹滿劉寄奴紅酒煎服時珍治小兒尿血取劉寄奴研末服效丹方治大便血用劉寄奴半兩臘茶一錢烏梅半枚煎服即效但性走散不可過服令人吐利

旋覆花 本經名 金沸草 鹹甘溫小毒 本經主結氣腸下滿驚悸除水五藏間寒熱補中下氣 發明 旋去覆花并而能降肺與大腸藥也其功在於開結下氣行水消痰治驚悸祛痞堅除寒熱散風濕開胃氣止嘔逆除噫氣故肺中

伏飲寒嗽宜之仲景治傷寒汗下後心下痞堅噫氣不除有旋覆代赭石湯金匱罕產漏下有旋花覆湯胡洽治痰飲在兩脇脹滿有旋覆花湯皆取其能下氣也但性專溫散故陰虛勞嗽風熱燥欬不可誤用用之嗽必愈甚本經

言補中下氣者甘能緩中鹹能潤下痰氣下而中氣安腸下滿結寒熱驚悸水氣皆除矣

青柏 即雞冠花 苦微寒無毒 本經主邪氣皮膚中熱風癩身癢殺三蟲子治唇口青 發明 青柏子治風熱目疾與決明子同功本經雖不言治目疾而主唇口青為足厥陰經藥其明目之功可推其治風癩身癢皮膚中熱以能散厥陰經中血脈之風熱也

紅藍花 即紅花 辛溫無毒 發明 血生於心包藏於肝屬於衝任紅花汁與之同類故能行男子血脈通婦人經水活血解毒散赤腫產後血暈及胎死腹中並宜和童便服之少則養血多則行血過用使人血行不止且性兼

上行不可不知亦主蠱毒下血堪作胭脂治小兒聾耳解痘疔毒腫產後血悶以紅花十斤煮湯盛桶置於橫格之下昇婦寢上薰之湯冷再加半日乃蘇

臙脂 甘平無毒臙脂有四種一種以紅藍花汁染胡粉而成一種以山燕脂花汁染粉而成一種以山榴花汁作成者一種以紫釧汁染綿而成皆可入血病藥用又落髮子亦可取汁和粉而成可作面脂不入藥用紫釧查名火

本經逢原 卷二 隔草部

漆匠工補水用之 發明 臍脂色紅並可為活血之藥其治瘡肌肉結硬用綿臍脂同紫草煎湯來熱頓將臍脂擦之漸軟即能發出又瘡瘻護眼黃柏膏用油臍脂調塗則瘡無入眼之患

大薊小薊 花甘溫根微涼無毒 發明 大薊小薊皆能破血大薊根主女子赤白沃下止吐血鼻衄涼而能行而帶補兼瘻腫小薊根專於破血不能消腫有破宿生新之功吐血血崩之用但其力微只可退熱不似大薊能破瘻散毒也丹方治吐血不止用小薊山查生地一服即止中寓瀉劫劑中之良法近世醫師咸用其花總取散血之義然其性皆下行故脾胃虛弱泄瀉少食者忌用

續斷

本經名屬折別錄名接骨

苦微溫無毒去根尾酒炒用

本經主傷中補不足金瘡癰瘍折跌續筋骨婦人乳難久服益氣力 發明 續斷入肝主續筋骨為婦人胎產崩漏之首藥又主帶脈為病久服益氣力利關節治腰痛煖子宮

療金瘡折傷散癰腫瘀血瘻婦人乳難本經治傷中補不足等病總取和血通經之義又能止小便多治遺泄古方血痢用平胃散一兩續斷三錢為末每服三錢水煎服即愈甯無顧名思義之實乎

漏

本經名野藺

苦鹹寒有毒

本經主皮膚熱毒惡瘡疽痔漏瘡下乳汁

發明 漏蘆苦寒解毒乃足陽明經藥

本經治熱毒惡瘡下乳汁以其能利竅也為消毒排膿殺蟲要藥古方治癰疽發背以漏蘆湯為首稱蓋鹹能軟堅寒能解毒故服之必大便作瀉使邪從下而出也昔人治癰兒瘡毒令母服此使藥性從乳中過之每致乳子利下白沫大損元氣故氣虛及瘡瘍不起發者咸非所宜而妊婦尤為切禁

苧麻黃麻

甘寒無毒

發明

苧麻苳行滯血產婦枕之治血暈產後腹痛以苧安腹上即止清苧水療熱渴苧

根治小兒赤丹

○其黃麻苦溫專散陳久瘀血取陳年者燒灰存性酒調服之絡麻根燒灰治鎖喉風神效

胡蘆巴

苦大溫無毒

發明

胡蘆巴乃海外胡蘿藦子聲音相近之謠耳右腎命門藥也元陽不足冷氣潛伏

不得歸元者宜之小腸奔豚偏墜及小腹有形如卵上下走痛不可忍者用胡蘆巴丸腎氣不歸上熱下寒厥逆嘔

吐者用黑錫丹皆與金鈴子一寒一熱同用其導火歸元之功可知

惡實

又名鼠黏子牛蒡子大力子皆別名也

辛平無毒

發明

鼠黏子肺經藥也治風濕癰疹咽喉風熱散諸腫瘡瘍之毒痘疹

之仙藥也痘不起發用此為末刺雄雞冠血和酒釀調胡荽湯下神效瘡瘍毒盛生研用之即出瘡頭酒炒上行能

通十二經。去皮膚風消斑疹毒。惟氣虛色白。大便利者不宜。

蒼耳右名 實甘溫葉苦辛小毒。酒浸炒用。忌猪肉。發明 蒼耳治頭風腦痛風濕周痹四肢拘攣惡肉死肌皮

膚癢癢脚膝寒痛久服亦能益氣其葉久服去風濕有效服蒼耳人最忌猪肉及風邪觸犯則遍身發出赤丹也婦

人血風攻腦頭旋悶絕忽倒不知人事者用蒼耳草嫩心陰乾為末酒服甚效此味善通頂門連腦能走督脈也

天名精本經名蝦蟇蝥一名地菘子名蝥蝥 甘寒無毒。本經主瘀血血瘕欲死下血止血利小便。發明 天名精功專散血有

破宿生新之功故本經言下血止血又能涌吐風痰殺蟲解毒搗汁服之能止痰瘧瘵之止牙疼搗之敷蛇傷煎服

除淫穢邪毒從小便泄出凡乳蛾喉腫痛及小兒急慢驚風牙關緊急不省人事者搗絞和酒灌之咽喉腫塞痰

涎壅滯搗汁鵝翎掃入去痰立效亦治猪瘟

鶴蝨 苦平無毒。發明 鶴蝨入厥陰肝經善調逆氣能治一身痰凝氣滯殺蟲方中非要藥錄驗方瘡虻攻心

痛一味丸服小兒蟲痛亦單用鶴蝨研末肥肉汁服其蟲自下藥肆每以胡蘆苗子代充不可不辯

蕪荻 辛苦寒小毒。採葉陰乾入甑中層層灑酒與蜜九蒸九曬用。發明 蕪荻苦寒略兼微辛故有小毒為祛

風除濕而兼活血之要藥蕪荻丸治風濕四肢麻痺骨節冷痛腰膝無力其痰但脾腎兩虛陰血不足而腰膝無力

骨痛麻痺者大非所宜時珍曰生搗汁服則令人吐故云有小毒九蒸九曬則去風痺故云無毒或云甚益元氣不

稽之言也生者搗服能吐風痰其能傷胃可知

箬 甘寒無毒。發明 箬生小竹而葉最大故可以之為笠燒灰治吐衄嘔咯及便溺諸血又能通小便利肺氣

散喉痹消癰腫每服不過一錢匕又治痘瘡倒靨以箬葉灰一錢匕入麝香酒調服之乾箬帶煎湯治胃熱呃逆其

性較柿蒂稍平取反以香油調塗湯火傷甚良

蘆根一名蘆蘆蘆名蘆蘆花名蘆蘆 甘寒無毒。發明 蘆根甘寒主消渴胃中客熱利小便治噎噎反胃嘔逆不下食妊娠心

熱時疫寒熱煩悶解河豚諸魚毒其笋尤良 蘆蘆治臍下堅癖小便不利○葦苳中空專於利竅善治肺癰吐膿

血臭痰千金葦苳湯以之為君服之熱毒從小便泄去最捷蘆蘆花煮汁治霍亂心腹脹痛箬燒存性治吐衄諸血

甘蕉即芭蕉 甘大寒無毒。發明 甘蕉性寒治天行狂熱解消渴煩悶利小便治濕熱黃瘰和酒服療癰腫并以

大寒 原 臘草部

澤塗腫處良。小兒遊風臥蓐葉上即愈。治火燙以筋插入出筋瓶盛取油塗之。別錄癰疽結熱肘後治發背腫毒。聖惠治血淋瀉痛。蘇頌治風癩欲倒飲之取吐效。惟陰疽不亦腫者禁用。

藜荷即芭蕉之  
色白者

辛溫有小毒忌鐵

發明 藜荷有毒而能攻毒為主。蠱之最中蠱者服藜荷汁并臥葉上即能

呼出蠱。主姓名其治喉舌瘡爛。婦人月閉及傷寒時氣壯熱頭痛口瘡用之皆取其辛散也。

麻黃 苦溫無毒。去根節湯泡去沫曬乾用。若連根節用令人汗不絕其根專能止汗。本經主中風傷寒頭痛溫

瘧發表出汗去邪熱氣止效逆上氣除寒熱破癥堅積聚。發明 麻黃微苦而溫中空而浮陽也升也入足太陽

其經循背下行本屬寒水而又受外寒故宜發汗去皮毛氣分寒邪以泄寒實。若過發則汗多亡陽或飲食勞倦及

雜病自汗表虛之證用之則脫人元氣禍患莫測。麻黃治衛實之藥桂枝治衛虛之藥二物雖為太陽經藥其實營

衛藥也。心主營血肺上衛氣故麻黃為手太陰肺經之劑桂枝為手少陰心經之劑。傷寒傷風而效嗽用麻黃湯桂枝

湯即湯液之源也。麻黃乃肺經之專藥故治肺病多用之。仲景治傷寒無汗用麻黃湯有汗用桂枝湯。夫津液為汗

汗即血也在營即為血在衛即為汗寒傷營營血不能外通於衛衛氣閉固故無汗發熱而惡寒風傷衛衛氣不能

內護於營營氣不固故有汗發熱而惡風是證雖屬太陽而肺實受邪氣蓋皮毛外閉邪熱內攻肺氣怫鬱故用

麻黃甘草同桂枝引出營分之邪達之於表佐以杏仁泄肺而利氣是麻黃湯雖太陽發汗重劑實為發散肺經邪

鬱之藥也。腠理不密則津液外泄而肺氣自虛虛則補其母故用桂枝同甘草外散風邪以救表內伐肝木以防脾

佐以芍藥泄水而固脾皆是脾肺之藥。是則桂枝雖太陽解肌輕劑實為理脾救肺之藥也。又少陰證發熱脈沈有

麻黃附子細辛湯少陰與太陽為表裏所謂熟附麻配黃補中有發也。本經治中風是主緩風癱瘓而言云溫瘧條

濕瘧乃傳寫之誤破癥堅積聚者表裏兼治非神而明之難效其法也。

木賊 甘微苦無毒去節用。發明 木賊與麻黃同形同性故能發汗解肌升散火鬱風濕專主眼目風熱暴昏

止淚取發散肝肺風邪也多用人目腫若久瞖及血虛者非所宜傷暑或暴怒赤腫亦勿用之。

石龍芎一名龍鬚  
即席草

苦微寒無毒

本經主心腹邪氣小便不利淋閉風濕鬼疰。發明 龍芎生水中性專利水

本經所主心腹邪氣亦是因水濕積積所致其敗席治淋及小便不通昔人用以煮服莫若燒灰酒服更良。



燈心草 甘寒無毒。欲入丸劑。粳米飲漿磨之。發明 燈心輕虛甘淡。故能瀉肺利水。治急喉癆。燒灰吹之。又燒

灰塗乳上。飼小兒。止夜啼。燒灰入輕粉麝香。治陰疝。

生地黃 本經名地龍 又名羊音戶 甘苦寒無毒。禁犯鐵忌。來服諸血。採得鮮者。即用為生地黃。炙焙乾收者。為乾地黃。以法制

過者。為熟地黃。本經主傷中。逐血痹。填骨髓。長肌肉。作湯除寒熱。積聚。折跌傷筋。久服輕身。不老。生者尤良。

發明 生地黃性寒。至陰。功專散血。入手足少陰厥陰。兼行足太陽。手太陽。錢仲陽導赤散。與木通同用。瀉丙丁之

火。別錄治婦人崩中血不止。及產後血上薄心。胎動下血。鼻衄吐血。皆搗汁飲之。以其能散血消瘀。解煩也。其治跌

撲損傷。面目青腫。以生地黃搗爛。裹之即消。此即本經治傷中血痹。折跌筋傷等證之義。蓋肝藏血。而主筋。肝無留

滯。則營血調。而傷中自愈。筋無邪着。則三氣通。而血痹自除。作湯除寒熱。積聚者。血和則結散。而諸證平矣。其曰填

骨髓。長肌肉者。邪無着。而形神自復也。昔人治心痛。以鮮地黃汁作冷淘食之。取吐。不吐則利。出長蟲。如辟宮而安

此。即本經除寒熱積聚之驗。其於服食方中。用之。取以輔助諸藥。辟除三蟲。使從幽門化出也。因思千金靈飛散中。

生地黃急不可得。鮮者。咸取乾者。應用。乃知本經末後。續出生者。尤良一語。見古聖之苦心。無所不用其極也。愚按

生地黃與乾地黃。功用不同。豈可混論。按徐之才別錄云。生地黃乃新掘之鮮者。為散血之專藥。觀本經主治。皆指

鮮者而言。祇緣諸家本草。從未明言。且產處遠。藥肆僅有乾者。鮮者絕不可得。是不能無混用之失。曷知乾地黃

既經炙焙。力能止血。安有傷中血痹。折跌筋傷等治乎。至於傷中日久。積聚內形。寒熱外顯。並宜鮮者作湯。統領他

藥。共裏破宿生新之功。設混用乾者。則瘵傷愈結。安望其有髓充肉長之勳乎。予嘗綜覽諸方。凡藥之未經火者。性

皆行散。已經炙焙。性皆守中。不獨地黃為然也。

乾地黃 苦微甘寒無毒。產懷慶者。丁頭鼠尾。皮粗質堅。每株重七八錢者。力優。產亳州者。頭尾俱粗。皮細質柔。形

雖長大。而力薄。產江浙者。細軟無力。僅可清熱。不入補劑。無問產於何地。但枯槁質輕者。謂之天黃。不堪入湯藥。

發明 乾地黃心葉通心。中黃入脾。皮黑歸腎。味厚氣薄。內真涼血。滋陰。外潤皮膚。潔澤。病人而有熱虛者。宜加用之。

戴元禮曰。陰微陽盛。相火熾強。乘陰位。日漸煎熟。陰虛火旺之證。宜生地黃。以滋陰退陽。同人參。茯苓。之苓石蜜。名

瑞玉膏。治虛勞。致嗽唾血。同大麥門冬。熟地人參。名固本丸。治老人精血枯槁。於固本丸中。加枸杞。蒸膏。名集靈膏。

治虛嗽喘嗽之力。其瑞玉膏雖用鮮者。搗汁桑火熬膏散中寓止。與乾者無異。固本丸集靈膏並用乾者。而集靈變丸作膏。較之固本差勝。易簡方曰。男子多陰虛宜熟地黃。女子多血熱宜生地黃。虞搏云。生地黃涼血。而胃氣弱者恐妨食。熟地黃補血。而痰飲多者恐泥膈。或言生地黃酒炒。則不妨胃。熟地黃薑帶。則不泥膈。然須詳病人元氣病氣之淺深而用之。若產後惡食泄瀉。小腹結痛虛勞脾胃薄弱。大便不實胸腹多痰氣道不利。升降窒塞者。咸須遠之。浙產者專於涼血潤燥。病人元氣本虧。因熱邪閉結。而舌乾焦黑。大小便秘。不勝攻下者。用此於清熱藥中。通其秘結最妙。以其有潤燥之功。而無滋潤之患也。愚按本經地黃雖列上品。而實性稟陰柔。與鄉愿不異。譬諸膏人。內藏隱障。外示優容。是以舉世名家靡不藉為滋陰上藥。止血神丹。雖或用。非其宜。得以稍清旺氣。服之仍得暫安。非若人參之性重陽明。象類君子。苟有過人。皆知之。是以師家斂手不敢用。病家緘口不敢嘗。直至瀕危不得已而用之。每至下咽即斃。是以左右之人靡不交口歸咎於人參。曷知其為從前誤藥所致。夫藥之遺患於病。比比有之。莫如地黃。門冬之屬。陰柔最甚。至死不覺其非。故不憚屑瑣。特表而出之。

熟地黃 甘溫無毒。製地黃法。擇取原株重六七錢者。以好酒浸。入縮砂仁末拌。木甑瓦鍋。九蒸九曬。得太陽真火。入劑方始得力。蓋地黃性泥。得砂仁之香竅。而通調五藏。沖和之氣。歸宿丹田也。發明 熟地黃假火力蒸曬。轉苦為甘。為陰中之陽。故能補腎中元氣。必須蒸曬多次。得太陽真火。確有坎離交濟之妙用。若但煮熟。不如蒸曬。雖服姜盃好古曰。生地黃治心熱。手心熱。益腎水。涼心血。其脈洪實者宜之。若脈虛者。則宜熟地黃。錢氏六味丸以之為君。天一所生之源也。若命門真火素弱者。必須崔氏八味丸。得桂附共裏之力。方得陰陽兼濟之功。湯液四物湯以之為主。乙癸同源之治也。其功專於填骨髓。長肌肉。生精血。補五藏內傷不足。通血脈。利耳目。黑鬚髮。男子五勞七傷。女子傷中。胞漏下血。經候不調。胎產百病。滋腎水。真陰癆瘵。腹痛急痛。病後腰股痠痛。坐而欲起。目眩。如無所見。蓋膈下痛。屬腎藏精傷。腰股痠。係下元不足。目眩。如無所見。乃水虧不能鑿物。皆腎所主之病。非熟地黃不除。今人治目昏內障。往往用六味丸。配磁硃丸。服良非所宜。地黃蒸鐵。磁為鐵之母。安得不忘。予嘗用當歸代地黃。借其辛溫。以助煥發之勢。火盛則用芍藥代山茱萸。借其酸寒。以收耗散之陰。藥雖異。而功不殊也。愚按地黃本手少陰經藥。功專清熱散血。非經蒸曝。不能入足。少陰經得水。火既濟之功。轉苦成甘。變苦為黑。故直入腎藏。填補真陰。

兼培黃庭后土。厚載物諸藏皆受其陰。是以崔氏八味錢氏六味為培養真陰真陽之總司。後人藉此各隨所票之偏。而為增減。無往非受其益。如陰氣不固。則加鯉膠。羨黎陽氣不充。則加鹿茸。河車中氣不舒。則加沈香。縮砂。下氣不吸。則加牛膝。車前。上氣不津。則加門冬。五味。肝氣內盛。則減萸。倍澤。精氣下脫。則減澤。倍萸。各得補偏救弊之妙用。其陰火旺者。加知柏於六味方中。此與鴛酒止渴無異。他如四物湯中之芍歸。即六味丸中山萸之義。十全大補中之耆桂。即八味丸中桂附之義。方得陰陽相濟之妙用。須知八味十全平調血氣。且湯液性味易過。地黃與麥並用。略無妨礙。六味丸中切不可雜一味。中焦藥如人參白朮甘草之類。咸非所宜。昔人有以六味丸加參而服下咽少頃。輒作迷迷不爽。或令增參冬五味。功力倍常。深得金水相生之妙用。非專工藥性者之可與討論也。

牛膝本經名

苦酸平無毒。懷產者長而無傍。鬚水道澆滲者宜之。川產者細而微黑。精氣不固者宜之。忌牛肉。

本經主寒濕痿痺。四肢拘攣。膝痛不可屈伸。逐血氣。傷熱火爛。墮胎。發明。牛膝氣薄味厚。性沈降。泄乃足厥陰

之藥。本經專主寒濕痿痺。四肢拘攣等病。不及補養下元之功。豈聖法有所未盡歟。丹溪言牛膝能引諸藥下行。筋

骨痛風在下者宜加用之。其性雖下行走筋。然滑利之品。精氣不固者終非所宜。得酒蒸則能養筋。生用則去惡血。

其治腰膝痛不可屈伸。足痿之病。非取其養血營筋之力。歟。其治癱腫惡瘡。金瘡折傷。尿血淋痛。婦人經祕不通。非

取其活血破瘀之力。歟。外臺以生牛膝一味。濃煎治積久勞瘵。肘後以二斤浸酒。治卒暴癱瘓。延年以之同葵子煎

服下。肥衣衛生以之搗。屠傷梅師以之搗。塗金瘡。千金以之搗。敷毒腫。集驗以之通利。溺閉皆取其性滑利。竅消

血解毒之功。雖強陰強筋而氣虛下陷。大便秘滯。遺精。妊娠崩漏。俱禁用。惟川者氣味形質與續斷彷彿。庶無

精滑之虞。蓋腎司閉藏。肝司疎泄。此味專司疎泄而無固熱之功。世俗妄謂益腎而培養下元。藥中往往用之。與延

盜入室何異。其土牛膝亦能解毒利竅。專治血鼓一味。濃煎。恣意服之。又鎖喉風。諸治不效。以土牛膝和醋搗絞

取汁。醱雞翎探吐。稠痰不過二三次。神驗。

紫苑白者名 苦辛微溫無毒。或酒洗或蜜水炒用。本經主咳逆上氣。胸中寒熱。結氣去蠱毒。痿躄安五藏。女

苑治風寒洗洗霍亂。泄利腸鳴。上下無常處。驚癩寒熱百病。發明。紫苑肺經血分之藥。本經止欬逆上氣。胸中

寒熱。結氣。取性疏利。肺經血氣也。去蠱毒。痿躄者。以其辛苦微溫。能散結降氣。蠱毒自不能留。痿躄由肺熱葉焦。紫

苑

苑

苑專通肺氣使熱從溲便去耳別錄瘵效唾膿血大明消痰止渴皆滋肺經血氣之效金匱澤漆湯用以治效而脈沈者效屬肺脈沈則血分之病也亦治下痢肺痛與紫參同功其性辛而不燥潤而不寒補而不滯善調五勞體虛止嗽定喘瘵瘵吐衄諸血又能通調水道故溺澆便血單服一兩即效然大泄肺氣陰虛肺熱乾效禁用以其性專溫散而無培養之力也 白者曰女苑大泄肺氣本經主風寒洗洗霍亂洩利腸鳴上下無常處驚癩寒熱百病一皆氣分受傷之病肘後方治人面黑令白方用女苑三分鉛丹一分為末醋漿服一刀圭日進三服十日大便黑二十一日面白便止過用則太白矣千金方用酒服男十日女二十日黑色皆從大便去三十歲後不可服以肺氣漸減不可復洩也

麥門冬 本名冬 甘寒無毒去心用即不煩心 本經主心胸結氣腹中傷飽胃絡脈絕癯瘦短氣久服輕身不老不饑 發明 麥門冬陽中微陰入心肺腎及足陽明之經定心熱驚煩瘵肺痿吐膿蓋專泄而不專收寒多人禁服

肺中伏火脈氣欲絕者加五味子人參為生脈散專補脈中元氣不足東垣云六七月間濕熱方盛人病骨乏無力身重氣短頭旋眼黑其則痿軟故徐真人以生脈散補其天元真氣脈者人之元氣也人參之甘溫瀉陰火而益元氣麥門冬甘寒滋燥金而清水源五味子之酸鹹瀉丙火而補庚金兼益五藏之氣也時珍曰麥門冬以地黃為使服之令人頭不白添精補髓通腎氣定喘促令人肌體滑澤本經主心胸結氣腹中傷飽胃絡脈絕癯瘦短氣一氣貫下言因過飽傷胃而致心胸氣結脈絕不通癯瘦短氣故宜以此滋其津液通其肺胃殊非開竅痰氣消尅飲食之謂其陰虛癯瘦喘效上氣失音失血及風熱暴嗽咸非所宜恐寒鬱熱邪牢不可破多成虛損之疾麻疹效嗽不可誤用以其性寒助陰固效陽邪不能發越也凡脾胃虛寒泄瀉及痘瘡虛寒作瀉產後血虛瀉渴皆非所宜 萱草 一名忘憂 甘平無毒 發明 萱性下走入陰故根治沙石淋下水氣及酒瘴大熱血搗酒服治吹乳腫痛 ○花治酒瘴利濕熱其花起層者有毒勿食

淡竹葉 甘寒無毒 發明 淡竹隱生嫩苗葉綠花碧根鬚結子與竹絕然不同性專淡滲下降故能去煖熱清

心利小便便根能墮胎催生

冬葵子 向日葵 甘寒滑無毒 本經主五藏六府寒熱癯瘦破五癰利小便 發明 向日葵堅質耐寒入冬不

潤故名冬莖性滑利竅能治藏府寒熱羸瘦破五淋利小便婦人乳房脹痛同砂仁等分為末熱酒服三錢其腫即消孕婦難產不下專取一味炒香為末為歸湯下三錢則易生取晨暮轉動靈治耳聾子益奇疾方云有人手足忽長倒生肉刺如錐痛不可忍但食葵菜即愈亦取其寒滑利竅之用也

蜀葵 甘寒無毒 發明 葵以蜀中最勝種類最多其子入藥皆性滑利竅能潤氣血之燥千金稱滑其除客熱

利腸胃是其其藥也東垣取其花之白者治白帶赤帶隨其色而為所用被狗啣者食之瘡永不瘥

秋葵子 甘寒滑無毒 發明 葵色種種惟花於秋者獨稟金氣而色黃其子性專潤下治小便淋及催生用之

與向日葵不殊其花消癰腫浸油塗湯火傷其痛即止

龍葵 即老龍 苦微甘滑寒無毒 發明 龍葵性滑如葵言苗葉也消熱散血壓丹石毒去婦人敗血老鴉眼睛

言其子也善能縮筋消疔腫與苗葉不異根利小便與木通煎服効

酸漿 一名癩龍草 苦寒無毒 本經主熱煩滿定志益氣利水道 發明 酸漿利濕除熱清肺治欬化痰痰熱

去而志定氣和矣又主咽喉腫痛蓋此草治熱痰欬佛耳草治寒痰欬故其主治各有專司也

敗醬草 一名苦菜又名鹿腸 苦平無毒 本經主暴熱火瘡赤氣疥癩疔馬鞍熱氣 發明 敗醬乃手陽明

厥陰藥善除暴熱火瘡皆取苦寒散毒之用其治疔毒馬鞍熱氣以其性專下泄也金匱意以附子敗醬散治腸癰

固結未潰故取薏苡以下達敗醬苦降附子開結而為熱因熱用之嚮道深得本經之旨若膿成熱毒勢脹不可用也

而婦人下部疽蝕方中亦恆用之近世醫師罕有識者惟徽人採取芡乾曰苦芡菜惜乎不知治療之功用也

款冬花 辛溫無毒紫色有白絲者真蜜水拌微炒 本經主欬逆上氣善喘喉痹諸驚癩寒熱邪氣 發明 欬

冬味辛入氣分色紫歸血分雖其性溫却不燥血故能輕揚上達觀本經主治一皆氣升火炎之病古方用為溫肺

治嗽之要藥潤肺消痰止咳定喘喉痹喉痛肺痿肺癰咸宜用之有人病欬多日或令燃款冬花三兩放無風處以

管吸其烟噫之數日果愈委實失合陰虛勞嗽禁用以其性溫也

鼠麴草 即鼠耳草 又 甘平無毒 發明 別錄鼠耳主寒痹寒熱欬嗽東垣佛耳治寒嗽及痰除肺中寒大升肺

氣日華云大抵寒嗽多是火鬱於內寒覆於外故佛耳歌冬為之必用宣明透膈散治寒鬱肺絡之嗽用佛耳歌冬

鍾乳雄黃為末並於爐中燒以筒吸烟嚙下有涎即吐去屢效

法明子 鹹平無毒別錄云苦甘微寒無毒炒研用 本經主青盲目淫膚赤白膜眼赤痛淚出久服益精光輕身

發明 相感志言園中種法明蛇不敢入丹漢言法明解蛇毒本此入藥明目本經治青盲目淫眼赤淚出取其

苦寒清熱也以水調末塗腫毒貼心止鼻衄貼太陽穴治頭疼作枕治頭風別錄療口青是主肝經蓄熱之驗也不

宜久服久服令人患風伐肝搜風太過反招風熱也本經言久服益精光輕身是指目疾人肝熱內滯者而言若肝

虛血弱者過用虛風內擾在所必致耳

地膚子 一名落蒂 又名黃蒿 甘寒無毒 本經主膀胱熱利小便補中益氣久服耳目聰明輕身不老 發明 眾病皆起

於虛虛而多熱則小便不利精氣日燭故本經主以清利膀胱邪熱中氣自復耳目聰明矣其能祛熱利小便去陰

火治客熱丹腫管主老人夏秋間熱淋用此搗自然汁服之即通男子白濁用地膚子白飯為丸滾湯下婦人白帶

地膚子為末熟酒服之屢效○苗葉燒及煎霜制砒石粉霜水銀硫黃雄黃礞砂毒

瞿麥 味苦性平 性寒 苦寒無毒 本經主膀胱諸癥結小便不通出刺法癰腫明目去翳破胎墮子下閉血 發明 瞿

麥利小便為君主之用故本經專主關格諸癥結小便不通金匱方治小便不利有水氣其人苦渴者用栝蒌瞿麥

丸古方通心經利小腸為最要藥若心經雖有熱而小腸虛者服之則心熱未退而小腸別作病矣以其降泄太過

也本經又言出刺取鮮者搗塗竹木刺也破胎墮子下閉血皆利竅所致故妊娠產後小水不利及脾虛水腫禁用

以性專泄氣也

王不留行 即前金花俗名金盞銀盞 苦甘平無毒 發明 王不留行專行血分乃陽明厥陰衝任之藥能通乳利竅其性走

而不守故妊婦禁服一婦患淋臥久用此煎服再劑而愈其利小便出竹木刺與瞿麥同功

葶藶 辛苦寒小毒酒淨焙用煮實水滿急生用 本經主癥瘕積聚結氣飲食寒熱破堅逐邪通利水道 發明

葶藶苦寒不減硝黃專泄肺中之氣亦入手陽明足太陽故仲景瀉肺湯用之肺氣壅塞則膀胱之氣化不通譬

之水注上竅閉則下竅不通水濕泛溢為喘滿為腫脹為積聚種種諸病生矣辛能散苦能泄大寒沈降能下行遂

水故能養本經諸病亦能泄大便為其體輕性沈降引領肺氣下走大腸又主肺癰喘逆痰氣結聚通身水氣脾胃

虛者宜速之大戟去水葶藶愈服用之不節及乃成病葶藶有甘苦二種緩急不同大抵甜者下泄性緩雖泄肺而不傷胃。苦者下泄之性急既泄肺而復傷胃故以大棗輔之然肺之水氣膈滿急者非此不能除但水去則止不可過劑。金匱方云葶藶傳頭瘡藥氣入腦殺人。

車前子 甘鹹寒無毒酒浸焙用 本經主氣癰止痛利水道除濕痹久服輕身耐老 發明 車前子入足太陽

少陰能利小便而不走氣與茯苓同功本經治氣癰止痛通腎氣也小便利則濕去濕去則痹除別錄治女子淋瀝

等病專取清熱利尿之功也男女陰中有二竅一竅通精一竅通水二竅不兼開水竅得氣化乃出精竅得火動乃

泄車前專通氣化行水道疏利膀胱濕熱不致擾動真火而精氣甯謐矣故凡瀉利暴下病小便不利而痛者用車

前子為末未飲服二錢利水道分清濁而穀藏止矣又治目疾水輪不清取其降而不火傷腎也時珍用以導小腸

熱上暑濕瀉取甘平潤下之用耳陽氣下陷腎氣虛脫人勿服 其葉搗汁溫服療火盛泄精甚驗若虛滑精氣不

固者禁用。

馬鞭草一名龍牙草 苦微寒無毒 發明 馬鞭草色赤入肝經血分故治婦人血氣腹脹月經不勻通經散瘀治金

瘡行血活血生搗汁飲治喉痹癰腫又搗敷治下部惡瘡及蠅蝮尿男子陰腫惟陰血虛而胃者弱勿服

光明草即狗屎草 發明 眼赤羊毛倒睫者翻轉目驗以一二莖蘸水夏去惡血甚良

鱧腸草一名金陵草即早蓮草 甘酸平無毒 發明 鱧腸草腎經血分藥灸瘡發洪血不可止者傳之立已汁塗眉髮生

速而髮皆益鬚養血之驗故烏鬚髮方用之千金方有金陵煎能益鬚髮變白為黑也單用熬膏治大便下血腎主

二便但脾胃虛大便易瀉者勿服

連翹 苦平無毒根名連軹甘寒平小毒 本經主寒熱鼠瘻瘰癧腫惡瘡癰結熱毒 發明 連翹輕清

而浮本手少陰厥陰氣分藥瀉心經客熱破血結散氣聚消腫毒利小便諸痛癢瘡皆屬心火連翹瀉心為瘡家聖

藥十二經瘡藥中不可無此乃結者散之之義本經專主寒熱鼠瘻瘰癧癰結熱等病皆由足少陽膽經氣鬱而

成此藥正清膽經鬱熱癰疽惡瘡無非營衛壅遏得清涼以散之壘毒所結得辛香以解之然苦寒之性僅可以治

熱腫故難疽潰膿清色淡及胃弱食少者禁用○根寒降專下熱氣治濕熱發黃濕熱去而面悅好眼目明矣仲

景治痰熱在裏發黃麻黃連軀亦小豆湯主之奈何世鮮知此如無根以實代之

陸英一名胡蘆 又名提骨草 苦寒無毒 本經主骨間諸痹四肢拘攣反痠膝寒痛陰痿短氣不足脚腫 發明陶蘇本草

甄權藥性皆言陸英即胡蘆田野村墟甚多人家所植高大色赤者是陸英田野所出紅葉上有粉者是胡蘆二

味所主大率相類外臺千金方多用之世以其賤而全置不講也

監實 大青 小青 苦寒無毒 有二種大者曰大青苗高如葵小者曰小青葉光如景天向編在麻 今併此 本經解諸

毒殺蟲歧魁症鬼蠱毒 發明 本經取用監實乃大青之子是即所謂葵蓋也性稟至陰其味苦寒故能入肝本

經取治蟲疰諸毒專於清解溫熱諸邪也陽毒發斑咽痛必用之藥而莖葉性味不異主治皆同日華子治天行熱

狂行腫風疹朱肱治發斑咽痛有犀角大青湯大青四物湯皆取其葉以治溫熱毒盛發斑之藥非正傷寒藥也蓋

大青瀉肝膽之實火正以祛心胃之邪熱所以小兒疳熱丹毒為要藥○小青搗敷腫毒甚效治血刺腹痛殺百藥

毒解狼毒射罔斑蝥砒石等毒千金以監葉搗汁治腹中蠶癩夏子由奇疾方用板藍汁治腹內應聲蟲陳實功以

藍同貝母搗散人面瘡皆取苦寒以散鹽結之熱毒也○藍澱以藍浸地坑一宿入石灰攪澄去水為澱其解諸毒

傳熱瘡之用則一而殺蟲之功更效蟲為下膈非此不除今人以染缸水治噎膈皆取其殺蟲也

青黛一名藍 鹹寒無毒 發明 青黛乃藍澱浮沫攪澄掠出收乾瀉肝膽散鬱火治溫毒發斑及產後熱刺下重

千金監青丸用之天行寒熱頭痛水研服之與藍同類而止血拔毒殺蟲之功似勝於藍又治噎膈之疾取其化蟲

之力也和溺白堊冰片吹口疳最效

麥子水旁者曰水 麥俗名芒草 鹹微溫無毒 本經明目溫中耐風寒下水氣療面浮腫癰瘍 發明 麥實治消渴去熱

及療癰癩疔腹脹皆取其散熱消積之功即本經下水氣面浮腫癰瘍之用其紅草子專治疔積鴉鴉丸用之麥葉

治大小腸邪氣黃帝云麥食過多毒發心痛婦人月事來不可食麥及苽善為血淋帶下扁鵲云麥食之令人寒熱

損骨髓殺丈夫陰氣 篇蓄 苦平無毒 本經主浸淫疥癬疽疔殺三蟲 發明 篇蓄利水散濕熱治黃輝霍亂瘵小兒魁病女子陰

蝕本經專主浸淫疥癬疽疔所主皆濕熱之病三蟲亦濕熱所化也



白羨藜 苦辛溫無毒酒浸焙焦去刺研用 本經主惡血破癥結積聚喉痹乳難久服長肌肉明目輕身 發明

白羨藜性升而散入肝腎經為治風明目要藥風入少陰厥陰經者為熱導目病為風木之邪風盛則目病風去

則目明矣本經專破惡血積聚治喉痹乳難以苦能泄溫能宣辛能潤也此言刺羨藜之功用耳久服長肌肉明目

輕身以其入腎益精氣也此則專主沙苑羨藜而言其治痰消癰腫搜腎藏風氣又須刺者為破敵之先鋒千金方

治白澱風以一味為末湯服二錢日二服服至半月白處見紅點至一月效

沙苑羨藜 甘溫無毒沙苑死者色微黑而形似羊腎若色微綠雖產秦中非沙苑也酒蒸搗用藥肆中以一種野

田開紅花之土羨藜偽充咬之亦生豆氣但缺處有尖鈎稍異耳 發明 沙苑羨藜產於潼關得草北之氣性降

而補益腎治腰痛為泄精虛勞要藥最能固精故聚精丸用此佐鱉膠大有殊功以之點湯代茶亦甚甘美益入但

腎與膀胱偏熱者禁用以其性溫助火也

穀精草 辛溫無毒 發明 穀精草性體輕浮能入陽明分野治目中諸痛甚良而去星尤為專藥明目退翳之

功在菊花之上痘後生醫亦用之此草兔性喜食故目疾家專用與望月砂功用不殊

海金沙 甘寒無毒市鋪每以沙土雜入須淘淨取浮者曝乾揆之不沾指者真 發明 海金沙生於葉上小腸

膀胱血分藥也熱伏二經血分者宜之故小便熱淋莖痛為要藥腎藏真陽不足者忌用

地椒一名水楊梅生水邊作草叢生似 辛溫無毒 發明 地椒制丹砂粉霜見庚子玉冊綱目名水楊梅時珍

地椒莖莖端開黃花實類椒而不亦

主治疔瘡腫毒

半邊蓮 辛平無毒 發明 半邊蓮小草也生陰濕膝塹邊就地細梗引蔓節節生細葉秋開小花淡紅紫色止

有半邊如蓮花狀故名專治蛇傷搗汁飲以渣圍之

地丁 苦辛寒無毒 發明 地丁有紫花白花二種治疔腫惡瘡兼癰癩疽發背無名腫毒其花紫者莖白白者

莖紫故可通治疔腫或云隨疔腫之色而用之但漫腫無頭不亦不腫者禁用以其性寒不利陰疽也

見腫消 酸澆微毒 發明 見腫消專消癰腫及狗咬搗葉貼之傷寒餘毒發於耳前後用此一握同白及白飯

大黃大蘗芋根共搗成餅入芒硝一錢白蜜少許和貼留頭乾即易之

毒草部

大黃 本經名黃良一名將軍

苦寒無毒產川中者色如錦紋而潤者良若峻用攻下生用邪氣在上必用酒浸上引而驅熱

下行破瘀血非汁製虛勞吐血內有瘀積並汗拌炒黑用之大腸風秘燥結皂莢綠蓉酒製又尿桶中浸過能散瘀血兼行滲道妊娠產後慎勿輕用定熱內結勢不可緩酒蒸用之凡服大黃下藥須與穀氣相遠得穀氣則不行矣

本經下瘀血血閉寒熱破癥瘕積聚留飲宿食湯滌腸胃推陳致新通利水穀調中化食安和五藏 發明 大

黃氣味俱厚沈降純陰乃脾胃大腸肝與三焦血分之藥凡病在五經血分者宜之若在氣分者用之是誅伐無過

矣其功專於行瘀血導血閉通積滯破癥瘕消實熱瀉痞滿潤燥結敷腫毒總賴推陳致新之功本經與元素皆謂

去留飲宿食者以宿食留滯中宮久而發熱故用苦寒化熱宿食亦乘勢而下後世不察以為大黃槩能消食謬矣

蓋胃性喜溫惡濕溫之則宿食融化寒之堅滯不消以其則能蕩滌腸胃食積得以作蕩然後發氣通利中氣調暢

飲食輸化五藏安和矣若食在上脘雖經發熱只須枳實黃連以消痞熱宿食自通若誤用大黃推蕩不下反致結

滯不消為害不淺如瀉心湯治心氣不足吐血衄血者乃色絡肝脾之邪火有餘也雖曰瀉心實瀉四經血中伏火

也仲景治心下痞滿按之濡者用大黃黃連為心湯此亦為脾胃之濕熱非瀉心也若心下痞而復惡寒汗出者其

人陽氣本虛加附子以溫散之病發於陰而反下之因作痞乃痰實與邪氣乘虛結於心下故曰瀉心實瀉脾也病

發於陽而反下之則成結胸乃熱邪陷入陰分而結於膈上仲景大陷胸湯丸皆用大黃亦瀉脾胃血分之邪而降

其濁氣也若結胸在氣分則用小陷胸湯痞滿在氣分則用半夏瀉心湯矣若病本陽邪或兼停食而攻發太過正

氣消乏實結不解擬欲攻之而正氣不能行其藥力則加人參於桃核承氣中以助硝黃之勢如胸氏黃龍湯之製

乃先輩之成則也蓋大黃芒硝瀉腸胃之燥熱牽牛甘遂瀉腸胃之濕熱巴豆硫黃瀉腸胃之寒結各有定例至於

老人血枯便秘氣虛便難脾虛腹脹少食婦人血枯經閉陰虛寒熱脾氣痞積腎虛動氣及陰疽色白不起等證不

可妄用以取虛虛之禍

商陸 一名當陸赤者性劣色白者良

辛寒有毒銅刀刮去皮水浸一宿或醋炒或黑豆拌蒸用其赤者服之傷人令人見鬼同生

水服殺人 本經主水腫疰瘕痺癰除癰腫殺鬼精物 發明 商陸苦寒傷脾其性下行利水本經專主水腫疰

瘕等疾與大戟甘遂異性同功。胃氣虛弱者不可用。腫滿小便不利者以赤根搗爛入麝香三分。貼於臍心以帛束之。得小便利即腫消。或以大蒜同白商陸煮汁服亦治腫疾。仲景治大病後腰以下腫牡蠣澤瀉散用之。以其病後不堪受邪。故用急迫以散之也。然水腫因脾虛者若誤用之一時雖效未幾再發。決不可救。

狼毒 苦辛寒大毒。陳者良。醋炒用。出東魯泰山與防葵相類。置水沈者為狼毒浮者即防葵也。本經主效逆上氣破積聚。飲食寒熱水氣惡瘡鼠瘻疽蝕鬼精蠱毒殺飛鳥走獸。發明 狼毒大毒。非恆用之品。本經治效逆上氣。惟質實氣壯暴欬者宜之。又能破積聚。飲食寒熱水氣。以其迅利也。性能殺飛鳥走獸。其治惡瘡疽蝕蠱毒所不待言。肘後方以狼毒二兩附子半兩治心腹連痛脹急。加旋覆蜜丸。日服三丸。治腹中冷痛及兩脇氣結。又為散擦惡瘡疥癬。○愚按狼毒與防葵同根。但質有輕重之別。雖本經主治不同。一皆瞑眩之品。功用亦不甚相遠。今狼毒

內有輕浮者。即係防葵無疑。但本經條下有堅骨髓益氣輕身之說。其性善走散。力能攻逐。三蟲故有益氣輕身之功。本經不言攻蟲而攻蟲之用與狼牙無異。

狼牙 本經名 苦辛寒有毒。以其形似獸牙故名。白者良。中濕糜爛生衣者殺人。本經主邪氣熱氣疥癩惡瘍瘡痔去白蟲。發明 狼牙較狼毒之性稍緩。而所治亦相類。金匱丸用狼牙局方用狼毒。方用附子三兩。狼

牙人參吳茱萸乾薑各一兩。巴霜一錢。蜜丸。梧子大。日服二三丸。治九種心痛。並卒中惡腹脹滿。又連年積冷。流注

心胸痛。及冷衝上氣。落馬墜車血疾。皆主之。本經治邪氣熱氣。去白蟲。蓋心痛多有屬蟲積者。故前方用之。亦治惡

瘍瘡痔。金匱外臺千金。並以煎洗陰瘡。蝕瘡。搗汁治射工。漢毒。肘後以之搗貼金瘡。外臺以之蜜丸。漿水服。一丸治

寸白蟲。皆取殺蟲解毒之功也。

防葵 辛寒有毒。本經主疝瘕腸泄。膀胱熱結溺不下。效逆濕痞。癩癩驚邪狂走。久服堅骨髓益氣輕身。發明

防葵辛寒。性善走散。能治疝瘕腸泄。膀胱熱結等證。而別錄又言療五藏虛氣。小腹支滿。臚脹。口乾。除腎邪。強志

中有火者。不可久服。令人恍惚見鬼。二說各有主見。一以治濁邪支塞驚邪狂走。故須久服。開除積垢。自然髓充骨

堅。正氣自復。一以療五藏虛氣。腎邪逆滿。故不可久服。久服恐正氣愈虛。不能制五志之火。引領痰濕。上侮君主。令

人恍惚見鬼。同一防葵。而有治驚邪狂走。與久服見鬼之不同也。嘗攷千金方。防葵為治風虛通血脈之上藥。每與

參朮鍾乳石英並用取其祛逐風虛通利血脈而正氣得復腎志自強當無助火為虐之慮矣  
 蘭茹 辛寒有小毒折之汁出凝黑如漆故名漆頭蘭茹色白者名草蘭茹 本經主疽蝕惡肉敗瘡死肌殺疥蟲  
 排膿惡血除大風熱氣善忘不寐 發明 蘭茹本經治惡肉敗瘡等病而素問四烏鯁一蘆茹丸當非此蘭茹可  
 治也聖惠治頭風旋暈千金治小兒癰疽並用漆頭蘭茹姚僧坦治癰疽去惡血有白蘭茹丸二者皆能散血其治  
 善忘不寐亦是因風熱侵犯心包膽腑所致散其風熱則無不寐善忘之患矣

大戟 苦辛大寒有毒反甘草入藥惟用正根誤服傍株令人冷瀉東煮則不損脾乘軟去骨用 本經主蠱毒十

二水腹滿急痛積聚中風皮膚疼痛吐逆 發明 大戟性稟陰毒峻利首推苦寒下走腎陰辛散上瀉肺氣兼橫

行經脈故本經專治蠱毒十二水腹滿急痛等證皆濁陰填塞所致然惟暴脹為宜云中風者是指風水膚脹而言

否則傳寫之誤耳夫大戟甘遂之苦以泄水者腎所主也痰涎之為物隨氣升降無處不到入於心則迷竅而成癲

癩妄言妄見入於肺則塞竅而成效唾稠粘喘急背冷入於肝則留伏蓄聚而成脇痛乾嘔寒熱往來入於經絡則

麻痺疼痛入於筋骨則頸項胸背腰脇手足牽引隱痛三因方並以控涎丹主之大戟能泄臍府之水濕甘遂能行

經隨之水濕白芥子能散皮裏膜外之痰氣惟善用者能收奇功也痘瘡變黑歸腎裏變百祥丸用大戟製裏去戟

用裏以瀉肝邪非瀉腎也實則瀉其子因腎邪實而瀉其肝也仲景云心下痞滿引脇下痛乾嘔短氣者十棗湯主

之其中亦有大戟夫乾嘔脇痛豈非肝膽之病乎百祥丸之瀉肝明矣至玉樞丹同續隨子山茨茹等解毒蠱毒藥則

又不獨肝膽矣其脾胃肝腎虛寒陰水泛濫犯之立斃不可不審

澤漆本經名漆莖 苦寒小毒別錄曰華陶氏皆言是大戟苗綱目名狗兒眼睛草時珍云江湖源澤多有之搗莖有白

汁粘人故名 本經主反膚大熱大腹水氣四肢面目浮腫丈夫陰氣不足 發明 澤漆利水功類大戟遂誤以

為大戟苗本經言利丈夫陰氣則與大戟不相侔也其治皮膚大熱面浮腹大等證兼挾表熱而言其性與大戟亦

相類也金匱澤漆湯方用澤漆半夏紫參白前甘草人參桂心生薑以治肺癰上氣脉沈大明言止瘧疾消痰退熱

肘後聖惠易簡伏殺水腫脚氣皆用之

甘遂 苦甘大寒有毒麩裏煨熟用反甘草其根皮赤肉色白作連珠大如指頭質重不蛀者良亦皮者其性尤烈

本經主大腹疝瘕腹滿面目浮腫留飲宿食破癥堅積聚利水殺道 發明 甘遂色白味苦先升後降乃瀉水之峻藥本經治大腹疝瘕面目浮腫留飲宿食等病取其苦寒迅利疏通十二經攻堅破結直達水氣所結之處仲景大陷胸湯金匱甘草半夏湯用之但大瀉元氣且有不可輕用腎主水凝則為痰飲溢則為腫脹甘遂能泄腎經濕氣治痰之本也不可過服中病則止仲景治心下留飲與甘草同用取其相反而立功也肘後方治身面浮腫甘遂末二錢以雄豬腎一枚分七片入末拌勻濕紙裏煨令熟每日服一片至四五服當腹鳴小便利是其效也然水腫鼓脹類多脾陰不足土虛不能制水治當辛溫補脾實水兼利小便若誤用甘遂大戟商陸牽牛等味禍不旋踵而癩痢心風血邪甘遂二錢為末以豬心管血和藥入心內縛定濕紙裏煨熟取藥入辰砂末一錢分四圓每服一圓以豬心煎湯下大便利下惡物為效末下更服一圓凡水腫未全消者以甘遂末塗腹遠臍令滿內服甘草湯其腫便去二物相反而感應如此塗腫毒如上法亦得散又治肥人卒然耳聾甘遂一枚綿裹塞耳中口嚼甘草耳卒然自通也

續隨子

即千金子

辛溫有毒去殼取色白者以紙包壓去油取霜用 發明 續隨子下氣最速然有毒損人與大戟

澤漆甘遂莖葉相似主療亦相似其功長於利水解毒故玉樞丹用之服後瀉多以醋同粥食即止若脾虛便滑之人誤服必死黑子疣贅續隨子搗爛時塗之自落或以煮線繫癩根時時繫之漸脫

莨菪

一名天仙子

子苦寒根苦辛有毒 本經主齒痛出蟲肉痺拘急多食令人狂走 發明 莨菪入癩狂方用然

皆用其子耳故言勿令子破破則令人發狂本經治肉痺蟲蘊用其毒以攻治也千金治石癰堅硬不作膿者良若

子為末醋和傅瘡頭根即拔出打撲折傷羊脂調良若子末傅之 良若根主治與子不殊瘡疾不止良若根燒灰

水服一錢匕即止惡癬有鼻良若根搗爛和蜜傅之惡刺傷人良若根水煮汁浸冷即易之箭頭不出此亦王之皆

千金神方也狂犬咬人良若根和鹽日三傅之此外臺秘要方也今人用根治噎膈反胃取其性走以祛胃中留滯

之邪噎膈得以暫開虛者誤服為害不測時珍云良若之功未見如所說而其毒有甚焉煮一二日尚能生芽其為

物可知矣服良若雲實防葵亦商陸皆令人狂惑見鬼者蓋此類皆重陰毒能使痰迷心竅閉其神明以亂視聽故

耳

耳

本草綱目

卷二

毒草部

十五

蓖麻子 甘辛溫有毒去殼取仁白者良禁食炒豆犯之必脹 發明 蓖麻屬陰其性善收能追膿取毒拔邪外

出為外科要藥能出有形之滯物故取胎產胞衣刺滑膠血者用之時珍云蓖麻甘辛有毒氣味頗近巴豆亦能

利人救下水氣其性善走能開通諸竅經絡治偏風失音口噤口目喎斜頭風七竅諸病不止於出有形之物也蓋

鵝鵝油能引藥氣入內蓖麻油能拔病氣出外故諸膏多用之偏風手足不舉同羊脂穿山甲麝香煎膏日厚漸正

研塗瘰癧疔毒癰腫即消蓋能引毒外出耳一人病手臂結塊腫痛用蓖麻搗膏貼之即愈一人病氣仁鬱而偏頭

痛用此同乳香食鹽搗敷太陽其痛立止一婦產後子腸不收搗貼丹田即上此藥外用屢奏奇勳但不宜內服耳

常山恆山 甘辛溫有毒川產淡黃細實如雞骨者良醋炒則不吐人 本經主傷寒寒熱發溫瘧鬼毒胸中痰

結吐逆 發明 夫瘧有六經五藏痰濕食積風邪瘴疫須分陰陽虛實不可一槩論也常山治瘧有刮痰截病之

功須在發散表邪及提出陽分之後服之得宜生用多用則上行必吐若酒浸炒透則氣少緩稍用錢許亦不致吐

也得甘草則吐得大黃則利蓋無痰不作瘧常山專在驅逐痰水楊士羸云常山治瘧人皆薄之瘧家多畜痰涎黃

水或停滯心下或結滯脇間乃生寒熱法當吐涎逐水常山豈容不用所以本經專主寒熱溫瘧痰結吐逆以瘧病

多由傷寒寒熱或時氣溫疫而致痰水蓄聚心下也夫水在上焦則常山能吐之在水在脇下則常山能破其滯而下

其水但須行血藥佐之如桃仁蓬朮穿山甲之類其有純熱發瘧或溫熱內實之證投以常山大便秘滴而下似泄

非泄須用大黃為佐瀉利數行然後獲愈常山陰毒之草其性暴悍雖有破瘴逐飲之能然善損真氣所以仲景治

瘧方中從無及此而夏傷於暑秋必瘧瘧及瘧在三陰元氣虛寒人則常山穿山甲輩皆為戈戟

蜀漆 苦辛溫有毒 本經主瘧及欬逆寒熱積聚蠱毒功效與之相類金匱治牝瘧獨寒不熱者有蜀漆散用蜀漆雲母龍骨酢漿水服之溫

治瘧及欬逆寒熱積聚蠱毒功效與之相類金匱治牝瘧獨寒不熱者有蜀漆散用蜀漆雲母龍骨酢漿水服之溫

瘧加蜀漆一錢用酢漿者取酸收以斂蜀漆之辛散也

藜蘆 辛苦寒有毒反五參服之吐不止者飲葱湯即止 本經主蠱毒咳逆泄利腸澼頭瘍疥瘡惡瘡殺諸毒

去死肌 發明 藜蘆服錢匙則惡吐而本經治蠱毒欬逆泄利腸澼是指積氣內盛者而言積去則欬與利止矣

又通頂令人嘔按常山吐瘧痰介蒂吐熱痰烏附火吐濕痰萊菔子吐氣痰藜蘆則吐風痰者也凡胸中有老痰或

中壘毒。止可借其宣吐。切勿沾口。大損胃中津液也。若欲逆泄利腸滯等證。苟非實邪壅滯。慎勿輕試。不可因本經之言而致惑也。別錄治喉痹不通。鼻中瘰肉。並為吹鼻孔效。

附子 辛熱大毒。反半夏瓜薑貝母白礬。古方以一兩一枚者為力全。近時專取大者為勝。用鹽過多。雖一兩五六錢。製熟不及七八錢。且容易腐爛。若欲久藏。須同窻仄入罐中。置近火處。庶可經久。其性熱有毒。必正節角少。頂細臍正者為上。頂粗有節多鼠乳者次之。傷缺偏縐者為下。有兩岐者名烏喙。此稟氣不正。當主大風頑痺。附子生用則散陰寒。熟用則助真元。生用去皮臍。熟用甘草重便制。若欲久藏。一味甘草濃煎汁煮。汁盡為度。入陽虛補劑。用黃連甘草制。凡中其毒。生萊菔汁及黃連解之。近時烏附多產陝西。其質粗其皮厚。其肉鬆。其色白。其味易行。易過非若川附之色黑皮薄。肉理緊細。性味之辛而不烈。久而愈辣。峻補命門真火也。本經主風寒欬逆。邪氣寒濕。痿痺拘攣。膝痛不能行步。破癥堅積聚。血瘕金瘡。發明 附子氣味俱厚而辛烈。能通行十二經。無所不至。煖脾胃而通膈噎。補命門而救陽虛。除心腹腰痛。膝冷痛。開肢體。脾濕痿弱。傷寒呃逆不止。主督脈脊強而厥。救寒疝引痛。欲死。斂離疽久潰不收。及小兒脾弱。慢驚。並須製熟用之。附子為陰證要藥。凡傷寒陰證。厥逆直中三陰及中寒夾陰。雖身熱而脈沈細。或浮虛無力者。非此不治。或厥冷腹痛。脈沈細。甚則唇青囊縮者。急須生附以峻溫散之。本經治風咳逆。當是陰寒呃逆。亥子之誤。詳本經所主諸證。皆陰寒之邪乘虛客犯所致。其主金瘡者。是傷寒久氣血虛寒。不能收斂。非血出不止之金瘡也。別錄又主腰痛。風寒脚氣。痿弱心腹冷痛等病。總取溫經散寒之力。耳。附子稟雄壯之質。有斬關奪將之能。能引補氣藥行十二經。以追復散失之元陽。引補血藥入血分。以培養不足之真陰。引發散藥開腠理。以驅逐在表之風寒。引溫煖藥達下焦。以祛除在裏之冷濕。附子以白朮為佐。乃除寒濕之聖藥。然須並用生者。方得開通經絡。若氣虛熱甚。宜少用。熟附以行參耆之力。肥人多濕。亦宜少加。烏附行經。附子得乾薑炙甘草。名四逆湯。主少陰陰寒。證得桂枝甘草薑棗名桂枝附子湯。治風濕相搏。身體疼煩。不能轉側。得白朮甘草薑棗名朮附湯。治風虛頭重眩極。得麻黃細辛名麻黃附子細辛湯。治少陰病發熱。脈沈。得大黃芩連名附子瀉心湯。治心下痞而惡寒。汗出。得大黃細辛名大黃附子湯。治脇下偏痛。發熱。脈弦緊。得參朮芩芍名附子湯。治少陰病。始得之。背惡寒。得芩朮芍藥生薑名真武湯。治少陰病腹痛。小便不利。四肢疼。痛。自利。得乾薑芩芍白通湯。

毒草部

毒草部

治少陰病利下脈微若厥逆無脈乾嘔而煩面色赤加葱白以通陽氣此皆得配合之神妙能起死回生於反掌間  
生熟各隨本方趙嗣真云生附配乾薑補中有發熱附配麻黃發中有補宜生宜熟不出此中妙用也至於崔氏八  
味丸用為少陰嚮導後世認為補藥誤矣東垣治陰盛格陽面赤目赤煩渴引飲脈來七八至但按之即散者用乾  
薑附子湯加人參半斤服之得汗而愈時珍云陰寒在下虛陽在上治之以寒則陰氣愈盛治之以熱則拒而不納  
熱藥冷服下咽之後冷性既消熱性便發病氣隨愈此熱因寒用之法也附子性沉者溫脾逐寒烏頭性升發溫脾  
去風若寒疾即用附子風疾即用烏頭二藥俱走而不守故墮胎為百藥長然妊娠脈弦發熱胎脹惡寒小腹如扇  
金匱用附子湯以安其胎此神聖之妙用也若傷寒發熱頭痛皆除熱傳三陰而見厥逆脈沉此厥深熱深之候證  
必先發熱頭痛七八日或十餘日後而見厥冷脈沉此為陽厥大便必不瀉而閉及溫疫熱伏厥逆與陰虛內熱火  
鬱於內而惡寒者誤用不旋踵告變矣附子乃退陰回陽必用之藥近世疑而不用直待陰極陽竭而用已遲矣且  
史陰頭痛足冷上熱下寒陰邪內盛陽氣外衰急需人參健脈以益其原佐以附子溫經散寒捨此不用將何救之  
川烏頭 辛熱有毒入祛風藥同細辛黑豆煮入活絡藥同甘草炮製按烏頭乃附子之母春生新附即採其母諸  
家本草未嘗發明但云春採者為烏頭故舉世誤認烏頭為春時取附子之小者往往以側子代用誤人多矣反半  
夏 發明 烏頭得春升之氣故治風為嚮導主中風惡風半身不遂風寒濕痺心腹冷痛肩髀痛不可使仰及陰  
疽久不潰者潰久瘡寒肉不斂者並宜少加以通血脈惟在用之得宜小兒慢驚搐搦涎壅厥逆生川烏全蠍加  
生薑煎服效甚烏附之尖為末茶清服半錢吐癩癩風痰取其銳氣從下焦直達病所借茶清涌之而出也夫藥之  
相反者以烏頭半夏為最而金匱亦丸及普濟方俱二味同用非妙達聖義者難以語此

天雄 辛溫大毒即附子之獨顆無附大倍附子者制法與附子同 本經主大風寒濕痺屈節痛拘攣緩急破積

聚邪氣金匱強骨髓輕身健行 發明 天雄稟純陽之性補命門三焦壯陽精強腎氣過於附子故本經用以治

大風寒開濕痺屈節拘攣諸病陽氣衰痿者佐人參用之天雄附子性皆下行若上焦陽虛者當用參耆不當用此

也且烏附之尖皆是向下生者其臍乃向上生苗處宗奭元素皆誤認尖為上惟震亨以為下部之佐者得之肘後

三建湯治元陽素虛寒邪外入厥冷脈沉及傷寒陰毒川烏附子天雄炮制等分每服四錢加生薑十五片溫服金



遷治男子失精。用天雄龍骨桂枝白朮為散。酒服半錢。淮南天雄一枚。納雄雞腹中。煮爛搗食之。令人勇。取壯用肝腎之氣也。

側子即前 辛熱大毒 發明 側子乃散生烏附之旁。側體無定。在其氣輕揚。宜其發散。四肢充達。皮毛為治風之藥。唐元希聲治癱瘓。有側子湯。見外臺祕要。○又附子之初生。瑣細未成者。曰漏。蓋言其小而籃不能盛。漏出藍下也。專治冷漏惡瘡。

草烏頭一名 辛熱大毒。即烏頭之野生者。或生用。或炮用。各隨本方。有兩岐相合。如烏之喙者。名烏喙。本經主中風惡風。洗洗出汗。除寒濕痺。效逆上氣。破積聚寒熱。其汁煎之名射罔。殺禽獸。發明 草烏頭射罔。乃至毒之物。

非若川烏頭附子之比。自非風頑急疾。不可輕投。此藥止能搜風勝濕。開頑痰。治頑瘡。以毒攻毒而已。本經治惡風。洗洗汗出。但能去惡風。而不能回陽散寒。可知昔人病風癱。服草烏頭。未盡于藥過多。甫入腹。遂麻痺不救。烏附五種。主治攸分。附子大壯元陽。雖偏下焦。而周身內外無所不至。天雄峻溫不減於附。而無頃刻回陽之功。川烏常搜風濕痛痺。却少溫經之力。側子善行。四末不入藏府。草烏悍烈。僅堪外治。此烏附之同類異性者。至於烏喙。實氣不純。服食違之可也。

射罔 苦溫大毒。人中射罔毒。以甘草藍汁小豆葉浮萍冷水齊煮。皆可一味禦之。發明 烏喙射罔。至毒之藥。雖有治尸疰癢堅。癭瘡毒腫及蛇咬。先取塗肉四畔。漸漸近瘡。習習逐病。至骨。瘡有熱膿。及黃水者。方可塗之。若無膿水。有生血。及新傷破。即不可塗。立能殺人。

白附子 辛甘溫小毒 發明 白附子純陽引藥。勢上行。乃陽明經藥。治肝氣風癱陰瘡。洗肝黑。入面脂用。其性燥。血耗氣。是以類中風證。雖有痰壅。禁用。小兒慢驚。勿服。

天南星本經名 苦辛溫有毒。治風痰生用。須以礬湯浸。若熟用。以濕紙包於塘火中。炮製用。造膽星法。以南星磨末。篩去皮臘。入黃牛膽中。懸當風處乾之。年久多拌者良。或兼蜂蜜以潤其燥。但色易黑。不能久藏。本經主心痛寒熱結氣。積聚伏梁。瘵拘緩利水道。發明 天南星之名。始自開寶。即本經之虎掌也。以葉取象。則名虎掌。根類取名。故曰南星。雖具二名。實係一物。為開滌風痰之品。藥。本經治心痛寒熱結氣。即開寶之下氣利胸膈也。本

本經

毒草部

卷二

七

經之治積聚伏梁即開寶之破堅積也本經之治筋痿拘攣即開寶之治中風除麻痺也本經之利水道即開寶之散血隨胎也夫水由血不歸經所化蘊積於經而為濕熱則風從內發津液凝聚為腫脹為麻痺為眩暈為顛仆為口噤身強為筋脈拘攣為口眼喎斜各隨身之所偏而留著不散內為積聚外為癰腫上為心痛下為墜胎種種變端總由濕熱所致蓋緣一物二名後世各執一例是不能無兩歧之說即仲瀉之明尚以開寶之文行之為疏而本經主治置之罔聞何怪諸家採集藥性一皆舍本逐末乎按天南星味辛而麻故能治風散血氣溫而燥故能勝濕除痰性緊而毒故能攻積拔腫而治口喎舌糜諸風口禁更以石菖蒲人參佐之南星半夏皆治痰藥也然南星專走經絡故中風麻痺以之為嚮導半夏專走腸胃故嘔逆泄瀉以之為嚮導千金治婦人頭風攻目作痛掘地作坑燒赤入南星於中以醋沃之蓋定候冷為末酒服半錢易簡治面生疣子醋調南星末塗之其新生之芽曰由跋本經治毒腫結氣千金方用之取其開結之用耳

半夏 辛溫有毒湯浸同皂莢白礬煮熟薑汁拌焙乾用或皂莢白礬薑汁竹瀝四製尤妙咽痛醋炒用小兒驚痰發搐及臍虛不得眠猪膽汁炒入脾胃丸劑為細末薑汁拌盒炸麩候陳炒用反烏附者以辛燥鼓激悍烈之性也忌羊血海藻飴糖者以甘膩凝滯開發之力也 本經主傷寒寒熱心下堅胸脹欬逆頭眩咽腫痛腸鳴下氣止

汗 發明 半夏為足少陽本藥兼入足陽明大陰虛而有痰氣宜加用之胃冷嘔噦方藥之最要上嘔為足陽明

除痰為足大陰柴胡為之使故小柴胡湯用之雖為止嘔亦助柴胡黃芩主往來寒熱也本經治傷寒寒熱非取其辛溫散結之力欬治心下堅胸脹非取其攻堅消痞之力欬治欬逆頭眩非取其滌痰散邪之力欬治咽喉腫痛非取其分解陰火之力欬治腸鳴下氣止汗非取其利水開痰之力欬同蒼朮茯苓治濕痰同桔萸黃芩治熱痰同南星前胡治風痰同芥子薑汁治寒痰惟燥痰宜桔萸貝母非半夏所能治也半夏性燥能去濕豁痰健脾今人惟知半夏去痰不言益脾利水脾無留濕則不生痰故脾為生痰之源肺為貯痰之器半夏能主痰飲及腹脹者為其體滑而味辛性溫也二陳湯能使大便潤而小便長世俗皆以半夏南星為性燥悞矣濕去則土燥痰涎不生非二物之性燥也古方治咽痛喉痹吐血下血多用二物非禁劑也按靈樞云陽氣滿則陽蹻盛不得入於陰陰虛則目不瞑飲以半夏湯一劑通其陰陽其臥立至半夏得桔萸實黃連名小陷胸湯治傷寒小結胸得雞子清苦酒名苦酒

湯治少陰咽痛生瘡語聲不出得生薑名小半夏湯治支飲作嘔得人參白蜜名大半夏湯治嘔吐反胃得麻黃蜜  
丸名半夏麻黃丸治心下悸忪得茯苓甘草以醋煮半夏共為末薑汁麩糊丸名消暑丸治伏暑引飲脾胃不和此  
皆得半夏之妙用惟陰虛羸瘦骨蒸汗泄火鬱頭痛熱傷咳嗽及消渴肺痿效逆失血肢體羸瘦禁用以非濕熱之  
邪而用利竅行濕之藥重竭其津醫之罪也豈藥之咎哉

蚤休即草薺河中金線重 苦微寒有毒 本經主驚癇搖頭弄舌熱氣在腹中 發明 蚤休足厥陰經藥能治

驚癇瘧疾瘰癧癰腫詳本經主治總取開結導熱而驚癇搖頭弄舌之熱邪自除元氣者虛禁用醋磨敷癰腫蛇毒

有效

鬼白本經名九白一名天白一名馬目每公又有虎律草言母草蜀脚 辛溫有毒 本經殺蟲毒疰鬼精物辟惡

氣不祥逐邪解百毒 發明 鬼白辛溫以毒攻毒之猛藥本經殺鬼疰蟲毒辟惡逐邪寧無顧名思實之意其治

邪癰陰疽蛇毒用之良方一字神散治子死腹中無灰酒下一錢立效射工中人寒熱發瘡鬼白葉一握苦酒搗汁

服一升日二次效

射干本經名烏扇其葉叢生橫鋪一而如鳥翅及扇之狀 苦辛微溫有毒米泔浸煮熟炒用 本經主效逆上氣

喉痹咽痛不得消息散結氣腹中邪逆食飲大熱 發明 若能下泄辛能上散本經治效逆上氣喉痹咽痛不得

消息專取散結氣之功為喉痛咽痛要約痘中咽痛隨手取效以其力能解散毒鬱也治腹中邪逆食飲大熱是指

宿血在內發熱而言即別錄瘰癧老血在心脾間之謂金匱治效而上氣喉中水鷄聲有射干麻黃湯又治瘡母藍甲

煎丸用烏扇燒過取其降厥陰之相火也火降則血散腫消而痰結自解千金治喉痺有烏扇膏中射工毒生瘡烏

扇升麻煎服以淨敷瘡上效治便毒射干同生薑煎服利兩三行即效以其性善降服之必瀉虛人禁用苗名烏尾

根名烏頭又名東海烏頭千金治蠱方用之

玉簪根即白 苦辛溫有毒 發明 玉簪入骨堅故能下骨鯁以根搗自然汁於竹筒灌入喉不可着牙齒刮

骨取牙玉簪根乾者一錢白矾三分白碓七分蓬砂三分威靈仙三分草烏頭一分半為末點少許瘡處自落

鳳仙子似子似名急 苦溫小毒 發明 鳳仙子性最急速故能透骨軟堅通竅搜頑痰下死胎積塊噎膈骨鯁治狂

本經卷之二 毒草部

痴勝金丹用之取其性急領砒藥吐泄也危人煮肉硬者投于數粒即易爛是其驗也性與玉簪根同不可者甚多  
食戟人咽入砒點痰牙即落同獨辦蒜搗塗瘡塊即消加麝香阿魏尤捷花治蛇傷搗酒服之即解

曼陀羅花實名風加

辛温有毒 發明

此花浸酒治風少頃昏昏如醉動火之患也故麻藥為之首推八月採此花

七月採麻子花陰乾等分為末熟酒調服三錢少頃昏昏如醉刺倉炙火宜先敷此則不覺苦也寒濕脚氣煎湯洗

之

羊躑躅脚爛

辛温大毒惡諸石及麩不入湯劑

本經主賊風在皮膚中淫淫痛温瘡惡毒諸痺 發明 羊躑

躑躅治中風癱瘓性祛風寒濕邪故可以治諸痺惡毒正與本經之治相行用其毒以攻毒也然須諒病人虛實而用  
和劑局方伏虎丹中用之南方治蠱毒有躑躅花散其性之猛烈可知此物有大毒曾有人以根入酒飲遂致於斃  
不可近眼令人昏翳同天南星川烏草烏助虐尤甚中其毒者以豕豆解之

羌花 苦辛温有毒陳者良水浸一宿曬乾醋炒以去其毒弘景曰用者微熬不可近眼反甘草 本經主咳逆上

氣喉鳴咽腫短氣蠱毒鬼瘡疔癩癰腫殺蟲魚 發明 羌花消痰飲水腫故本經治咳逆咽腫疔癩癰毒皆是痰

濕內壅之象仲景治傷寒表不解心下有水氣乾嘔發熱而欬或喘或利者小青龍湯主之若表已解有時頭痛汗

出惡寒心下有水氣乾嘔痛引兩脇或喘或欬者十棗湯主之蓋小青龍湯驅逐表邪使水氣從毛竅而出內經開

鬼門法也十棗湯驅逐裏邪使水氣從大小便而泄內經潔淨府去宛陳莖法也羌花大戟甘遂之性逐水瀉滯能

直達水飲窠囊隱僻處取効甚捷不可過劑世人真元

羌花 苦寒有毒熱黃用羌花葉尖如柳花紫似荊莢花苗莖無刺花細色黃與羌花絕不相似或言無羌花以羌

花代之性相近耳 本經主傷寒温瘧下十二經水破積聚大堅癥瘕湯滌腸中留癖飲食寒熱邪氣利水道 發

明 羌花苦辛能破積聚癥瘕治痰飲欬逆去咽喉腫閉本經治傷寒温瘧者即苦寒以攻蘊積伏匿之邪也言下

十二經水又治飲食寒熱邪氣者以其苦寒峻利飲食之邪亦得滂滌而寒熱自除也仲景用此止利以行水水去

則利止矣又小青龍湯云若微利者去麻黃加羌花蓋亦取其利水也愚按羌花莢花雖有辛温開表苦寒走澁之

不同而破結逐水之功用彷彿本經雖無羌花利水之說而仲景十棗湯常行利水是以藥肆皆不辨混收醫家亦

不辨混用猶夫食穀得以瘵饑食黍亦可瘵饑混用可無妨礙若礬石礬石字形相類藥狀亦相類可不辨而混用耶

莽草一名莽即鼠莽本作尚字此物有毒食之令人迷悶故 辛温有毒 本經主頭風癰腫疝瘕除結氣疥瘡殺

蟲魚 發明 莽草大毒善殺魚鼠其性可知本經治疝瘕結氣蕩滌在內之宿積也瘵癰腫頭風搜逐在外之邪

毒也但性最猛烈服之令人瞑眩千金方每與茵芋同為搜風滌惡之峻劑近世罕能用之惟毒魚之外僅以浴頑

疥濕風及煎漱蟲牙然沐時勿令人眼中其毒者惟草紫河車磨水服之可解黑豆煮汁服之亦解以豆汁澆莽根

則爛物類之相制如此至於茵芋人所未識母怪近醫術之卑也

茵芋 苦辛温有毒生秦山川谷春生苗高三四尺莖赤葉似石榴而短厚又似石南四月開細白花五月結實今

彭城海鹽杭州雍州絳州華州皆有四月採葉七月採莖陰乾用之 本經主五藏邪氣心腹寒熱癩瘦如瘡狀發

作有時諸關節風濕痺痛 發明 茵芋大毒世亦罕用本經雖有治癩瘦如瘡狀一語皆是五藏有邪氣心腹寒

熱所致非能瘵虛癩寒熱也其治關節風濕痺痛是其正治時珍曰千金外臺諸方治風癩有茵芋丸治風痺有茵

芋酒治婦人產後中風有茵芋膏風濕諸方多用之茵芋石南莽草皆古人治風妙品近世罕知

鈎吻 本經名野葛紅花者名大把草 黃花者名黃藤千金名黃野葛 辛温大毒 本經主金瘡乳疔中惡風效逆上氣水腫殺鬼疰蠱毒 發明

野葛之毒甚於戈戟故有鈎吻之名而風毒蠱疔用之以毒攻毒尚非大劇亦難輕用紫者破血結青者破痰積

其葉與黃精葉相似但鈎吻葉有毛鈎二箇黃精葉似竹葉而無毛鈎可以明辨候食鈎吻葉飲冷水即死以死尸

懸樹上汁滴在地即生茵于收之名茵藥毒於野葛雍菜搗汁解之取雍菜汁滴野葛苗即萎死中野葛毒急不可

得雍菜多飲甘草汁人屎汁或白鴨血白鵝血羊血灌之亦解

蔓草部

菟絲子 本經名 菟蘿 辛甘平無毒酒煮搗爛作餅焙乾用雷公曰凡使勿用天碧草子真相似只是味酸澆并粘也菟

絲最難得真有人以子種出皆水岸草今藥肆所賣俱係此類然服亦有微功不似假石蓮子之大苦大寒大傷胃

氣代人天元也至賤之物尚爾若此况珍貴之品能無偽乎 本經續絕傷補不足益氣力肥健人 發明 菟絲

蔓草部

子去風明目肝腎氣分藥也其性味辛溫質粘與杜仲之壯筋暖腰膝無異五味之中惟辛通四氣復兼四味經曰  
腎苦燥急食辛以潤之菟絲子五味子之屬是也與辛香燥熱之辛迥乎不同此補脾腎肝三經要藥本經言續絕  
傷補不足益氣力肥健人者三經俱實而絕傷續不足補氣力長令人肥健矣其功專於益精髓堅筋骨止遺泄主  
莖寒精出溺有餘泄去膝脛痠軟老人肝腎氣虛腰痛膝冷合補骨脂杜仲用之諸經膜皆屬於肝也氣虛腫子無  
神者以麥門冬佐之蜜丸服效凡陽強不痿大便燥結小水亦澇者勿用以其性偏助陽也

五味子 酸溫無毒產遼東者佳微焙搗碎用 本經主益氣效逆上氣勞傷羸瘦補不足強陰益男子精 發明

五味子右腎命門本藥本經主效逆上氣強陰益男子精心腎不交者宜之兼入肺腎二經味酸而斂耗散之金  
性溫而滋不足之水生津止渴益氣強陰壯水鎮陽收腫子散大定喘效沃加乾薑治冬月肺寒效嗽同人冬門冬  
治夏月精神困乏而虛熱久嗽不可慢用表散須以此去核之辛溫助火但用皮肉之酸鹹以滋化之不宜多用恐  
酸收太過反致閉遏而成虛熱也黃昏嗽乃火浮於肺不宜涼藥宜五味子斂而降之但風邪在表疹初發一切  
停飲肺家有實熱者皆當禁之

覆盆子 本經名 蓬蘽 甘平微溫無毒酒浸一宿炒用 本經安五藏益精氣長陰令人堅強志倍力有子久服輕身不

老 發明 覆盆子乃蓬蘽之實本經言蓬蘽者藥即實也或云蓬蘽是覆盆苗分之為二殊為未當宗葉云覆盆  
益腎藏縮小便服之當覆其溺器故名本經專於煖子藏服之令人多子別錄言益氣輕身令髮不白甘溫補血與  
桑椹同功惟秦地山中有之近世真者絕罕藥肆每以樹莓代充欲驗真偽以酒浸之色紅者是真否即是假

使君子 甘溫無毒微煖去殼 發明 凡殺蟲藥都是苦辛惟使君子甘而殺蟲不傷脾胃大人小兒有蟲病者

每月上旬清晨空腹食數枚或為散肥湯服之次日蟲從大便出忌飲熱茶犯之即瀉凡蟲皆脾胃虛弱飲食停滯  
而生此物甘溫既能殺蟲又益脾胃所以能斂虛熱而止瀉為小兒蟲積上藥

木鱉子 土木鱉苦溫小毒者木鱉苦寒大毒又附子之初生未成者曰漏藍子炮炙論名木鱉子與此不同 發

明 木鱉有二種有殼者曰土鱉去殼搗爛昂裏塞鼻起倒睫拳毛又為未唾調貼痔痛七日即消一切癰腫醋磨  
塗之一種無殼者曰番鱉治熱病喉痹作痛和山豆根青木香磨汁嚥之斑瘡入眼者木鱉半个同輕粉冰片麝香

高末左目吹右耳右目吹左耳日二次痲瘡自退又能毒狗狗性大熱此性大寒寒熱相反激之使然

馮兜鈴 苦辛微寒無毒去殼微焙用 發明 諸藥之性輕浮者皆能入肺散氣燈心馬勃之屬皆然諸家言其

性寒專於初痰定喘不知其苦中帶辛寒中帶散是以肺熱痰喘聲音不清者宜之錢氏補肺阿膠散用之取其清

熱降氣邪去則肺安矣性善湧泄故纂要治蛇蠱毒一味濃煎服之探吐其毒即解嬰兒麻疹內陷喘滿聲者宜

加用之若肺冷金寒喘嗽失音者禁用

青木香 即馬兜鈴根 辛苦微寒無毒 發明 青木香苦寒香細入足少陰善降陰氣上逆故治風濕凝滯湯用之并

治癰腫痰結氣凝諸痛唐本治熱腫蛇毒水磨傳之肘後治蠱毒酒水和煎服之毒從小便出昔人言多服令人吐

利肺寒欬嗽寒痰作喘胃虛畏食人勿服以其辛香走竄也

預知子 苦寒無毒大明白溫 發明 預知子專殺蟲蝨蠱其治疥蛇毒總是殺蟲之功相傳取子二枚綴衣

領上遇有蟲毒則聞其子有聲故名預知蜀人極貴重之

牽牛 苦辛溫有毒東垣云辛熱有毒有黑白二種名黑丑白丑凡用生磨取頭末 發明 牽牛專一行水峻下

之劑白者屬金利肺治上焦痰飲除壅滯氣逆通大腸風秘除氣分濕熱黑者屬水瀉腎而兼瀉脾胃之濕消腫滿

脚氣利大小便秘但病在血分或病人稍弱而痞滿者不可用東垣云牽牛非神農藥也各醫續注云味寒能除濕

氣利小便治下注脚氣此說氣味主治俱誤凡用牽牛少則動大便多則泄下如水乃瀉氣之藥其味辛辣久嚼猛

烈雄壯所謂苦寒安在哉夫濕者水之別稱有形者也若受濕氣不得施化致大小便不通宜暫用之况牽牛止能

泄氣中之濕熱不能除血中之濕熱每見酒食過傷病痞者多服牽牛散取快一時藥過仍痞以致久服脫人元氣

猶不知悔也東垣治下焦虛腫天真丹用牽牛以鹽水炒黑佐沉香杜仲補骨脂觀桂諸藥深得補瀉兼施之妙用

方見醫學發明

紫葳一名 酸微寒無毒 本經主婦人產乳餘疾崩中癥瘕血閉寒熱羸瘦養胎 發明 凌霄花手足厥陰血

分藥也能去血中伏火本經主婦人崩中癥瘕又治血閉寒熱羸瘦云養胎者以有積瘀在內瘀散則胎自安也與

金匱桂心茯苓丸中用桃仁丹皮治妊娠癥瘕害無異癥瘕血閉血氣刺痛癰風惡瘡多用之皆取其散惡血之功

也若無瘀血而胎息不安者禁用

施花一名纏枝牡丹 甘辛溫無毒制雄黃 本經主面肝黑色媚好益氣根主腹中寒熱邪氣 發明 凡藤蔓之屬象

人之筋所以多治筋病施花細根如筋可啖本經言主腹中寒熱邪氣別錄言其久服不饑時珍自京師還見北地

車夫每載之云薯蕷煎湯飲可補損傷則益氣續筋之說尤可徵矣筋被斫斷者用施花根搗汁憑斷處仍以渣敷

日三易半月即續

薑薇子名 酸溫無毒 本經營實主癰疽惡瘡結肉跌筋敗瘡熱氣陰蝕不瘳利關節 發明 薑薇乃野生之

白花者性毒解毒其實兼能散結結肉跌筋敗瘡陰蝕皆得療之本經所主皆言其實根能入陽明經除風殺蟲故

癰疽瘡癬常用之千金治消渴尿多以根煮飲又治口瘡之神藥聖惠治小兒遺尿酒者服之皆取其溫足陽明而

足太陽受陰矣

月季花俗名月月紅 甘溫無毒 發明 月季花為活血之良藥搗敷腫瘍用之痘瘡觸犯經月之氣而伏陷者用以

加入湯藥即起以其月之開放不失經行常度雖云取義亦活血之力也

栝萋實 甘寒無毒去殼紙色壓去油用反烏附 發明 栝萋實甘寒潤燥宜其為治嗽消痰止渴之要藥以能

洗滌胸膈中垢膩鬱熱耳仲景治喉痹痛引心腎欬唾喘息及結胸滿痛皆用栝萋實取其甘寒不犯胃氣能降上

焦之火使痰氣下降也其性較栝萋根稍平而無寒鬱之患但脾胃虛及嘔吐自利者不可用

栝萋根即天花粉 苦寒無毒反烏附 本經主消渴身熱煩滿大熱補虛安中續絕傷 發明 栝萋根性寒降膈上

熱痰潤心中煩渴除時疾狂熱祛酒痺濕黃治癰瘍解毒排膿本經有安中補虛續絕傷之稱以其有清胃祛熱之

功火去則中氣安津液復則血氣和而絕傷續矣其性寒降凡胃虛吐逆陰虛勞嗽誤用反傷胃氣久必泄瀉喘欬

病根愈固矣凡痰飲色白清稀者皆當忘用

土瓜根即王瓜根 苦寒無毒藏器云有小毒 本經主消渴內疽瘰癧血月閉寒熱疫癘益氣愈瘰 發明 王瓜產南

方者稟濕熱之氣最盛患瘰癧毒者食之為患轉甚產北地者得春升之氣最先患消渴內疽者用之其效頗捷

其根治黃疽消渴與栝萋之性不甚相遠但不能安中補虛續絕傷調和經絡諸血也金匱治婦人經水不調帶下



少腹滿一月再見者土瓜根散主之深得本經主瘀血月閉之旨方用土瓜根芍藥桂心麝香等分為末酒服方寸  
匕日三服蘇頌治小兒發黃土瓜根生搗汁服三合不過三次效又治黃疸變黑土瓜根汁平旦溫服一小升午刻  
黃水從小便出其治寒熱痰疫皆祛濕熱之驗南陽治陽明經熱大便不通劑之為導以下濕熱其子治肺痿吐血  
腸風瀉血赤白痢及反胃吐食惜乎世醫未知用也

葛根 甘平無毒色白者良入陽明表藥生用胃熱煩渴煨熟用 本經主消渴身大熱嘔吐諸痺起陽氣解諸毒

發明 葛根性升屬陽能鼓舞胃中清陽之氣故本經主消渴身熱嘔吐使胃氣敷布諸痺自開其言起陽氣解  
諸毒者胃氣升發諸邪毒自不能留而解散矣葛根乃陽明經之常藥治頭額痛眉後骨痛天行熱氣嘔逆發散解  
肌開胃止渴宣痲發痘若太陽經初病頭腦痛而不渴者邪尚未入陽明不可使用恐引邪內入也仲景治太陽陽  
明合病自利反不利但嘔者俱用葛根湯太陽病下之遂利不止喘汗脈促者葛根黃芩黃連湯此皆隨二經表裏  
寒熱輕重而為處方按證施治靡不應手神效又葛根葱白湯為陽明痛頭仙藥斑疹已見點不可用葛根升麻恐  
表虛反增斑爛也又葛根輕浮生用則升陽生津熟用則鼓舞胃氣故治胃虛作渴七味白朮散用之又清暑益氣  
湯兼黃柏用者以暑傷陽明額顙必脹非此不能開發也○花能解酒毒葛花解醒湯用之必兼人參但無酒毒者  
不可服服之損人天元以大開肌肉而發泄傷津也

天門冬即天  
棘根 甘寒無毒焙熟去心用肥白者良忌鯉魚 本經主諸暴風濕偏痺強骨體殺三蟲去伏尸久服輕

身益氣延年不饑 發明 天門冬手大陰肺經氣分藥兼通腎氣效逆喘促肺痿肺癰吐血衄血乾效痰結其性

寒潤能滋肺肺氣熱而燥者宜之肺為清虛之藏涼則氣甯熱則氣騰天門冬能保肺使氣不受火擾合地黃麥門

冬主心肺虛熱效吐膿血又能治熱淋同參者定虛喘蓋肺肅則氣化乃能出若脾虛而泄瀉惡食者雖有前證亦

莫輕投以其降泄太過也時珍云天門冬清金降火益水之上源故能下通腎氣入滋補方用之有效若脾胃虛寒

人久服必致滑腸反成痼疾以性寒能利大腸故也本經治諸暴風濕偏痺蓋熱則生風暴則屬火偏痺者濕熱所

致故治風先清火清火在養陰也其三蟲伏尸皆脾胃濕熱所化清二經濕熱則無三蟲伏尸之患矣又能延年不

饑故辟穀方多用之

百部 苦微甘小毒肥白者良抽去心用則不煩悶 本經主咳嗽上氣火炙酒漬飲之 發明 百部為殺蟲要藥故肺熱勞瘵喘嗽有寸白蟲宜之蛻蟲劑及傳尸骨蒸多用之時珍云天麥門冬之類皆主肺痰但百部氣溫肺胃寒者宜之二冬性寒肺胃熱者宜之脾胃虛人勿用以其味苦傷胃也又濃煎洗牛馬蟲樹木蟲蛀用填孔中更削杉木塞之其蟲即死殺蟲之功於此可知

何首烏 一名夜交藤 苦澁微溫無毒其形圓大者佳須赤白並用製法以竹刀刮去皮拌黑豆九蒸九曬候用禁犯鐵器忌茶服諸血勿與天雄烏附薑芋仙茅等同用為其性斂味澁也 發明 何首烏足厥陰少陰藥也性稟陰中

之陽產南方者最勝北地所生雖極大者殊不足珍以地偏屬陰而無陽生之力也白者屬氣分赤者屬血分腎主閉藏肝主疏泄以此氣溫味甘苦澁若走腎溫補肝能收斂精氣所以養血益肝固精益腎健筋骨烏鬚髮為滋補良藥不寒不燥功在地黃天門冬諸藥之上氣血大和則風虛斑腫瘰癧之疾可愈生則性兼發散主寒熱痰癆及癰疽背瘡皆用之今人治津血枯燥及大腸風秘用鮮者數錢煎服即通以其滋水之性最速不及封藏即隨之而下洩也與從蓉之潤燥通大便無異而無助火之虞腸風藏毒用乾者為末米飲日服二三錢有效蓋其內溫肝腎外祛少陰風熱之驗也丹方治久瘧用生乾何首烏一兩柴胡三錢黑豆隨年數加減煎成露一宿清晨熱服若夜瘧尤效乃散中寓收補中寓散之法

萆薢 苦甘平無毒產川中大塊色白而鬆脆者為萆薢若色黃赤者即菝契也一種小塊質堅韌者為土萆薢不堪入藥忌茗醋 本經主腰痛強骨節除風寒濕周痹惡瘡不瘰熱氣 發明 萆薢苦平胃與肝家藥也入肝搜風本經主腰痛強骨節入肝祛風入胃祛濕故本經主寒濕周痹惡瘡熱氣等病昔人稱其攝精之功或稱逐水之效何兩說相懸耶不知胃氣健旺則濕濁去而腎無邪濕之擾腎藏自能收攝也楊氏萆薢分清飲專主濁病正得此意又主陰痿失溺老人五緩者總取行陽之力以利關節助健運也若陰虛精滑及元氣下陷不能攝精小便頻數大便引急者誤用病必轉劇以其溫散不利於陰也菝契與萆薢相類別主腰背寒痛風痹皆錄取祛濕熱利水堅筋骨之義

土茯苓 俗名冷 甘淡平無毒忌鐵器 發明 土茯苓古名山牛入胃與肝腎清濕熱利關節止拘攣除骨痛主

利水堅筋骨之義

利水堅筋骨之義

利水堅筋骨之義

利水堅筋骨之義

利水堅筋骨之義

利水堅筋骨之義

利水堅筋骨之義

利水堅筋骨之義

利水堅筋骨之義

利水堅筋骨之義

利水堅筋骨之義

楊梅瘡解未粉時珍云楊梅瘡起於嶺南風土炎熱嵐瘴薰蒸挾淫穢濕熱之邪發為此瘡。今則遍行海宇類有數種治之則一屬厥陰陽明如兼少陰太陽陽明發於咽喉兼太陽少陽發於頭角蓋相火寄在厥陰肌肉屬於陽明若用輕粉刮劑毒氣竄入經絡筋骨。豈之能出變為筋骨痠痛發為結毒遂成痼疾方用土茯苓一兩薏苡仁冬防風木瓜通白鮮皮各五分皂莢子四分。人參當歸各七分。日服三次忌飲茶燒酒及牛羊鷄鵝魚肉麩麩鹽醬并戒房勞百日。渴飲土茯苓湯半月全愈。

白斂 苦甘辛微寒小毒。反烏附解狼毒毒。本經主癰腫疽瘡散結氣止痛除熱。目中赤小兒驚癩溫瘧女子陰中腫痛帶下赤白。發明 白斂性寒解毒敷腫瘍瘡有解散之功。以其味辛也。但陰疽色淡不起。胃氣弱者非其所宜。本經治目赤驚癩溫瘧。非取其解熱毒之力歟。治陰腫帶下非取其去濕熱之力歟。金匱薯蕷丸用之。專取其辛涼散結以解風氣百疾之纏蓄也。世醫僅知癰腫解毒之用。陋哉。同地膚子治淋濁失精。同白芨治金瘡失血。同甘草解狼毒之毒。其辛散之功可知。而癰疽已潰者不宜用。

山豆根 苦寒無毒。發明 山豆根大苦大寒。故能治咽喉諸疾。蘇頌言含之嚙汁。解咽喉腫痛極妙。或水浸含漱。或煎湯細呷。又解痘疹熱毒。及喉痹藥皆驗。蓋咽證皆屬陰氣上逆。故用苦寒以降之。開寶言解諸藥毒。止痛消瘡腫毒。發熱欬嗽。善治人馬急黃。殺小蟲。時珍云腹脹喘滿。研末湯服。血氣腹脹。酒服三錢。卒患熱厥心痛。磨汁服。總賴苦寒以散之。但脾胃虛寒作瀉者。禁用。

黃藥子 苦平無毒。發明 黃藥子治諸惡腫瘡。瘰癧喉痹。及蛇犬咬毒。研水服之。并用外塗。千金治瘰疾。以黃藥子半斤。無灰酒一升。浸藥固濟瓶口。糠火煨候香。瓶頭有津。即止。時飲一杯。不令絕。三五日即消。勿飲不爾。令人項細也。又專治馬牛心脾熱病。

白藥子 華名 煎草 辛涼無毒。發明 白藥子辛涼解毒。故能治金瘡出血太多。發熱用以涼血清熱。則痛自止。肌自生。又主喉中熱塞不通。時常痛腫。醋煎細呷。治諸骨鯁。在上即吐。出在下即便出。解野葛生金巴豆藥毒。又治馬脾肺熱病。

威靈仙 苦辛溫小毒。發明 威靈仙性善下走。通十二經。故能宣通五藏。治胃脘積痛。脚脛痺濕。痛風之要藥。

消水破堅積朝食著效卒能散邪故主諸風濕能泄水故主諸濕而痘疹毒壅於上不能下達腰下脛膝起漉遲者用為下引立效其性利下病人壯實者誠有殊効氣虛者服之必虛瀉而成痼疾以其耗血走氣也血虛而痛不因風濕者勿服

茜草

素問名茜茹又名茹蘆俗名血見秋

苦辛微溫無毒

本經主寒濕風痺黃瘡補中

發明

茜根色赤而性溫味苦而帶辛

色赤入營性溫行滯味辛入肝手足厥陰血分藥也本經又以治寒濕風痺黃瘡者是濕熱之邪痹著營分用以清理邪濕則脾胃健運寒濕風痺無所留著而黃瘡自除矣其治女子經水不通甚効詳素問四烏鯁一葶茹丸治婦人脫血血枯千金翼治內崩下血皆取以散經中瘀積也病人雖見血證若泄瀉飲食不進者勿服

防己

辛苦寒有毒

本經主風寒溫瘧熱氣諸病除邪利大小便

發明

防己辛寒純陰主下焦血分之病性

劣不純善走下行長於除濕以辛能走散兼之氣悍故主風寒溫瘧熱氣諸病除邪利大小便此本經主治也別錄瘧水腫膀胱熱通脹理利九竅皆降濕之功也弘景曰防己是療風水要藥漢防己是根入膀胱去身半已下濕熱木防己是苗走陽蹠治中風學急風痺濕熱金匱防己黃耆湯防己地黃湯木防己湯五物防己湯皆治痰飲濕熱之要藥而千金治遺尿小便澇有三物木防己湯水腫亦有三物木防己湯總取其通行經脈之力也能瀉血中濕熱通經絡中滯塞險健之類用之不得其宜下咽令人心煩飲食減少至於去濕熱腫痛下注脚氣膀胱積熱誠通行十二經之仙藥也如飲食勞倦陰虛內熱以防己泄大便則重亡其血其不可用一也大渴引飲及久病津液不行上焦濕熱等證防己乃下焦血藥其不可用二也外感邪傳肺經氣分濕熱而小便黃赤此上焦氣病其不可用三也大抵上焦濕熱皆不可用即下焦濕熱又當審其二便不通利者方可用之

木通

原名通草

平淡無毒色淡黃細香者佳

本經除脾胃寒熱通利九竅血脈關節令人不忘去惡蟲發明木

通蓍真根也入手足太陽手少陰厥陰瀉氣分濕熱防己瀉血分濕熱脾胃不和則水道不利乃致鬱為寒熱為腫脹為淋秘為痔瘡俱宜木通淡滲之劑分利陰陽則水行火降脾胃和而心腎平矣本經除脾胃寒熱者以其通利濕熱也曰通利九竅血脈關節者以其味淡滲也曰令人不忘及去惡蟲者竅利則神識清濕散則惡蟲去以其通達九竅行十二經故又能催生下乳散癰腫結熱惟胃虛腎冷及傷寒大便結燥表虛多汗者禁服恐重傷津液耗

散胃汁也時珍曰木通上能通心清肺達九竅下能泄濕祛熱豈止利小便而已哉蓋能泄丙丁則肺不受邪能通水道水源既清而諸經之濕熱皆從小便泄去故導赤散用之

通草

原名通木

平淡無毒

發明

通草輕虛色白專入太陰肺經引熱下降而利小便入陽明胃經通氣上達而下乳汁東垣言瀉肺利小便治五淋水腫癰閉取氣寒降味淡而升仲景當歸四逆湯用以通在裏之濕熱也妊婦

勿服以其通散也

釣藤

一名仙藤

甘微苦寒無毒取鈎用良

發明

鈎藤手足厥陰藥也足厥陰主風手厥陰主火小兒急慢驚癇痰癩內釣腹痛客忤胎風大人肝風頭眩目眩婦人帶下赤白皆肝風相火之病肝木風靜火息則諸證自除矣

木蓮

俗名鬼頭

實甘平溫葉酸平無毒

發明

木蓮薛荔實也性耐風霜嚴冬不凋故能治一切風癩惡瘡為利

水治血通乳要藥古方以木蓮二枚用猪前蹄煎湯飲汁盡一日乳汁即通無子婦人食之亦能有乳其葉主背瘡

取葉搗絞汁和飲蜜數升以渣敷之後利即愈煎湯主賊風疼痛乘熱重洗日二次痛止為度取藤搗絞汁治白癩

風癩癩惡瘡疥癬消腫散毒療腸痔心痛陰頑但南方有瘴氣人不可用

紫葛 甘苦寒無毒生山谷中苗似葡萄長丈許根紫色今在所皆有之

發明

紫葛和血解毒治癰腫惡瘡取

根皮搗為末酢和封之千金紫葛丸用之為君以其能散寒熱結氣也

律草

一名勒草一名葛勒蔓俗名劉人藤

甘苦寒無毒

發明

律草蔓生道傍多刺勒人故又名葛勒蔓專主五淋利小便散瘀

血並搗汁服千金專主骨淋以醋和服之

忍冬

即金銀花

甘溫無毒

發明

金銀花芳香而甘入脾通肺主下痢膿血為內外癰腫之要藥解毒祛膿瀉中有

補癰疽潰後之聖藥今世但知其消腫之功味其能利風虛也但氣虛膿清食少便瀉者勿用瘡瘡倒陷不起用此

根長流水煎浴以痘光壯為效此即水楊湯變法

清風藤

辛溫小毒

發明

清風藤入肝經氣分治風濕流注屈節鶴膝麻痺癢癢同防己浸酒治風濕痹痛一

切風病熬膏酒服一匙將患人身上拍一掌其後過身發養不可當急以梳梳之欲養止飲冷水一口即解風病皆

愈避風數日自安

藤黃 酸澆有毒 發明 藤黃性毒而能攻毒故治蟲牙蝨齒點之即落毒能損骨傷腎可知

水草部

澤瀉 甘鹹微寒無毒 白者良 小便生用入補劑 鹽酒炒油者伐胃傷脾不可用 本經主風寒濕痺乳難食五藏益氣力肥健消水久服耳目聰明不饑延年 發明 澤瀉甘鹹沈降陰中之陽入足太陽氣分素問治酒風身熱汗出用澤瀉生朮麝銜以其能利膀胱濕熱也 金匱治支飲冒眩用澤瀉湯以逐心下痰氣也 治水畜煩渴小便不利或吐或瀉用五苓散以泄太陽邪熱也 其功長於行水 本經主風寒濕痺言風寒濕邪痹者不得去則為腫脹為癧閉用此疏水道則諸證自除 蓋邪子空竅則為乳難為水閉 澤瀉性專利竅竅利則邪熱自通內無熱鬱則利藏氣安和而形體肥健矣 所以素多濕熱之人久服耳目聰明然亦不可過用若水道過利則腎氣虛故扁鵲云多服病人眼今人治世精多不敢用益為腎與膀胱虛寒而失閉藏之令得澤瀉降之而精愈滑矣 當知腎虛精滑虛陽上乘面目時赤者誠為禁劑若濕熱上盛而目腫相火妄動而遺泄得澤瀉清之則目腫退而精自藏矣 何萆之有 仲景八味丸用之者乃取以瀉膀胱之邪非接引也 古人用補藥必兼瀉邪去則補藥得力矣

羊蹄根 俗名虎菜 辛苦寒小毒 傍莖有鈎如波稜莖狀夏末結子便枯者是也 本經主頭禿疥癬除熱女子陰蝕 發明 羊蹄根屬水走血分為除濕殺蟲要藥故本經治頭禿疥癬女子陰蝕之患新採者醋搗塗癬殺蟲加輕粉尤效

菖蒲 辛溫無毒解巴豆大戟毒 本經主風寒濕痺效逆上氣開心孔補五藏通九竅明目耳目出音聲主耳聾癰瘡溫腸胃止小便利久服輕身不忘不惑延年益心智高志不老 發明 菖蒲乃手少陰厥陰之藥心氣不足者宜之本經言補五藏者心為君主五藏係焉首言治風寒濕痺是取其辛溫開發脾氣之力治效逆上氣者痰濕壅滯之喘效故宜搜滌若肺胃虛燥之喘效非菖蒲可治也 其開心孔通九竅明目耳目出音聲總取辛溫利竅之力心孔開九竅利則癰瘡之毒可解腸胃喜溫惡寒腸胃既溫則膀胱之虛寒小便不禁自止久服輕身者除濕之驗也不忘不惑延年益智高志不老皆補五藏通九竅之力也 又主肝虛心腹痛霍亂轉筋消伏梁癰癩善通心脾痰濕可知千金治胎動不安半產漏下或搶心下血及產後崩中不止並以菖蒲一味煎服凡陽亢陰虛驚寤失合者禁

用以其性溫善鼓心色之火與速志之助相火不殊觀本經之止小便利其助陽之力可知

蒲黃 甘微寒無毒筋能行血羅去粗筋取粉用 本經主心腹膀胱寒熱利小便止血消瘀血 發明蒲黃手足

厥陰血分藥也故能治血治痛本經主心腹膀胱寒熱良由血結其處營衛不和故也又言止血消瘀血者以生則

能行熟則能止與五靈脂同用名失笑散治一切心腹疼痛能破瘀積消癰腫去產婦兒枕痛然胃氣虛者入口必

吐下咽則利以五靈脂性味濁惡也宋度宗一夜忽舌脹滿口用蒲黃乾薑末乾搽而愈以蒲黃之涼血活血乾薑

之引火外散深得逆從兼濟之妙用然舌根脹痛亦有屬陰虛火旺者誤用前法轉傷津液每致燥渴愈甚不可不

審

苦草 苦溫無毒 發明 苦草者竄入足厥陰肝經理氣中之血產後煎服能逐惡露但味苦伐胃氣竄傷腦骨

梁柔脆者服之減食作瀉過服則晚年多患頭風昔人畏多產育以苗子三錢經行後糊淋酒服則不受妊傷血之

性可知煎湯主婦人白帶又治嗜食乾茶面黃無力為末和炒芝麻不時嚼之

水萍 辛寒無毒浮水面小而背紫者是 本經主暴熱身癢下水氣勝酒長鬚髮止消渴 發明 浮萍發汗勝

於麻黃下水捷於通草惡疾癘風遍身者濃煎浴半日多効其性輕浮入肺經達皮膚故能發揚邪汗本經主暴熱

身癢者葶藶肌表風熱也下水氣者兼通陽明肉理也勝酒者陽明通達而能去酒毒也長鬚髮者毛竅利而血脉

榮也止消渴者經氣和而津液復也浮萍為祛風專藥去風丹用紫背浮萍為末蜜丸彈子大豆淋酒下一丸治大

風癩風一切有餘風濕脚氣及三十六種風皆驗而元氣本虛人服之未有不轉增劇者至於表虛自汗者尤為戈

戟

萹 甘寒無毒 發明 萹性味滑常食發氣令關節急患痔漏脚氣積聚皆不可食為其寒滑傷津也千金方治

熱瀉嘔逆漏氣澤瀉湯麥門冬湯並用之取其清胃脫之熱逆也又能壓丹石解百藥毒

海藻 苦鹹寒小毒反甘草 本經主癭瘰結氣散頸硬核瘰癧腫癥瘕散十二經水及除浮腫脚氣留飲痰氣之濕熱

明 海藻鹹能潤下寒能泄熱利水故本經主癭瘰結核癰腫癥瘕散十二經水及除浮腫脚氣留飲痰氣之濕熱

使邪從小便而出經云鹹能軟堅營氣不從外為浮腫隨各引經藥治之凡海中諸藥性味相近主癭一致雖有不

昆布 鹹寒滑小毒 發明 鹹能軟堅故癭堅如石者非此不除能破陽邪水腫與海藻同功然此物下氣久服瘦人海島人常食之水土不同故耳凡海中菜皆損人不獨昆布海藻為然

石葶部

石斛 甘淡微苦鹹平無毒酒浸用種類最多惟川者味甘淡色黃無岐可無傷胃之虞古稱金釵者為最以其色黃如金旁枝如釵故有是名近世絕無此種川者差堪代用其餘雜產味苦色晦中虛多岐者味皆極苦誤用損人凡入傷藥酒浸曬乾入丸劑薄切米漿飲曬乾磨之 本經主傷中除痹下氣補五藏虛勞羸瘦強陰益精久服厚腸胃 發明 石斛足太陰少陰脾腎之藥甘可悅脾故厚腸胃而治傷中鹹能益腎故益精氣而補虛羸為治胃中虛熱之真藥又能堅筋骨強腰膝骨痿痺弱囊濕精少小便餘瀝者宜之

骨碎補 俗名 骨碎補 苦溫無毒蜜水焙用 發明 骨碎補足少陰藥也骨碎傷者能療之故名主骨中毒氣風氣耳鳴

牙疼骨痛破血止血折傷接骨又治腎虛久瀉以之為末入猪腎中煨熟食之戴元禮治刺後骨疼入虎骨四斤丸

用之有効但其性降收不可與燥藥同用

石葶 苦微寒無毒凡用去黃毛不爾射人肺今效不已去梗微炙用 本經主勞熱邪氣五癰閉不通利小便水道 發明 石葶蔓延石上生葉如皮其性

利故本經治勞熱邪氣指勞力傷津癯閉不通之熱邪而言非虛勞

之謂治牡蠣轉肥同車前煎服

景天 一名慎火草 俗名火丹草 苦寒無毒 本經主

熱火瘡日華治熱狂赤眼頭痛寒熱遊氣 金慎火以之為君專主血熱崩中帶下之病搗汁散塗小兒

丹毒發熱及遊風熱瘡外用並效一切病得之寒江 寒寒喜熱者勿投

石胡荽 即天明菜 俗名稿不 食草又名雞腸草 辛溫無毒汁製硫石雄黃 發明 鵝不食草氣溫而升味辛而散故能透達癰疽

人但知其搗鼻通而落瘰肉不知其治頭風之功最捷而除醫之功更奇按塞鼻中腎膜自落故碧雲散用以取嚏

則濁氣宣通而腎自除是昔人以開鍋蓋法喻之



地錦一名 苦平無毒 發明 地肤多生庭除磚縫莖赤莖青繁絲如錦故有是名能通流血脉治崩中刺下功專散血止血調利小便千金治淋方用之

苔草部

陸蘆 甘溫無毒生於水底石上者蒙茸如髮謂之陸蘆 發明 陸蘆與水苔同生水中但浮於水者謂之水苔千金治協熱下痢嘔逆溫食則吐有陸蘆丸為痢證之首方日華搗汁治天行心悶別錄主心腹大寒溫中消穀強日氣止泄痢並取其性溫而能利水也

石蕊一名蒙茸 甘溫無毒生蒙山頂石面及枯株上與木耳無異 發明 石蕊明目益精氣潤咽解熱化痰同生

薺能解陽明頭額眉稜骨痛本乎天者親上也

卷柏 辛平無毒桐君雷公云甘寒無毒鹽水煮半日再以井水煮半日用生用破血又用止血 本經主五藏邪

氣女子陰中寒熱痛癢殺血閉絕子久服輕身和顏色 發明 卷柏足厥陰經血分藥也詳本經諸治一皆女子

經痰之病總厥陰與衝脈之患也千金大澤蘭丸紫石英天門冬等丸皆用之經疏言妊婦禁用以其能寒子藏中

血氣也

馬勃 辛平無毒多生竹園濕地腐脹而成凡用以生布張開將馬勃於上摩擦下以盤承取末用之 發明 馬

勃輕虛上浮力能散肺中邪熱故治咳嗽喉痹衄血失音諸病東垣治大頭病咽喉不利普濟消毒飲用之然須生

蜜拌投入水調散不浮方可煎服

倒掛草 苦甘無毒 發明 倒掛草生井口邊千金斷酒方於端午午時取燒研水服勿令知即惡酒不飲其樹

孔中生者千金用治瘰癧取其倒垂而根不着也

苔 甘寒無毒 發明 井中蒼苔得至陰之氣而生火瘡傷爛脫皮者以苔炙末每錢入冰片二分杵極細搽上

痛即止不過三度愈如無井中者墻陰地上者亦可用之